

HISTORIA MEDICA BIENNALIS MORBORUM RURALIUM, QUI

A VERNO TEMPORE ANNI MDCCLIX.
USQUE AD FINEM HYEMIS ANNI MDCCLXI.
LAXENBURGI ET IN VICINIS UNDIQUE OPPIDIS,
PAGISQUE DOMINATI SUNT;

C O M P L E C T E N S

MEMORABLEM, RARIOREMQUE FEBRIUM
INTERMITTENTIUM ET DE EARUM GENERE REMIT-
TENTIUM EPIDEMIAM,

A U T H O R E

FRANC. JOSEPHO LAUTTER,
MEDICINÆ DOCTORE ET CÆS. REG. LAXEN-
BURGENSI PHYSICO.



V I N D O B O N Æ,

TYPIS JOAN. THOMÆ TRATTNER,
CÆS. REG. AULÆ TYPOGR. ET BIBLIOPOL.



PRÆFATIO.

Ex Observationibus Medicina nata est, Observationibus adolevit, Observationes robur masculum addidere, & majorem certitudinem.

Quum vero Observationum Fodina inexhausta sit **NATURÆ** abyssus, tres inde, & inconcussæ quidem Veritates resultant: Primo nunquam nobis deforme hauriendarum Observationum materiam; secundo, non unius hominis, sed infinitorum unitam ad id requiri operam; tertio, ad altiorem indies soliditatis, præstantiæ, & perfectionis gradum Artem nostram ideo posse pervenire.

Atque ista me impulerunt momenta , ut , dum innumeros in fodiendo hoc isthmo inexplicabili ardore infundantes intueor, parili excitatus stimulo , meam quoque hac in re symbolum ,

quantumvis norim , quam sit mihi
curta supellex ,
pro virili conferre allaborarem.

Constitui itaque , qui in clinica nostra Praxi occurrerent, Morborum Historiam , simplici veritate recensere : ne tamen hoc scribendi genus nimia ariditate , ac brevitate displiceat , de illis morbis , qui Epidemium tenerent prædominium , paulo uberius differere visum est.


Biennale vero selegi spatium , tum quod exiguum lucubrationibus ab operosa praxi relinquatur otium , tum quod de
epi.

epidemicorum Affectuum periodo, binorum annorum intervallo, certiora consent, tum denique, quod Typis mandare conscripta, mihi, utpote rusticanti, plus longe negotii faceffat, & difficultatis.

Enimvero, cum primi, de quo scribere intendo, biennii FEBRES INTERMITTENTES, & de earum genere remittentes, sibi vendicarint dominium, præmissa generali constitutionis totius historia, specialius nonnihil de Febribus memoratis hoc ordine agam, ut primo Capite morbos, qui a Verno Tempore Anni 1759. ad Finem usque Hyemis An. 1761. Laxenburgum, & ejus viciniam infestarunt, rudi calamo depingam; Capite altero notabiliores aliquos perniciosarum harum Febrium casus referam; tertio Corollaria quædam ex epidemica illarum Fe-

brium Constitutione deducam ; quarto Diagnostica gravissimarum ejusmodi , tectarumque Febrium signa dijudicem ; quinto demum Capite in Causas nostræ hujus Epidemiæ inquiram : adjungens in fine nonnulla de Peruviano Cortice , vel hodiernis quibusdam Medicis suspecto , ideoque vel maxime inviso.

Facilem denique Te requiro L. B. Si barbaræ quædam , & adulterinæ voces Tuas aures hinc inde offendant. Ut taceam reliquas , frequenter occurreret Falconarii vocabulum , quo eos denominare volui Venatores , qui Falcones ad Ardearum , aliarumque avium rapacium , ut & Leporum , Anatumque palustrium venatum condocerant. Sollicitissimo enim potius , quam nauseosa sæpius Paraphrasi malui displicere.



CAPUT I.

*Historia Generalis Morborum, qui
a verno tempore anni 1759. ad finem
usque hyemis anni 1761. dominati
sunt.*



Enis jam ante annis, quam
hic locorum, faventibus
meis superioribus, mihi nun-
quam non venerandis, &
annuente IMPERATRICE AUGU-
STISSIMA, Medicinam exercere cœ-
pi, an. nempe 1757. & 58. totam un-
dique viciniam dire depopulatæ sunt Fe-
bres acutæ, generis varii, pessimi sem-
per, miliaribus, atque petechiis stipa-
tæ. Adulta æstate Anno 1757. exorsæ,
latius per autumnum sparsæ, sævissime
hyeme integra debacchatae sunt. Vernis

autem, primisque æstatis sequentis anni mensibus aliquantum conticescentes, eadem posthac cum ferocia revixerunt; & per autumnum, brumæque totius decursum cum non exigua mortalium strage grassatæ, fugam sensim arripuerunt, ita ut, dum mense Majo An. 1759. egregio meo antecessori D. Fürst (qui posteaquam, durante hac Epidemia, multis centenis ægrotantibus, ad plures sæpe horas Laxenburgo diffitis, indefessam, & pœne incredibilem impendisset operam, ipse demum, ineunte Vere anni paulo ante memorati, infenso huic hominum hosti in deplorandam victimam, ac ultimum quasi babulum cessit) sufficeret, non nisi funesta relicta vestigia hinc inde offenderem.

Intermittentes solummodo febres ea tempestate decurrebant. Ex his paucæ erant quartanæ, quotidianæ plures, tertianæ plurimæ, quæ tamen moris adeo benigni, tamque facile fugandæ ambulabant, ut vel solo meraco recentis hederæ terrestris infuso, in ἀπυρεξία, & frigoris stadio largiter hausto, sæpius terga dederint.

Appro-

Appropinquante vero æstate deteriores paulo, contumacioresque evaserunt; emetica enim, aut cathartica (prout symptomata præsentia, velut nausea molesta, vomitus difficilis, aut ventris inflationes, borborygmi, alvi fluor &c. indicabant) necessario postulare videbantur. Hisce tamen evacuationibus celebratis, & paulo ante febris accessum finitis, ut plurimum vel unice paruerunt. Pertinaciores tantum aliquæ salium neutrorum, salis ammoniaci, aut in decrepitis corporibus Peruviani corticis usum extorserunt.

Sic fere non nisi sui copia notabiles hæc intermittentes morbis æstivis locum cefferunt. Ast priusquam se subtraherent, in attentionem paulo majorem me excitavit ex tertiana aliqua, remittens potius, quam intermittens, quæ suis in accessionibus delirio, tremore valido ac continuo, stupore, & somno fere apoplectico stipata, capite altero No. I. enarrabitur. Prodromus hæc fuit, atque præcursor gravis Epidemiæ febrium intermittentium, seu rectius de intermittentium genere remittentium,

quæ diverforum, ac perniciosissimorum morborum habitum sæpius indutæ, magno cum ægrotantium periculo, integro fere biennio circum circa dominatæ sunt.

Eam tamen suspensionem tum minime fovebam, quod febres vere intermittentes eo tempore, uti mox monui, fere penitus aufugerent, & æstivos jam morbos Diarrhœæ, ac Dyſenterię constituerent. Multi ruricularum, maxime vero mēssores graviter illis affligebantur. Evacuationes quippe erant enormes, haud raro cruentæ, cum torminibus validis, & difficili tenesmo. Ortum traxisse videntur a nimia ingurgitatione aquæ, hic locorum, præprimis Laxenburgi parum salubris, utpote turbidæ, multum fœculentæ, & sulphur redolentis, qua sitim, ex torrente solis æstu immanem restinguere conabantur agricolæ, & mēssores, maxima nychthemeri parte æstivo calori expositi. Nam si consideremus, aquam de se turbidam, fœcibusque scatentem, solis calore tenuioribus dissipatis, concentratis crassioribus magis adhuc no-

civam, & quod a domibus in distantes agros deportari debeat, tepidam fere redditam, in corpora, a sudoribus pæne jugiter fluentibus exsiccata, copia maxima infundi, morbos ejusmodi enasci necessum erat. Vermes exigui, teretes, per alvum dysentericam ab aliquibus excreti, dicta confirmant.

Utut autem copiosi, gravesque sæpe numero hi morbi fuerint, facile tamen sequenti methodo Sydenhami in omnibus sublati sunt. Quibus pulsus sat fortis, & plenus adhuc micabat, vires non multum attritæ erant, Rheum ad drachmam mediam, aut scrupulos binos præbui, quod alterno mane ad tertiam subinde vicem repetebatur; at omni vespera paregoricum exhibui: si vero vehementer prostratæ essent vires, pulsus debilis, parvus; facies, corporisque habitus notabiliter collapsus, Laudanum liquidum Sydenhami ad guttas viginti cum drachmis duabus spiritus menthæ interpolatis vicibus sumendum præmisi. Induciarum, quas sic impetravi, intervallo jure carniū crebro reficiebatur æger; cura reliqua priori
mo.

modo perficiebatur. Dum valida vexarent tormina, potus, qui alias ex speciebus decocti antifebrilis coquebatur, jam ex emollientibus, ac demulcentibus herbis Althææ, Malvæ &c. parabatur, & Rheo æqualis quantitas Boli Armenæ addebatur. Desiit sic feliciter cum messi Augusto mense hoc morbi genus, finiente Junio enatum.

Sed urente adhuc Sirio, intermittentes, seu verius de intermittentium genere febres remittentes, caput altius, & perniciosius extulerunt, dominium in hunc usque diem exercentes. Tanta copia brevi tempore irruerunt illæ, ut, dum integras sæpe familias alternatim iis correptas, eos vero præcipue iisdem omni ratione febribus prehendi viderem, qui in eodem cum febricitantibus lecto dormirent, in suspicionem communicati quasi contagii adducerer. Verum cum accuratius postea in id animum adverterem, prehendi, rem illam vi subitæ potius, ac frequentię illarum febrium, quam morbi communicationi tribuendam fuisse; aut saltem hanc non nisi in primo Epidemiæ furore locum habuisse.

Prin-

Principatum, five frequentiam spectes, five periculum tum hoc, de quo nunc ago, anno nempe 1759. tum sequenti indubie tenuerunt tertianæ tam simplices, quam duplicatæ; proximæ his fuerunt quotidianæ; rariores, nec tamen periculi expertes exstiterunt quartanæ, his quoque, anno proxime elapso, quotidianam duplicatam observare licuit.

Quam de Variolis in benignas, consuetasque, anomalas, pauloque graviores, pessimas denique, atque malignas distinctionem fecit Sydenham, æquo sane jure his quoque intermittentibus (quo sub nomine febres non solum vere intermittentes, sed etiam de eorum familia remittentes comprehensas ubique intelligo) applicare liceat. Nam quemadmodum Ille Variolas, quæ solita sibi symptomata, moremque benignum gerebant, & fere solo naturæ molimine, absque magno remedium apparatus curabantur, benignas, regulares maxime, consuetasque appellavit; anomalas autem vocavit, quæ alienis quibusdam symptomatis stipatæ,
&

& a consueta benignitate aliquantum recedentes, sine apta, & convenienti medela haud impune decurrebant, ac medium quasi benignas inter, malignasque variolarum genus constituebant; ita & intermittentes illas, quæ verno tempore Anni 1759. præsentēs, non nisi solita his morbis symptomata in tribus illis paroxyfmi cujuslibet stadiis secum vel sponte, habebant, & vel levi artis adminiculo disparebant, benignas, consuetas & maxime regulares denomino: eas vero febres, quæ ab æstate illius anni fere media ad ver usque præsentis anni hic locorum grassabantur, anomalas, ac multo graviores nuncupare, sequentes me rationes impellunt.

I. Frigoris stadium, aliis exhorrescentiæ dictum, quod alias, & communiter a leviori horroris gradu ad rigorem plus minus vehementem ascendere, ac per horas sæpe, notabile saltem horæ spatium ut plurimum perdurare solet, hic exigua tantum horripilatione, nec raro non nisi una, vel altera pandiculatione, & oscitatione, aut fornicationis frigidiusculæ sensu cum unguum livore,
&

& nasi apicis perfrigeratione constabat, atque plurimum momentaneum, perpau-
cis majoris fuit durationis, ita ut ægri
principium solummodo consueti alias fri-
goris stadii persentiscerent. 2^{do} Calor
mox subsequutus longe intensior erat,
quam in altero intermittentium stadio ob-
servari solet, ad sensum mordax, cum
enormi capitis, artuumque dolore nunc
pungente, nunc lancinante; παραφροσύνη
fiti maxima, inquietudine assidua, & ja-
ctationibus, anxietatibus; ossium quasi
desolatorum interno, & dolorifico sen-
su, qui ὀσσεκόπος Græcis dicitur; lingua
alba, aut flava, ficca, rigida; pulsu sub-
duro, nausea, vomitu difficili, aut cre-
bra torminosa dejectione &c. Durabat
etiam plerumque per maximam nychthe-
meri partem, neque copioso erumpente
sudore, & diu protracto, symptomata
illa multum imminuebantur, sed ad ex-
acerbationis usque finem valida perseve-
rabant. 3^{tio} Raro perfecta aderat ἀπυρε-
ξία, verum mediō quoque paroxysmorum
intervallo febricula continuabat; hinc &
symptomata supra enarrata assiduo per-
severabant; licet multo mitiora, ita ut
remi-

remittentes rectius has febres dixeris, quam intermittentes, harum tamen ex profapia. 4^{to} Virium jacturam longe majorem ægri, vel paucis paroxysmis perfuncti experiebantur, quam post plurimum septimanarum decursum ex hujus generis febribus vix perferunt alias. 5^{to} Familiares magis occurrebant anticipations accessuum, adeo, ut, qui prima vice circa quintam v. c. vespertinam ingressus est, tertia, quartave periodo jam sexta matutina rediret: neque receptus morbi, aut mutatio in melius sequebatur inde; verum æque gravis pergebat febris, donec arte fugaretur. 6^{to} Denique frequentius solito vel ex levi in Diæta errore, quandoque sine omni προπάσει, contingebant recidivæ, seu cortice, seu aliis remediis febris pulsa fuerit; binas ideo, ternasque, aut in easdem febres, aut in congeneres pluries observavi recidivas.

Anomalæ hæ febres omne genus hominum, seu vitam duriores, ac laboriosam, seu commodiorem, & quietam degentium, nullo facto discrimine infestant. Ætas nulla ab iis fuit immunis;

nis; vidi enim septuagenarios, immo & octogenarios senes, graviter illis decumbentes; vidi & semestres iis correptos infantes, cujusmodi singulare exemplum hic lubuit inferere. Semestris filiolus Falconarii cujusdam (sit venia voci barbaræ) Wurft appellati, jam a primis vitæ mensibus calculi symptomatis vexatus, binos excrevit mense Novembri anni proxime elapsi, tunc quinquemestris, lapillos, minorem unum, majorem alterum, pisi mediocris magnitudine, politum undique, nisi una ex parte, qua angulus exiguus, sed acutus prominuit. Phthysin inde renalem contraxit. Huic incipiente Decembri se adjunxit intermittens, circa meridiem cum oscitatione una, alterave, quin vel minimum frigus in extremitatibus perciperetur, ingressa; mox sequebatur spasmus, quo valide adeo apprimebantur invicem supra gingivas tenella labia, ut, quamvis dentibus nondum illæ armatæ essent, sanguis tamen undique in labiorum purpureorum superficie transfudare, soluto spasmo, manifesto conspiceretur. Hoc igitur symptoma, quod octavam horæ partem perduravit, cum osci-

B tatio

tationibus aliquibus stadium frigoris effecit. Calor postea vehemens exorsus, cum gemitu, & vagitu tenelli, inquietudine horas aliquot explevit. Paroxysmum finiit levis sudatiuncula. Cum tribus successive diebus iisdem fere horis hoc adverterent parentes, ac infantis custos, quarta redeunte accessione, me vocant, ubi præsens antedicta spectavi, morbique historiam cognovi. Dedi igitur drachmam corticis in pulverem reducti, cujus ea, quam cultri apex capit, quantitas cum melle ter matutino tempore ingereretur. Sed media suffecit dosis, ut cum febre spasmus penitus evanesceret.

Multæ quoque gravidarum, atque vel ideo gravius febricitarunt. Tertianæ gravi ejusmodi mense Augusto Anno 1759. decubuit uxor propria in tertium mensem utero gerens. Levem horrorem, & pandiculationes aliquas excipiebant mox animi deliquia iterata, dolor ossium ὀσσεονόπος, præcipue, dum artus extendebantur, molestus, vomitus difficilis, calor inde enormis, mordax, capitis, lumborum, artuumque dolor lancinans

cinans, vehemens sudor demum profusus, symptomata tamen memorata vix quidquam imminuens. Cum graves igitur, protracti (sedecim namque horis infistebant) & præsertim ob graviditatem periculosi essent paroxyfmi, uncia integra corticis simul ac semel febrim confodi.

Cum anomalæ hæ intermittentes numerosæ admodum fuerint, non tamen adeo periculosæ, ut corticis usum postularent illico, commodam arripui occasionem, alia quoque experiundi remedia; febrifugorum titulo donata. Atque imprimis Cornachini Pulverem, qui & pulvis Comitum de Warwich, aut purgans febrifugum vocari solet, periclitari placuit. Duas tertias enim febrium eo sanari memorat Helvetius in libro suo, Gallico idiomate conscripto, *Recueil de methodes*; felici cum successu se illo etiam in semitertianis usum esse narrat Spiegelius L. 3. C. 8. in quartanis popularibus egregie contulisse hunc pulverem Fonsæca refert Epist. 58. Multum quoque commendatur in febribus intermittentibus a Cornachino, Kergero, Francisco de la Boesylvio, Blegny, aliisque.

Id me repetita docuerunt experimenta, cornachinum pulverem scrupulorum binorum, & ultra pro adulto dosi exhibitum, febrem multoties pepulisse: imo id quoque peculiare observavi, illum etiam, absque quod vel unica vice alvum solverit, subinde ne segnem quidem eam promoverit, sustulisse has nostras intermittentes.

Quare non solum facultate purgante, qua saburram in primis viis peccantem, febris fomitem e corpore eliminat, sed vi insuper peculiari, scammonio propria, in febres ejusmodi agere videtur. Virtus autem hæc scammonii febrifuga in eo posita, hinc & aliis purgantibus communis esse videtur, quod (uti celeberr. Boerhaave asserit Aphoris. de cognoscend. & curand. Morbis §^{pho}. 760.) stimuli instar systema nervosum moveat, quod ILLUSTRISSIMUS ejus COMMENTATOR uberius hoc modo exponit: „Videtur
„ ergo horum remediorum (emeti-
„ nempe, & purgantium, inter quæ pau-
„ lo ante scammonium adduxit:) actuo-
„ sitas in subtilissimo, & omnes fere sen-
„ sus fugiente principio consistere, illam-
que

que in humani corporis subtilissimum
agere. Confirmatur hæc opinio ex eo,
quod mobilissimæ in genere nervoso
fœminæ, & a levissimis causis spiritu-
um ἀταξία laborantes viri hypochon-
driaci, a purgantibus, & emeticis pessi-
me affici soleant, etiam illo tempore,
dum hæc assumpta remedia nondum
fecerant illas evacuationes, quibus ali-
ter, imprimis si copiosæ fuerint, hi
tumultus excitati adscribi potuissent.
Præterea Opium tam efficaciter, &
tam certo spirituum turbas, & inor-
dinatos motus compescens, æque se-
dat purgantium, & emeticorum Acti-
ones, ut Sydenhamus observavit;
immo etiam opio assumpto prius, si
dentur purgantia, antequam illius effica-
cia evanuerit, nihil omnino, vel saltem
parum agere observantur. Videntur
ergo purgantia, & emetica suo stimu-
lo quandoque mutare, imminuere, vel
delere posse illam dispositionem (ner-
vosi nimirum systematis), a qua fe-
brium paroxysmi renovantur; adeoque
merito ad hunc usum adhiberi, quam-
vis non liquido constet, quænam fu-

erit illa dispositio, vel quænam sit illa mutatio, quæ per hæc remedia in corpore contigit.

Robur huic opinioni vel inde quoque accedere videtur, quod sæpius observaverim, Cornachini pulverem febres facilius, ac frequentius in junioribus, quam adultioribus corporibus domuisse; cum in illis systema nervosum, uti irritabile magis est, & sensilius, ita mobilius existit, & facilius mutabile. Neque tamen reticendum, laudatum hoc remedium febres haud raro ne vel minimum quidem loco movere, aut imminuere potuisse.

Alterum, quod sæpe numero in usum revocavi, decantatum febrifugum, Sal est ammoniacum, multiplici tum veterum, tum recentiorum experientia confirmatum, celebratum maxime Doctiss. Mæysio. Ad Drachmam binis vicibus paulo ante paroxysmum exhibitum, ac subinde iteratum, multum sane cohibuit febrium multitudinem. Magis autem juvisse illud adverti in tertianis, etiam duplicatis, ut & quotidianis, minus in quartanis.

Alia

Alia non tentavi primo Epidemiæ anno ἀλεξιπύρετα; sed febres, utroque memorato antea remedio superiores, cortice quantocyus jugulavi. Hunc plerumque dedi pulverum forma aut in Electuarium redactum, rarius in mixtura dilutum, sive in substantia, sive ejus extractum. Quibus alvus inde constipabatur, Rheum, aut salem polychrestum optimo cum effectu addidi; si vero sæpius, quam par erat, ab eo purgabantur, opium adjunxi. Frequentius autem alvus solutior, quam tardior sequebatur a cortice, ita ut ter, quater de die cum euphoria, & febris receptu ægri dejicerent. Neque recidivas febrium, cortice expugnataram expurgationibus brevi post, aut a Balneatoribus temere celebratis, aut a me ipso gravi ex causa institutis, accidisse memini; quare Sydenhami monitum neque semper, nec ubique locum obtinere videtur. Ad omnimodam febris exterminationem subinde unica media (de adultis loquor) corticis sufficiebat; plerumque tamen, præcipue recidiva recurrente, unica integra, aut sesqui altera re-

quirebatur. Hisque ad febres ipsas debellandas usus sum.

Symptomatis vero Paroxysmi tempore multum urgentibus, hoc modo occurrere. Nauseas, vomitusque difficiles, quæ licet iteratis vicibus emeticum in ἀπυρεξία, vel rectius remissionis tempore sit exhibitum, exacerbationes tamen nunquam non comitabantur, in ægrotantium multis & perquam molestos reddebant, emplastro de Ladano, epigastrio applicito, ac diluente, nitroso decocto hordei copiose potato, plurimum cohibui; quandoque tamen opus fuit, Theriacam Andromachi extus admovere, quæ egregiam quoque operam præstitit, dum frequentes adessent dejectiones. Capitis dolores, ac παραφρεσίνην epispastico acri ex fermento panis acidi, aceto Vini, & sale communi, plantis pedum supposito, mirum levavi. Calorem, sitimque nimiam decocto antifebrili tenui, aut decocto hordei, quibus Spiritus Nitri dulcis addebatur, mitigare contendi.

Enimvero præter benignas illas, & maxime regulares intermittentes vernales, atque autumnales, non tantum ratione tem-

temporis, verum etiam de se graviores, & anomalas, tertia adhuc ejusmodi febrium species, altera an. 1759. parte grassata est, quæ malignarum infame nomen æque merentur, ac pessimæ illæ apud Sydenhamum Variolæ. Febres enim erant vere remittentes, tertio, quartove paroxysmo gravissimis, ac periculosis admodum symptomatis stipatæ: sæpe aliorum longe, eorumque acutissimorum instar morborum adortæ, nec nisi in decursu suo, exquisitissimoque examine dignoscendæ. Symptomata, quæ tertiæ, aut quartæ febris exacerbationi se inopinato associaverant, fuere stupor sensuum; affectus commatosus, *καγodes*, fere apoplecticus; Deliria quasi phrenitica, ferocia; Tremores validi, assidui artuum, & linguæ; Anxietates circa vitalia immanes; Acuti dolores lateris; Vomitus frequens, inanis, defatigans alvi fluor profusus, debilitans, dysentericus; Dolores Rheumatici vehementes, aliaque, ita ut modo plura, pauciora modo ex his ægrum divexarent. Dum vero perniciosissimorum morborum habitum indutæ, aggrediebantur hæc febres, neque

lynceis oculis in principio distinguendæ, horrore exiguo præmisso, nunc calorem immanem accendendo, & acutissimum dolorem lateris cum tussi crebra, pulsu duro excitando, veram, sævamque pleuritidem omni ratione mentiebantur, & quod magis mirum est, ipse sanguis, vena iterato educus, crustam densam lardaceam in superficie gerebat: nunc simili caloris foco succenso, cum dolore lateris acuto, sed sine tussi, & respiratione multum læsa, aliam pleuritidis speciem, nescio, quo titulo rite insigniendam, simulabant, sanguine misso identidem phlogistico; nunc sensibus ægri omnibus penitus sopitis; qui profunde, & cum stertore respirabant, sub signis Apoplexiæ veræ, fortis, immo in secundam jam periodo letalis militabant; nunc validis toto corpore convulsionibus productis, spuma circa os collecta, & profunde dormiente in fine paroxysmi ægro tante, Epilepsiam omni nota referebant; nunc denique vomitu enormi, & alvi simul dejectionibus fere assiduis, atrocem choleram exacte æmulabantur. Quid quod & Hæcticas colliquationes, febris
conti-

continua vesperi exacerbata, sudoribus profusissimis, corpus mire emaciantibus, satis apte non nunquam imitarentur.

Et tamen, quamcunque assumpserant larvam, quoscunque habitu suo ascitio referebant morbos, non nisi febres erant remittentes, de intermittentium, tunc temporis epidemiarum genere, atque ut tales curandæ, & in omnibus, qui meæ sese curæ commiserunt, ægrotis, assistente Divina ope, feliciter sine ulla remanente corporis labe profligatæ, unico solum excepto, qui apoplexia tali, altera febris periodo, sua culpa misere enectus est, qui funestus sane, ac demirandus casus Cap. 2. N. 7. enarrabitur.

Medicatio, quamprimum subdelitescentem febrim detexeram, aut modo probabilis aliqua de illa mihi nata erat suspicio, per Cōrticem facta est. Facilis igitur, & simplex fuit perniciosarum adeo febrium cura; difficilius multo extricari potuit earundem Diagnōsis, præsertim in Epidemicæ constitutionis hujus exordio. Signa autem, quibus febres ejusmodi detegi possint, hic loci non examinabo; uberius enim, opera forte non omnino inuti-

inutili, de iis agam cap. 4. Maximus vero labor quandoque exantlandus erat, ut æger, conveniente medela adjutus, ex ancipiti paroxyfmi procella, salva vita, emergeret, & veram, unicamque salutis anchoram amplecti posset. Peruvianum nempe Corticem, cujus uncia una, aut saltem media, remissionis tempore ille munitus, exacerbationem infectam, quæ aliter, si non plane eum interemisset, saltem in præsentaneum vitæ periculum deduxisset, mitiorem multo, neque terrificis symptomatis stipatam expertus est, ulteriori remedii usu sanitati integræ brevi spatio restitutus. Quæ omnia clarius patefcent sequenti Capite, ubi varias, & notabiliore perniciossissimarum talium febrium historias cum earundem Therapia tam curatoria, quam palliativa, possibili brevitate recensebo.

Omnes modo expositæ febres mensibus ultimis æstivis, atque autumnalibus plurimum epidemicæ, hyemali frigore maturius, graviusque illo anno ingruente, inermes quasi redditæ; per totum brumæ, rigidæ admodum, decursum sopitæ veluti jacuerunt. Alii autem hac
tem-

tempestate morbi ambulabant, Tusses imprimis, atque Catarrhi, junioribus quidem & adultis parum molestiæ facessentes, senibus vero graves, & sæpius periculosi: in his enim, vigore naturali jam deficiente, in peripneumoniam notam degenerabant. Frigore nimirum externi aeris, vasis mucum lymphamque secernentibus, reclusis, pituita in seniculis aliunde copiosior, & aeris injuria excerni prohibita, accumulari cœpit in corpore; immani posthac foci calore, quem hic locorum succendere solent, subito illa fusa, & in motum deducta, atque determinante tussi, minimis pulmonum convergentibus vasculis impacta, anxietates maximas, difficillimam respirationem, sensuum stuporem; & ad motum inertiam, acutum & calvariam quasi, conquerentibus ita ægrotis, findentem inter tussendum dolorem, reliquave peripneumonix hujus symptomata produxit.

Cura morbi in junioribus solis pectoralibus decoctis facile perficiebatur; in peripneumonica autem senum Affectione præter infusum Radicis sceniculi,
fol.

fol. Heder. Terrestr. Agrimon. Herb. Hyfop. Hyperici &c. quod oxymelle simplici edulcoratum, sæpius de die calidissimum forbillandum erat, mixtum ex aqua fœnic. Hyssopi, oxymelle scilico, Sale polychresto, Antimon Diaphor. non abluto, addito, si res magis adhuc urgeret, Kermes minerali, composita, egregium præstitit effectum. Unica tantum vetula, septuagenaria major, peripneumonia simili periit, nec fortasse periisset, si quæ enixe suasi, applicari aut ipsa, aut necessarii ejus admisissent vesicantia.

Id hac occasione commemorare liceat, difficillimum ruri esse, ægros ad vesicantium usum permovere, tot nempe infelicibus exemplis perterritos, quæ ex Balneatorum imperitia, illis aut importuno tempore, aut re jam nimis desperata utentium, toties eorum oculis occurrunt.

Hiscæ ægrotationibus prima hyemis transacta pars est, finis nempe anni 1759. Alterum brumæ dimidium, seu primos An. 1760. menses vendicarunt sibi morbi acuti, graves, symptomaticis efflo-

re-

rescentibus Miliaribus ut plurimum stipati, hinc inde satis frequentes. Pro maxima sui parte calido nimis ægrotantium regimini, a quo nullis mōitis, minis nullis vel latum unguem dimoveri possunt custodes mulierculæ, natales debebant hæc Miliaria. Non enim stragula plumis densissime referta, ægros fere suffocantia, sufficere, sed calor etiam vel sano homini pæne intolerabilis, aerem cubiculi accendat, necesse illis videtur. Nemo itaque mirabitur, me exanthemata illa in nullo ægroto critica observasse, sed ut supra dixi, symptomatica, utpote crudo adhuc existente morbo, & cum notabili cum febris ipsius, tum symptomatum augmento enata, & perstantia. Plerumque alba simul, & rubra aderant Miliaria; multis in locis cohærebant; immo quasi confluentia, majusculas formabant vesiculas, lentium majorum molem æquantes. Puerperis fere semper acciderunt; consueto, licet execrando illarum regimine impense calido producta.

Morbillis potissimum, qui tum temporis populares in quibusdam pagis, quam-

quamvis benigni admodum moris grassabantur, jam plurimum evanidis supervenere seu potius supervenisse debuerunt, si consideremus, quanta cum sollicitudine rusticæ mulieres prolem suam, variolis, aut morbillis laborantem foveant, eo caloris gradu cubacula arcta imprægnantes, ut ægro aliquamdiu affidens, animo sæpe defecerim. Inde porro factum est, ut licet morbilli de se mites, septimo morbi die optimo cum effectu desquamari inciperent, lecti tamen squallore, aerisque ardentis æstu torti miselli, pulmonibus valide angerentur, ac longe magis ac antea febricitarent; & quod pejus adhuc, sagaces tunc mulierculæ retropulsis, & introrsum versis morbillis deteriorem ægri conditionem imputantes, & myrrham (quæ specificum in variolis, & morbillis ruricolis audit, & Lares inter domesticos sancte colitur) aliaque calidissima remedia strenua dosi, aucto simul foco, & duplicatis stragulis administrantes, effecere, ut nono, aut undecimo morbi die miliaria inexpectata illis prodirent, cum summa vi-

rium

rium prostratione, respiratione pessima, perpetuis jactitationibus, delirio &c. unde mors haud raro decimo quarto, quinto, aut vigesimo die secuta est. Multi infantes hac ratione, ne consulto quidem Medico, perierunt. Perpauci fuere, ad quos ego sum accitus, neque id, nisi miliaribus cum pessima ægri conditione toto jam corpore prostantibus. Atque utinam vel tum sanioribus consiliis obtemperassent! verum vix tergum me vertente, priori tramiti insistere; hinc & ego parum felici cum successu medicatus sum. Curam cæteroquin, quam in exanthematosis his morbis, nulla habita ratione miliarium, secundum morbi cruditatem, aut coctionem inchoatam, virium vigorem, & symptomatum præsentium ferociam direxi, adeo prospere mihi cessasse, fateri queo, ut neminem sub ea mortuum esse meminerim, paucis illis infantibus exceptis, qui miliaribus, vi cogente, morbillis supervenientibus, & licet ipse omnem artis operam adhibuissem, custodibus, vero & mulierculis Ταπεινά, necessaria adeo ad salutem ab Hip-

pocrate, & cunctis ejus genuinis filiis habebantur, finistre administrantibus, fucubuerunt.

Dura sic hyems tranſiit, & ſoterii veris deliciæ appropinquaverunt. Verum vix delibare eas licuit, cum febres illæ intermittentes, ſeu potius de intermittentium familia remittentes, quas priori anno populares, ac hyemis rigore ſopitas veluti fuiſſe, ſupra memoravi, verni aeris tepore exſuſcitatae, undequaque reviviſcerent. Quum plurima, quæ de febribus hiſce priori anno præſentibus retuli, hornotinis quoque eſſent communia, utpote ſub ejuſdem Epidemiæ ſignis militantibus, ea tantum de iſtis adferam, quæ peculiaria, ac propria iſſidem obſervavi.

Mature admodum, Martio nimirum menſe renatae, per integrum anni 1760. decurſum indefinenter, ac ſolæ dominatae ſunt, ita, ut vix alii morbi, toto illo tempore occurrerent. Nec hybernas, velut præcedente anno, conceſſerunt inducias, ſed tota hyeme continuo debachatae, in hanc uſque fere horam mortales infeſtant. Neque majorem ab initio

tio, & vernalibus febribus solitam præse tulerunt benignitatem, sed, quam autumno an. 1759. assumpserunt sævitiem, atque ἀνομαλίαν, exseruerunt illico, nec hucusque vel minimum deposuerunt. Qui immunes ab his febribus prægresso anno fuerant, præsentē jam anno ab iis corripiebantur; immo furorem illarum jam experti, rursum ab iisdem affligebantur; quod non solum de singulis hominibus, de integris etiam pagis, oppidisque intellectum velim. Primis horum ipse ego accensendus, 5ta Aprilis anni proxime elapsi, vesp̄ri gravi tertiana, vere continuam in sui principio simulante, prehensus. Horrore, & frigore aliquamdiu haud leviter vexatus, valide febricitavi cum calore intenso, siti maxima, cephalalgia vehementi, pulsu duro, respiratione anxia; quæ cum eodem tenore sine ulla remissione, quamvis sudore non nihil maderem, per integrum perdurarent nychthemera, urina tenuis multum ruberet, febrem vere continuam subesse ratus, balneo pedum præmisso, sanguinem educi curavi compactum, aciei cultri difficillime cedentem;

& decoctum hordei cum oxymelle simplici, & nitro copiose potavi. At elapsis triginta horis, mitiora omnia facta sunt; & quia febris haud exigua pergeret, epidemicæ latentis febris remittentis suspicio gravis illico suborta est, quam confirmavit paulo post revera exacerbatio, sex minimum horis participans, non tamen cum notabili quodam horrore, sed levi animi deliquio exorsa, cæterum eadem vehementia per 24. horas persistens. Somno dein horarum aliquot relictus, dum de pellenda hac febre mecum delibero, paroxysmus denuo redit, multum rursus anticipans, verum absque Leipothymia, gravis nihilominus, & diuturnus. Cognito sic morbi genio, & mora sufficienti impetrata, facile fuisset, eam cortice, quo tam numerosas, periculosasque fugavi febres in me ipso etiam debellare; ast quod validis cordis palpitationibus, Leipothymiis, pulsus inæqualitatibus, absque manifesta προφάσει, jam ab aliquot annis essem obnoxius, celeberrimi Philosophi, & Mathematici Parisini de la Hire exemplo animatus, feбри pro illorum malorum remedio

dio aliquamdiu uti constitui. Et profecto asseverare queo, me ab illo tempore parum admodum ab iis malis fuisse afflictum. Septem vero paroxysmis perfunctus: qui omnes horis aliquot anticiparunt, cæterum vix mitiores, aut breviores, primis tribus memoratis, & in quorum vigore mentis aciem longe perspicaciorem, & acriorem, minime tamen deliram observavi, cum AUGUSTISSIMARUM MAJESTATUM adventus proxime abesset, & vires morbo multum prosternerentur, febrifugum quoddam, quod jam aliquibus similiter febricitantibus egregio cum successu exhibui, & in fine hujus capitis exponam, in me ipso experiri volui. Sumsi igitur primam ejus dosin, sed cum Medicamentum sit aliquantum nauseosum, ipse vero Medicamina quæcunque difficulter assumam, dosin alteram nulla amplius rationeingere potui, immo adeo nauseare cœpi hoc remedium, ut vel aliis parare postea vix potuerim. Febris quoque nihil inde mutata est, nisi quod brevior exstiterit. Mediam igitur Corticis unciam nebularum ope diglutii, unde vix um-

bra febris rediit, & eadem quantitate repetita, penitus evanuit. Sed vix binis septimanis ἀπύρετος, paulo copiosius sumto in prandio acetario, Recidivam tertianæ passus sum, quam Drachmæ sex Corticis celeriter profligarunt. Ulteriori tamen Corticis usu neglecto, quotidiana accessit, ab uncia una Corticis evanida. In hujus usu postea persistens, per octiduum nempe ab exacerbatione ultima ter de die scrupulos binos assumens, idemque septimana tertia reiterans, adeoque toto morbi tempore quatuor Corticis unciis consumptis, stabili, favente Altissimo, sanitate potitus sum.

Binarum, quas sustinui, recidivarum occasione, commemorare lubet, eas frequentiores adhuc hoc, quam priori anno, obtigisse, immo ne unum quidem graviori ejusmodi epidemica febre laborasse, quin semel, iterumque, aut ternis plane vicibus in eandem, aut congenerem esset relapsus, licet causa quandoque levis, sæpius omnino nulla existeret; prout magis patebit secundo capite. Quæ res præcipue a mulieribus gravidis difficulter, & non sine vitæ periculo perfere-

ferebatur. Sic uxor Dom. Sahrpök, qui Prædii Leopoldsdorfensis, ad Comitissam de Dietrichstein pertinentis administrator est, foemina viginti aliquot annos nata, in quintum mensem, ac prima quidem vice prægnans, mense Junio medio elapsi proxime anni, de quo nunc potissimum sermo est, tertiana gravi epidemica corripitur, sed, sumpta corticis uncia Electuarii forma, sanitati integre restituitur. Tribus elapsis septimanis, sine manifesta causa, eadem rursus vexatur, Cortice liberatur. Incipiente Augusto in tertianam relabitur, sed multo leviolem, quam ipsa pulvere lapidum cancrorum cum succo limoniorum in effervescentiæ actu epoto, facile depellit. Verum paucis post diebus redit illa, neque memorato modo remedio jam obtemperat, sed mora viribus aucta, in perniciosam tertianam duplicatam remittentem degenerat, ægrota octavum graviditatis mensem agente. Paroxysmi vix notabili aliquo prævio horrore, tam valido illico produxerunt calorem, ut in acutissima febre haud majorem esset deprehendere; cum enormi capitis dolore, sum-

ma linguæ ariditate inextinguenda fiti, vehementi in Hypogastrio ardore, doloribus circa uterum maximis, continua, & valida adeo foetus agitatione, ut magnum abortus immineret periculum, & quod pejus adhuc, vice qualibet multum anticipando, perangustum reddiderunt remissionis intervallum. Similis exacerbationis (ni fallor, tertiæ) tempore præsens ego adductus, respirationem summe anxiam, pulsumque subdurum plenum deprehendens, sanguinem e brachio eduxi, cataplasma emollientissimum, anodinum ventri toti, epispastica acria plantis pedum apposui, enema emolliens, refrigerans, ano immitti curavi, & potum tenuem Limmonade copiose potandum concessi. Symptomata ferocia sic multum mitigavi. Corticem vero in remissione Electuarii forma sumendum imperavi. Sed quod ægra illum, nebula quamvis obvolutum, illico rejiceret, neque amplius hac forma deglutire posset, accessus interim rediit æque truculentus; levior multo reversus, sex corticis Drachmis mixturæ forma exhibitis, iisdemque repetitis, prorsus exul. Ægrota autem
pau-

paucis diebus vires, sanitatemque perfectam recuperata, & debito tempore puellam vegetam felicipartu enixa est.

Illarum quoque Februm, de intermittentium profapia remittentium, quas haud immerito malignas compellendas esse, superius monui, & hoc anno complures apparuerunt, cum insigni tamen a prioribus diversitate, mensibus præcipue autumnalibus, tum quoad modum ingressus, tum quibus stipatæ erant, symptomata, cum morbos etiam, quorum habitum perperam mentiebantur. Ac primo quidem horrorem, qui in febribus ejusmodi vix notabilis, ac fere momentaneus esse consuevit, subinde in vehementem adeo, ac diuturnum algorem, rigoremque abiisse adverti, ut marmoris instar frigidæ algerent pedes, & pœne immobilis per horas rigeret truncus, hincque perpetuis fomentationibus hic calefactis linteis, totum corpus involventibus, illi appositis calidis lateribus opus haberent. Nonnunquam Artus inferiores ad furas usque intense frigebant, superiores vero carpotenus, reliqua extre-

mitatum utrarumque parte cum universo corpore æquabiliter, & blande calente. Mirum quendam, ac peculiarem algoris sensum in Hist. II, Cap. 2. referam. Periculosa, quæ febres has comitabantur, symptomata erant ingentes circa præcordia Anxietates, & dolorificæ Oppressiones; Nausea continua, perquam molesta; Vomitus difficilis bilis saturate flavæ, aut & porraceæ, ipsius interdum sanguinis grumosi; gravissimi Insultus hysterici; Cardialgia vehemens, sensim in animi deliquium, levius, fortiusque, veram subinde Syncopen iterato deducens, cum accessione inchoans, cum remissione remittens, in totum minime recedens, sed fatis molesta cum febris haud exigua perseverans; quod & de aliis plerumque intelligendum symptomatis. Pulsus in principio accessus debilis, parvus, inæqualis, durante Leipothymia, aut syncope minimus, tremulus, aut plane nullus; in vigore paroxysmi, & cessante animi deliquio, parvus, celerimus, contractus, in quibusdam durus, fortis, plenus; remissionis tempore

re debilis , mollis , multum febrilis :
Respiratio eadem ratione nunc brevis ,
celeris , sublimis , fere evanescens ;
nunc laboriosa , frequens , anhelosa
fuit. Quidam ægrotantium delirabant fe-
rociter , blande alii , non nisi palpantes ,
carpentes , & murmurantes ; nonnulli
mente quidem constabant , sed sensus
stupore adeo præoccupati erant , ut ad
interrogata , licet ea intelligerent , re-
spondere vix possent , balbutientes , in
loquela hæsitantes , medium sermonem ,
priorum obliti , subito abrumpentes ;
commatosi demum aliqui profunde ster-
tebant , non nisi fortiore voce , aut agi-
tatione , oculis conniventes. Quibus
symptomatis si jungantur vires , paucis
exacerbationibus adeo prostratæ , ut non
nisi aliorum ope se vel in lecto verte-
re potuerint ægroti ; sudores profusissi-
mi in principio jam accessuum præsen-
tes , frigiduli potius , quam calidi , præ-
sertim animo deficiente ægro , robur na-
turæ immaniter exhaurientes ; oculi
tristes , turbidi ; facies vultuosa , squali-
da ; exanthemata in fine paroxysmo-
rum quandoque emergentia , evidenter
appa-

apparet, perniciosas has febres, quæ primo Epidemiæ anno morbos acutos, immo acutissimos, inflammatorios exacte æmulabantur, altero ejusdem Epidemiæ anno febrium pessimarum acutarum, putridarum ac vere malignarum effigiem omni fere nota expressisse.

Enimvero, quantumlibet aliæ, ac toto cœlo diversæ externa facie viderentur, re ipsa tamen, & essentiali spectato charactere, eadem erant cum prioribus febres, de intermittentium nimirum familia remittentes, atque eodem unice remedio, Cortice Peruviano, in omnibus, quibus ego medicabar, feliciter subactæ, nulla sanitatis labe restitante, imo perfectiore hac postmodum obtinente, quam fuerat antea. Palliativa solum cura discrimen aliquod postulavit. Venæ Sectio quippe, etiam repetita, olim necessario toties celebrata nullum hic locum habuit, diluentibus vero attenuantibus, & anthiphlogisticis, analeptica, cardiaca, ac stimulantia furrogata sunt.

At hyems, dum Januario mense Anni præsentis rigidior evasit, diversi-

fitatem iterum induxit. Etenim malignæ istæ febres, illis, quæ An. 1759. grassatæ sunt, & humorum potius coagululum, ac phlogosin produxerunt, proximiores, similesque factæ, hinc æqualem etiam curæ palliativæ rationem paroxysmi tempore sortitæ sunt. Ampliori autem illarum descriptione supersedere volui, id solum monens, deliria fere phrenitica; ferocia non solum febre exacerbata, sed & remittente adfuisse non nunquam; immo in ægrotante aliquo, cujus historia N. 24. narrabitur, per integrum triduum fere incessanter perseverasse.

Præter Corticem Peruvianum alio quoque febrifugo, frequenter altero Epidemiæ anno usus sum, cujus mentionem jam alicubi feceram. Quum nempe ex recentiorum clarissimorum Virorum scriptis intelligerem, Salem ammoniacum, alcalinis junctum, egregia vi pollere in intermittentes, sumsi salis ammoniaci Darchmam mediam, aut scrupulos binos, quibus salis absynthii, & Antimonii Diaphoretici abluti anagrana quindecim, aut viginti addidi.

Dum

Dum hæc invicem aliquamdiu triturantur, penetrans admodum, & nares ingrate afficiens odor surgit, quem sal volatilis Ammoniacy salis, ope alcalinorum fixorum inde extricatus, constituere videtur. Dedi hoc remedium in binas plerumque doses divisum in intermissionis, aut remissionis intervallo, idque semel, aut iterum repetii, & omnino fateri queo, me non solum plures tertianas simplices, sed & duplicatas satis graves, ut & quotidianas multas, atque quartanarum aliquas, periculi haud expertes felici cum successu debellasse.

Et ut inter plures hoc remedio sanatos, aliquos tantum recenseam, uxor hortulani D. de Riesch celebris Argentarii, (Banquier) qui Mödlingæ domum (Palatium dixerim) possidet, elegantiori horto instructam, finiente Anno 1759. a quartana, quam delirium vehemens, animi deliquium, leviores convulsiones, ac debilitates maximæ comitabantur, hoc medicamine vindicata, & recidivam passa, eodem sanitati integræ restituta est. Justina, operarii
La-

Laxenburgenfis uxor, vere Anni proxime elapfi, Tertiana remittente, Diarrhœa valida fociata, laborans, fanata inde eft. Hortulani Comitidis de Paar, cujus ipfius periculofam, & miram prorfus febrim N. II. fequenti capite referam, hortulani, inquam, iftius puella quartum agens annum, ope illius pulveris Aprili mense Anni prioris a duplicata Tertiana, cujus paroxyfmi immanem calorem, delirium affiduum, jaëtitationes continuas &c. fecum habebant, prorfus liberata eft. Civis Laxenburgenfis Heinzmann sexagenaria uxor, vernis anni nuperrimi menfibus, nunc tertiana, nunc quotidiana remittente, diu, & graviter vexata, neque ipfo cortice multum adjuta, hoc febrifugo fana evafit. Idem obfervavi in uxore Civis cujufdam Guntramsdorfenfis, Marx appellati, uxore, tertiana perniciofa, ac diuturna multum attrita, cui vel tres felectiffimi Corticis unciae nec minimum levamen attulerant. Ardearum Cufos, Weinanz dictus, intermittentibus febribus per biennium fere integrum dire, ac diverfimode affli-

fluctus, ideoque, aliquot jam libris optimi Corticis hoc tempore usus, eo solum cum effectu, ut febris mense uno, alterove cessaret, iterum reversa, quamvis corticem minime negligeret, Verno tempore An. 1760. Tertianæ epidemica gravi decumbens binis hujus remedii dosibus non solum hac febre liberatus est, sed ab omni recidiva immunis, sanusque perstitit, donec finiente ejusdem Anni Novembri periculosa quadam febre correptus fuit, quæ ob rationes paulo inferius adducendas in fine sequentis capitis sub titulo, ægrotus alter, exponetur. Videatur quoque eodem Capite Casus 19. Minime quidem fileo, me aliquoties etiam optato successu fuisse destitutum; verum id ut plurimum tribuendum erat tum ægris ipsis, qui ad repetitionem illius remedii, & propter falsum admodum saporem, & ingratum odorem aliquantum nauseosi, nulla ratione permoveri poterant, tum quod urgente vitæ periculo, remedio huic insistere, adeoque longe minus certum, certiori, & febri-fugo vere specifico antepondere, neutiquam

tiquam liceret. Fuit tamen nonnulla, quartana, feri autumnii foboles, quæ etiam sæpius repetitis & auctis hujus pulveris dosibus pervicaciter restitit, non nisi Cortice fuganda. Quemadmodum etiam testari cogor, me in his febribus epidemicis, remittentibus vernalibus An. 1760. atque, uti ex earum descriptione patuit, gravibus admodum, & perniciosis, multo majori cum successu hoc febrifugo usum esse, quam in febribus ejusdem anni, & epidemiciæ autumnalibus, interdum multo levioribus. An id Anni Tempori tribuendum, cum indubia experientia doceat, febres autumnales pertinacissimas, & vel ipso Cortice, quamquam diu & larga copia exhibito, subinde esse superiores? Quidquid sit, ulteriori imposterum experimento hoc remedium subicere nullus negligam, remque, utut comperero, fideliter exponam.

Verum sicuti febres intermittentes, aut saltem de intermittentium genere remittentes, sub acutorum morborum specie, durante hoc biennio frequenter imposuerunt, ita & febres vere con-

inuæ & acutæ, more intermittentium, vel remittentium periodice in principio exacerbata, aliquoties me præterito anno deceperunt, eoque facilius, quod febres vere remittentes, quas acutæ hæ, atque vere continuæ in sui principio exactissime referebant, tunc temporis, uti monui, vel maxime essent epidemicæ. En novum luxuriantis naturæ exemplum! En quanta cum solertia, ac sollicitudine etiam epidemicis morbis invigilare debeat Medicus! Hæc autem erat morbi facies: Ægri primo febricitarunt leviter cum tussi, aut diarrhœa, aut nausea & vomitu, aut doloribus circa cervicem & lumbos, aut symptomatis, faciei erysipelas præcedere sollicitis. Febricula hæc, vires valide dejiciens, his quotidie, illis alterno die, nunc statis horis, modo tempore incerto, & vario exacerbata est; remisit dein, non tamen penitus recessit. Urina, finiente paroxysmo, missa sedimen posuit lateritium. Septimana una sic elapsa graviora quædam ac periculosa symptomata accessionibus supervenere, ut delirium ferox, aut subobscurum, tremulum, murmurante tantum &

& affiduo palpante ægro, loquelæ difficultas, animi defectus, ardor immanis, fitis intensa, linguæ tremor, & hujus commatis plura. Morbum talem in classe febrium remittentium, tunc popularium reponere nullus hucusque dubitavi. Cortice autem exhibito, periodica cessavit exacerbatio, & febris vere continua, acuta, sub paroxysmorum accessibus delitescens antea, & minus ideo distinguenda, jam manifesto se in conspectum dedit, illis plerumque, quæ exacerbationis tempore, prius adfuerant, symptomatis stipata, gravis admodum, & periculosa. In decursu morbi crudi adhuc sæpius apparuerunt Miliaria tam alba, quam rubra, immo & petechiæ. Urina, ex quo paroxysmorum periodi evanuerunt, prærubra fuit, & tenuis cum suspensa in medio nubecula, aut aquosa tenuis, aut turbida sine ullo sedimento vel hypostasi. Cortex nunc exhibitus, nec noxam attulit, nec juvamen notabile; sed prout indicatio jussit, nunc Venæ sectiones, diluentia, nitrosa, antiphlogistica; nunc stimulantia, vires excitantia, vesicantia salutem plurimis im-

petrarunt, verum tarde admodum, quibusdam nempe circa diem Morbi totius vigesimum quartum, aliis trigesimum, nonnullis etiam quadragesimum; crisi autem imperfecta, & repetita, per sudorem, urinam, quandoque & alvum.

Binæ solummodo fœminæ his morbis decumbentes, mortuæ sunt. Una virgo fuit, civis Laxenburgensis Zachariæ Toifel filia, diu jam cum hoc morbo conflictata, & dum ego acerferer, jam pessimis quibusque, ac letalibus symptomatibus affecta. Vidua erat altera Guntramsdorfensis, Haupin vocata, quæ gravi animi mœrore penitus dejecta, cum remediis congrue uti respueret, ipse vero, dum vis morbi summa esset, quidquid urgerem, non nisi alterno die, immo ultimis vitæ diebus plane non adducerem, mortem oppetiit, forte alias servanda. Reliqui omnes, qui facile, & lubenter artis opem admiserunt, & quos sæpius, aut saltem, si procul distarent, quotidie licuit invisere, sanitati restituti sunt. Speciminis ergo, binorum similiter ægrotantium historias, fini sequentis capitis adnectere, visum est.

Me-

Meminisse autem hac occasione velim, non æque commodam, & opportunam, uti in urbibus, ruri etiam, & multum sæpe distantibus ægris fieri posse medicationem. Nam præterquam, quod plerumque Medicus tum primo accersi soleat, quando ægrotus per balneatorem venæ sectionibus, purgantibus validis, atque emeticis ad incitas fere redactus est; etiam angusta ægri res domestica, quandoque currus & equorum defectus, præcipue sementis, messis, & vindemiarum tempore, Medicum toties, aut tunc saltem accedere prohibent, quoties augescens magnitudo morbi, aut quando gravia quædam symptomata subito coorta, aut sæviora facta, illico eum ad manus esse juberent.

C A P U T II.

*Notabiliores quidam Casus biennalis
hujus Epidemicæ februm Con-
stitutionis.*

Expositæ sic nuda veritate biennalis constitutionis historiæ, notabiliores

quosdam casus, prout mihi obtigere, ceu totidem remittentium de intermittentium genere febrium, diversimode larvatarum specimina, pro meliore clarioreque earundem idea adungere; haud omnino nobis visum est inutile.

Testes magis idoneos, ac veraciores adducere me non posse arbitrabar, quam ægrotos ipsos, perniciosis illis febribus vexatos, Divina Ope inde vendicatos, & hodieum, uno modo excepto, qui apoplexia periodica, forte iniqua periit, uti N°. 7. patebit, omnes pancreaticæ valentes, quorum vel ideo nomina, conditionem, locumque, in quo morantur, fideliter ubique referam.

Illud autem præmonendum habeo, primam horum Casuum Decadem ad Annum 1759. reliquos vero ad An. 1760. & primum hujus, quem terimus, anni quadrantem pertinere.



C A S U S I.

*Tertiana remittens simplex cum
Cataphora, aliisque perniciosis sympto-
matibus.*

Vir quinquagenario proximus, cui nomen Münchensdorf, lignis in Sylvis Cæsareis cædendis præpositus, vulgo ein Wald-Bereiter dictus, in Oppido Mödlinga habitans, mole parvus, habitu tenuis, temperiei siccæ, & atrabiliariæ, mense Junio fere medio A. 1759. tertiana corripitur, quæ circa vesperam, vix notabili cum frigore ingressa, calorem mox intensum, tussim crebram, vomitum difficilem, dolorem capitis, & artuum vehementem produxit. Nocte jam ingruente, & in vigore paroxysmi vocatus, symptomata enarrata potu refrigerante, emolliente, & epispastico acri plantis pedum admoto lenire, & mali causam indagare contendit; quam dum lautas epulas pridie celebratas esse comperi, leve ex hypechachuana emeticum præscripsi, die altera sumendum.

Inde aliquoties vomuit cum euphoria; febris tamen, quæ non in totum recesserat, die tertia æquali cum molestia, ac diuturnitate exacerbata est. Hac iterum remittente, dedi mixturam aperientem, resolventem, salibus neutris probe imprægnatam, & Infusum Florum Chamomillæ copiose desuper bibendum. Verum exacerbatio non solum non levior, sed & absque manifesta *προφάσει* periculosis jam symptomatis stipata reversa est. Calor enim totius corporis vere mordax, delirium fere assiduum, palpante simul, & se jactitante ægro, validus linguæ, & artuum tremor, subsultus tendinum, & inchoatæ quasi in facie convulsiones, terribile, & protractius longe reddiderunt caloris stadium, quod sudor excepit profusus, diuque manans, ægroto interim profundo veluti apoplectico sopore demerso, ita, ut non nisi fortioribus agitationibus signa sensuum, & loquelæ proderet. Febri hac sequenti mane remittente æger quoque evigilavit, sed debilis admodum, & sensibus hebes. Hic jam minime amplius feriandum esse ratus, optimi corticis unciam integram, in duode-

decim pulverum doses divisam, ante metuendi accessus reditum ægro jussi ingerere. Reducem quidem paroxysmum is inde expertus est, nullo tamen graviore symptomate stipatum, & multo brevior; quare in usu corticis ulterius insistere imperavi. Sanitatem proinde perfectam brevi recuperavit, & adhucdum tenet memoratus vir, qui aliam corticis unciam, me suadente, per octiduum, ab ultima febris umbra, recidivæ præcavendæ ergo, rursus devoravit.

C A S U S II.

Tertiana remittens simplex, sub Epilepsiæ habitu.

Figuli Frum in pago Lanzendorf morantis, filia sexennis finiente mense Julio horripilatione prehenditur, dein frigore haud diu durante; brevi post calore valido, & diris toto fere corpore convulsionibus per horas aliquot vexatur, spumam ore effundit, sopore demum pro-

fundo cum stertore mergitur. Accitus ego jam utcunque vigilem invenio, non leviter tamen febricitantem, debilem admodum, & capite multum dolentem. Dum in morbi causam inquirerem, terrorem hi vehementem, lac colostratum alii incusabant, cujus etiam coagula in paroxyfmi principio aliquoties rejecerat vomitu. Morbum hunc, veram esse epilepsiam, tum minime dubitavi, ideoque ad superstes adhuc coagulum evacuandum, lene emeticum, dein remedia nervina, & roborantia præscripsi. Sed ecce die sequenti belle ægram habuisse, tertia vero morbum eadem cum ferocia, eadem ratione, eodem tempore rediisse ac recessisse referunt puellæ Parentes. Mutavi igitur Diagnosin, suspicatus illico febrim hic latere de intermittentium familia intermittentem epilepticas convulsiones indutam, licet urinam ægrotæ videre haud licuerit. Cortex tamen, quem præscripsi, nondum ingeri potuit (serius enim de mali reditu sum certior factus) cum tertiam jam periodum inchoaret febris convulsionibus æquæ truculenta; verum a media corticis uncia, remissi-

missionis infecutæ intervallo exhibita, cum adscititia sua epilepsia fugam illico arripuit, hucusque exul.

C A S U S III.

Quotidiana remittens cum Caro.

Ardearum Custodis Wainanz filius natus maximus, septemdecim annorum adolescens, intermittentibus jam aliquoties vexatus, exeunte Julio, febre laborare cœpit fere continua; exacerbatio enim, & remissio vix erant notabiles; vesperi solum livorem unguium percipiebat, & paulo post de majori ægritudine, ac debilitate, siti, & calore aucto conquerebatur. Urina vix a naturali distabat præter colorem fere aurantium. Hinc non nisi decoctum solvens, atque aperiens sumendum præbui. Sed quinta morbi die, prævio livore unguium, calor, & sitis longe magis intendebantur; oriebatur narium hæmorrhagia

gia fatis larga, qua spissus, & illico concrefcens fanguis ad uncias aliquot evacuabatur. Profundus inde fequebatur fomnus cum facie rubra, refpiratione magna, vix non ftertente, pulſu forti, & pleno; fortiore voce, & agitatione excitatus æger, oculis connivebat, loquebatur, ſeu potius delirabat, brevi denuo in ſoporem reverſus. Ne igitur in apoplexiam degeneraret commatoſus hic, vel *καρδες* affectus, balneo pedum præmiſſo, fanguis inde copioſus detrahebatur, epifpaſtica acria plantis pedum imponebantur, enema emolliens, nitroſum, ſubducens alvo injiciebatur, refrigerantia, antiphlogiſtica interne porrigebantur. Melius æger ſe habuit ſequenti mane; utcunque vigil, mentē conſtans, haud difficulter reſpiravit, multum tamen febricitavit; alvum ab enemate bis poſuit. Urina autem ſedimentum habuit lateritium copioſum. Anguem jam in herba latentem inde ſuſpicatus, quotidianam nempe remittentem ſub Cari larva deinceps inceſſuram, mediam Corticis unciam in ſex pulverum doſes diviſam præbui, ante occaſum Solis

lis omnino absumendam. At quod vix mediam remedii partem nauseanti filio, perperam indulgens mater ingesserat, ille vix e balneo pedum, quod quotidie injunxeram, vesperi ingressus, redeunte paroxysmo, Caro rursus sopitus est. præter renovationem epispasticorum, & enematis paulo acrioris injectionem, & tenuem nitrosum, ac resolventem potum, nihil ultra tentavi, cum & mali naturam jam evidenter cognoscerem, & ægri vires fractas admodum viderem, neque soporosum affectum magis, ac heri ingravescere adverterem. Electuarium interim ex Corticis uncia cum melle paravi, quod apparente remissione, luce altera speranda, illico exhibere, & ante vesperam consumere severe imperavi. Diligentius jam exequiebantur mandata Parentes, de salute filii plurimum anxii: hinc factum, ut exacerbatio quidem solita redierit, nec Caro tamen, nec alio graviore symptomate sociata, continuato Corticis usu penitus evanida.

Verum hic adolescens vix diebus aliquot ἀπύρετος, a largiore pastu in febrem incidit vere continuam acutam, a qua tamen perfecte convaluit, hæmor-
rha-

rhagia critica, sed larga adeo, ut in animi deliquium laberetur, die morbi septimo integre judicatus.

Hoc altero quoque morbo feliciter exantlato, miser adolescens vix unius septimanæ spatio interjecto tertianam intermittentem denuo contraxit, quæ cito quidem, strenue sumpto cortice, se subtraxit; sed locum cessit quotidianæ iterum intermittenti, etiam integris tribus selectissimi Corticis unciis superiori. Hic Sydenhami memor, qui in Epist. I. respons. aperte monet: „dari aliquos, „ quorum corpora ob frequentem febris „ recursum contra corticem quasi com- „ munita, salutiferam ejus vim perpetim „ eludunt - - -; consilium quoque expertissimi hujus Viri amplexus sum, & a medicatione prorsus abstinui; victu solum eupepto, & vino modico uti, ægro suasi: quibus ille monitis lubentissime obsecutus, & laudabili motu corpus simul exercens, brevi tempore a febris immunis, & omni ratione sanus evasit. Anno proxime elapso mense integro Octobri idem adolescens rursus decubuit febre quotitiana, remittente, vespe-

vesperi exacerbata cum magna virium
jactura, cardialgia gravi, & anorexia,
quibus se sensim junxerunt noctes inso-
mniis turbatae, leves mentis aberrationes,
sensuum stupor, & incipiens quasi le-
thargus. Urina siue remissionis siue ex-
acerbationis tempore missa, nunc vix
abhorrebat a statu naturali, nunc rubra
admodum erat & tenuis, cerevisiam,
quam Germani das Lust-Bier appellant,
perfecte referens; nunc lateritium pone-
bat sedimentum. Præter alia artis ad-
minicula, corticem jam ab initio morbi
per mensem integrum exhibui, neque
aliud adhuc effectum inde percepit æ-
grotans, nisi quod finiente quinta septi-
mana appetitus aliquis, quamquam exi-
guus, rediret, cardiae dolor, & oppres-
sio mitesceret, atque perpetua in so-
mnum proclivitas, sensuumque stupor e-
vanescerent; cæterum febris nihil muta-
ta pergebat, & vires dejici magis, quam
increfcere videbantur. Quia vero cor-
ticem lubenter sumebat ægrotus, con-
tinuavi illum, sed dosi paulo majore. Pau-
corum dierum spatio tubercula hinc in-
de in parte capitis capillata enasceban-
tur,

tur, nucem myristicam, aliquando juglandem mole æquantia; cito matura, immo jam mollia, dum apparerent, & sæpius sponte, subinde lanceola aperta, pus album, crassum, copiosum fundebant: similis quoque materia cum urina strangurose missa, prodibat magna copia; Digestivis ideo aperta tenere ulcera contendi. Nihilominus perseverabat febris haud exigua, vesperi, uti monui, aliquantum exacerbata, qua, ut & sudoribus præsertim noctu profusissimis, æger plurimum emaciabatur. Cortici igitur ultra institi, & quod cubiculum, in quo æger hucusque decubuit, humile esset, & illius parietes ob alluentem rivum aqua fere guttatim transfudarent, in domum editiori loco positam, ab amne longius remotam, atque siccam ægrotum transferri, & sæpius de die extra lectum hæere jussi. Viribus sic sensim crescentibus & febre multum emendata, a cortice destiti; Diætā vero analepticam substitui. Unde brevi tempore integra valetudine adolescens ille potitus est. Devoravit autem toto hujus ultimi morbi decursu libram fere integram selectissimi Corticis. Proclivi-

clivitas ejus in febres, harumque perti-
nacia vitiis habitaculi maxima ex parte
tribuenda esse videtur, cum & Pater e-
jus, & tota hæc familia febribus illis e-
pidemicis sæpius laboraverit, prout ma-
gis patebit ex sequentibus.

C A S U S IV.

*Tertiana remittens duplicata, more
acutissimæ febris omnes fere corporis
functiones graviter lædens.*

Falconarii Fischbacher vidua, triginta
aliquot annos nata, anno proxime
elapso obstetriciæ artis examine rite fun-
cta, sub Septembris 1759. initium, fe-
bre laboravit remittente, ob ingentem
virium dejectionem, dolorem capitis im-
manem, aliaque gravia symptomata, sat
vehementia, & anomala. Licet genuina
hujus febris indoles aliunde haud suffi-
cienter intelligi poterat, quæ tamen tunc
dominabatur Epidemia, & urinæ sedi-
men lateritium morbi genium uculenter

E

pro-

prodiderunt. Neque difficulter is paruit cortici.

Sed cum illa valetudinaria adhuc debilem ventriculum farinaceis, lentis, ac vel maxime dispeptis cibis oneraret, & præmature corpus frigidiori auræ exponeret, febris recurrit, at pejor longè, & periculofior. Nam, ut morbi decursus docuit, bini paroxyfmi alternabant, duplicatam tertianam efficientes, protracti adeo, ut paucae remiffioni horulæ fupereffent; primus horum insequentem fævitie multum exsuperabat, peripneumonia, & pleuritide Vitalibus; delirio, & perpetua inquietudine Animalibus; ructu, fingultu, vomitu torminibus, & alvi fluore Naturalibus vim maximam inferens functionibus. Urgentibus ita symptomatis, fanguinis, inflammatoria crufta obducti, detractiōe, cataplasmate emollientiffimo lateri, plantis vero acribus epifpasticis appofitis, fæpiusque renovatis, internis diluentibus, nitrofis, emollientibus, antiphlogifticis, pro viribus occurri. Post maximos octodecim horarum labores mitiora omnia facta funt. Urina impenfe rubuit cum lateri-

teritio in fundo vasis sedimine. Ut itaque præpedirem futuram exacerbationem, quam sequenti primo die metuebam, mala omnia redintegraturam, corticem illico præbui. Verum vix semel eum gustare licuit, cum alterius inexpectatæ Tertianæ paroxysmus apparuit, qui quamvis memorata ante symptomata fecerit recrudescente, mitior tamen multo fuit atque levior; nihilominus diuturna sui mora corticis usum fere penitus inhibuit. Hinc a graviore reduce exacerbatione, primæ simili, debilis aliunde ægrota in summas conjecta fuit angustias. Quamprimum autem immanis hæc mitescebat procella, qua durante eadem Artis adminicula suggesti, integram Corticis drachmam quantocyus ægræ propinavi, qua dosi brevibus intervallis ter repetita, accessio altera fere penitus sufflaminata est. Liberiores jam manus, longiusque tempus hac ratione nactus, eam corticis quantitatem exhibere potui, ut vix umbram atrocis illius paroxysmi ægrota perferentia, & plenæ reportandæ victoriæ spes affulgeret pulcherrima.

Verum illa in continuando remedio negligens, & sanam se jam omnino rata in victu pleniori, ac duriori rursus delinquens, pœnas ideo dedit quam gravissimas: quippe febris, viribus exinde aucta, & corpus robore pene omni destitutum, magno impetu aggressa, ad incitas usque redegit miseram. Pulsus namque vacillabat celer, & summe debilis; frigescebant extrema; parva, dolens, & frequens erat respiratio; lurida, & luctuosa facies; tantus denique virium languor, ut ultimas jam vitæ horas agere visam, extrema unctione muniri necesse fuerit. Nervos interim omnes intendi, ut exitiosum adeo paroxysmum salva solummodo vita superaret misera; quod etiam fere citra spem vesicantia larga, ac remedia vel maxime stimulantia, Camphora, Radix Serpentaria Virgin. Contrajerv. haud parce exhibita effecerunt. Cortex vero apparente remissione illico datus, & strenua dosi assiduo porrectus, paucis diebus febrim, & gravissima ejus symptomata adeo cohibuit, ut brevi tempore hæc mulier cum sanitate in gratiam redierit, orci faucibus jamjam absorbenda.

C A-

C A S U S V.

Tertiana remittens simplex cum inflammatorio dolore lateris.

Operarius Laxenburghensis, Felber nomine, triginta annorum vir, sicca & stricta temperie præditus, sexta Octobris, excutiendo tritico occupatus, circa quintam vespertinam, horripilatione primo, & frigore, ac brevi post calore, & siti intensa, dolore lateris sinistri acutissimo, respirationem plurimum impediente corripitur; unde a labore desistere coactus lecto se committit. Postquam octodecim fere horis cum dolore lateris, respiratione brevi, dolente, celeri, siti magna &c. febris perseverasset, omnia maxima ex parte remiserunt. Octava illius mensis melius adhuc se habuit æger, hinc debilis, licet, & latere non leviter adhuc dolens, ideoque procul dubio etiam febricitans, laborem suum rursus adiit.

Verum sole occiduo mala omnia vehementer recrudescent; Domum igitur

lectumque repetiit. Tunc ego in opem miseri vocatus, inveni eum graviter febricitantem cum pulsu duro, respiratione brevi, dolente, celeri, suppressa, dolore lateris acutissimo, & quod sane mirum, sine omni tussi, vel & tussiendi conatu. Examinata rite morbi historia merito conjeci, tertianam hic subesse, sævam pleuritidem omni nota referentem, sola tussi excepta. Sed quoniam cum tecto sic hoste aperto Marte dimicare nondum liceret, cum in maximo vigore tunc esset exacerbatio, symptomatis interea, vitales actiones tantopere lædentibus, mitigandis incubui. Sanguinem itaque e brachio lateris affecti ad decem uncias eduxi, qui brevi post densa crusta phlogistica obducebatur; cataplasma emollientissimum loco dolenti applicui, sæpius iterandum; interne decoctum hordei cum oxymelle simplici, & nitro copiose potandum præbui. Levamen inde notabile percepit æger, tam in respirando aëre, quam sensu doloris. Nox tamen infomnis cum calore vehementi, siti maxima &c. transacta est. Sequenti luce pulsus quidem longe minus celer fuit, nec durus,

rus, multum tamen febrilis; dolor lateris haud levis perrexit; urina prærubra lateritium deiecit sedimentum. Cum igitur mitigata quidem notabiliter, non tamen sublata essent symptomata, nec vel minimus cutis mador hucusque apparet, dubitavi, num penitus jam debuerit accessio; quare in usu priorum ægro pergere imperavi. Vesper accedens, omnia in statu pristino reperi; nec quidquam immutatum mane altero deprehendi, nisi quod dolor ille acutus in dextrum latus pro momento migrarit, cito tamen in antiquam sedem reversus. Urina hesternæ similis, cutis perstabat rigida. Non igitur intermittere, sed solum remittere cum symptomatis adverti Tertianam, sic nempe epidemicam. Indicabatur ergo cortex; verum cum angustum nimis tempus esset, reducem statim hora paroxysmum impedire non potui; quo vitales functiones haud levius, immo gravius, quam antea, opprimente, & pulsu duro micante, venæ sectionem, cataplasma, aliaque iteravi. Vi febris autem remittente, corticem quantocyus sumere cœpit æger, cujus unci-

am integram cum intra 24. horas absum-
fisset, exacerbationem inde secutam mul-
to mitiorem ut & dolorem lateris, alia-
que symptomata longe leviora sustinuit,
protracto corticis usu ab omni morbo
vindicatus.

Simillima febre (nisi quod dolor ille
acutus costas lateri sinistri infimas spuri-
as occupavit) tunc temporis laboravit
Venatoris nostri D. Gruber uxor qua-
dragenaria, & eodem modo, eo solum
excepto, quod vena semel tantum tusa
fuerit, ad pristinam valetudinem illam
revocavi.

C A S U S VI.

*Tertiana remittens simplex cum
atroci Cholera.*

Epidemica quoque hac febre decu-
buit mense Octobri uxor quadra-
genaria Hortulani Aulici Tilli, remit-
tente nimirum, & alterno quovis die ex-
acerbata, sed alium jam morbum refe-
rente atrocem nimirum Choleram, Quippe
ultra

ultra vigesies lympham falsam, diversi colore bile mixtam, paroxysmi tempore ore rejecit, similemque liquorem alvo simul, at pluribus longe vicibus exoneravit cum enormibus ventriculi, & intestinorum torminibus, ita, ut quemadmodum febris in totum nunquam recederet, utraque etiam evacuatio assiduo, licet in remissione rarior, pergeret, donec, exacerbata denuo febre, magis etiam augeretur. Ad alterum accitus paroxysmum, symptomatis nimium ferocibus pacandis, dedi operam; externe enim ventriculo Emplastrum de ladano, ventri cataplasma emollientissimum apposui; interne mixturam ex tota Menta, & Laudan. liq. Sydenh. conflata exhibui, unde & parcius, & facilius ægra dejecit, vomuitque; iisdem idcirco remediis etiam in remissionis intervallo insistere, & corticis unciam in Electuarium redactam hoc simul tempore devorare jussi. Febris redux nullum amplius vomitum comitem habuit, aliquas solum dejectiones produxit; ulteriori autem corticis usu fugam penitus capeffivit, sana jam ægrotante, nec nisi naturalem quotidie alvum ponente. E 5 CA-

C A S U S VII.

*Tertiana remittens simplex, cum
Apoplexia, altera jam periodo
letali.*

Adolefcens fedecim annorum aurigæ fervitium apud vicinum mihi rufticum, Toifel appellatum obiens, finiente mense Septembri, nihil antea conqueltus, mutus fubito poft levem horripilationem evafit, neque ullum fenfuum fignum, utcunque agitatus, & vellicatus præ fe tulit, profunde ftertens cum facie rubra. Cum hic morbi ftatus medium fere nycthemerum perduraffet, quin vicinus ipfe vel quidquam de illo refcierim, fenfim ad fe rediit æger, fenfus tamen ftupore occupati erant, & loquela aliquantum læfa. Dum in procinctu effem, Viennam gravi ex caufa proficifcendi, accurrit ad me loci hujus balneator, rem exponit, neque fe nifi paucis ante horis accitum effe (fic nempe pauperculi negliguntur ruri domeftici!) refert; confilium porro
ex

ex me quærit, quidnam absente me sit factururus. Dum serio hæc meditarer, ægrum examinarem, & tam brevem gravis adeo apoplexiæ solutionem, sine ulius usu medicaminis, absque omni evacuatione critica demirarer, in eam merito deveni suspicionem, an non febris remittens epidemica sub apoplexiæ forma tragœdiam luderet. Jussi igitur Balneatorem, ut corticem ægrotanti illico ingerat, ita ut unciam, si fieri posset, integram intra 24. horas absumeret ægrotus; illud enim spatium ab exacerbatione metuenda superesse videbatur. Verum cum æger nihil amplius simile metuens, se jam invado esse arbitratus, corticem sive pulveris, sive Electuarii forma respueret pertinaciter, febris statâ hora die altera reversa, apoplexia letali (venæ sectionibus, & alvi subductionibus per enemata incassum a balneatore institutis), miserum paucis horis interemit, procul dubio inter vivos adhuc numerandum, si integram, quam destinavi, Corticis unciam (vix quarta enim hujus pars illi potuit ingeri) ante funestam febris exacerbationem, assumsisset.

C A S U S VIII.

*Quotidiana remittens colliquativa
febris hectica habitum induta.*

Falconarii Michaelis Geben uxor, viginti aliquot annos nata, teneræ, ac bilosæ temperiei, in septimum mensem gravida, mense integro Septembri, febre epidemica laboravit hoc modo, ut febricitaret quidem continuo, inclinante tamen die, longe notabilius, tussi sicca, frequenti, præcipue vesperti vexaretur, sudoribus maderet profusis, si leviter etiam stragulis cooperiretur. Accessus autem vespertini non rigore, aut frigore, sed sensu momentaneo, auræ quasi frigidiusculæ corpus afflantis, aliquoties iterato; subsequente dein mordaci calore, cephalalgia immani, siti intensa, aucta tussi, & sudoribus se prodiderunt. Aliquot jam septimanas sic transegerat ægra, priusquam me accerferet, noto illo axioma abusa: graviditatis tempore medicinam non esse faciundam. Verum dum

cor-

corpus plurimum emaciari, vires sensim evanescere adverteret, me demum vocat. Accuratus perpenſa hiſtoria morbi, & conſpecto ſedimine urinæ lateritio, non dubitavi de epidemiciæ remittentis præſentia. Corticem ideo Electuarii forma præbui, matutinis, & primis pomeridie horis, magna doſi ſumendum. Sed cum ægrota ingratum palato remedium vel cultelli apice ſolummodo delibaret, vix notabile percepit levamen; ſerio tamen, ut & ſuæ, & inſontis Embryonis vitæ conſuleret, exhortanti mihi, ſedulo obſecuta, devorata corticis uncia ſeſquialtera, a febre, tuffi, ſudoribus paucis diebus fuit liberata, & reliquum graviditatis ſpatium ſana cum valetudine emenſa, vegetum puellum felici partu enixa eſt.

C A S U S IX.

*Tertiana remittens duplicata ſub
veræ, & ſævæ pleuritidis larva.*

Lanionis noſtri Heim ſexagenaria uxor
26. Octobris corpus a motu ca-
lens,

lens, frigidiori auræ vesperi exponens, horripilatione corripitur, & frigore, quibus aliquamdiu durantibus se jungit calor vehemens; lateris dextri dolor validus, ad spinam usque dorso se extendens; tussis frequens, sicca, dolorem immaniter augens; respiratio brevis, dolens, suppressa. Nox infomnis fuit, & laboriosa. Cum eadem & luce altera perseverarent, meam implorat opem. Morbi causa percepta, modo dicta coram spectans, pulsusque deprehendens summe febrilem, plenum, durum; linguam albam, siccam, de veræ Pleuritidis præsentia minime ambigebam. Sanguinem itaque ex affecti lateris brachio evacuari, & cataplasma emollientissimum loco dolenti admoventi jussi, reliquamve hic artem haud negligenter administravi. Densam in superficie crustam inflammatoriam gerebat sanguis. Mitiora inde symptomata. Prima a meridie hora ejusdem diei horror cum levi frigore recurrit, increverunt denuo calor febris, tussis, dolor &c. & quod pulsus æque durus, ac plenus, quam antea vibraret, venæ sectionem, aliaque repeti.

San-

Sanguis iterum fuit phlogisticus. Remiserunt vespericum febre symptomata. 28. Octobris vesperscente die, horripilationem reducem excipiunt dolor, calor, tussis &c. immaniter adaucti, noctem ideo valde laboriosam reddentes, & luce altera remittentes, rursus a meridie prævio horrore aliquo exacerbati sunt. Hoc interea tempore cataplasmata solum assiduo renovata, & nitrosa refrigerantia emulsa sunt exhibita: a venæ sectione autem ulteriori abstinui, tum quod vires plurimum essent dejectæ, tum quod ex præsentis morbi decursu, & lateritio urinae sedimine abunde constaret, neutiquam veram cum continua acuta febre adesse pleuritidem, sed sub pleuritidis larva febrem delitescere epidemicam, tertianam nempe remittentem, duplicatam. Hinc corticis unciam mixturæ forma ante reditum proximi, illiusque sævioris vespertini paroxysmi, integre sumendam præbui. Quo factum, ut non nisi majorem paulo calorem, tussi, & dolore lateris non magis auctis, ea nocte ægra perceperit; & cum die altera prosequeretur remedium, vix umbram pomeridianæ exacerb-

acer-

acerbationis experta est; quare in usu corticis vix impedita, paucis diebus tussis, dolore, calore, febris immunis, pristinae sanitati restituta est.

C A S U S X.

Tertiana remittens simplex ex gravi ægrotantis errore in duplicatam malignam cum petechiis versa.

Pater familias illius Domus, in qua AUGUSTISSIMÆ Munificentia hujus loci Physicus habitaculum tenet, Gamauf appellatus, vir quadragenario major, inchoante mense Septembri, tertiana simplici epidemica laboravit. Cum procatarcticam febris causam saburra cruditatum in primis viis stabulantium constitueret, emetico eam sustuli, unde vix notabiles fuerunt febris accessus. Ferocior hæc insurgit, dum ille suillis carnibus, sale conditis, & fumo induratis, aliisque durissimis alimentis debilem adhuc oneraret ventriculum. Purgans ideo dedi,

dedi, & dein salia neutra Ammoniaco sociata cum decocto solvente, aperiente. Mitescit febris, & receptum parat. Sed ecce, ægrotus in nocturno paroxysmo, licet satis miti, vehementer sitiens, sudore madens, de lecto surgit, & cum potum ex neglectu custodis filiae, in cubili non reperiret, pallio quodam lacero leviter vestitus, nudipes in atrium prodit, frigidamque ibi inventam aquam repetitis haustibus larga copia ingurgitat. Hinc dum mane eum inviserem, perspiratio penitus suppressa erat, cutis rigida, mens leviter delira, pulsus celer, debilis, vires prostratae, inquietudo & jactitationes assiduæ, præcordia dura, tensa, sensu ægri magno quasi onere gravata, dolentia. Ad naturalem igitur diaphoresim restituendam, & cum non adeo inflammatio, & humorum inspissatio, quam repercussi sudoris, & perspirabilis corruptio, ac putrida sanguinis dissolutio ex ægri enarrata conditione metuenda esset, leniora diaphoretica propinavi cum infuso congruo, cui spiritum Vitrioli instillavi. Circa meridiem cutis erat mollis, perspiratio aliqua, urina aquosa, turbi-

da, reliqua eadem. Vesperi, præter morem, exacerbata febre, pessimum in statum devenit æger. Pulsus vibrabat celer, contractus, debilis; anxia, dolentia erant præcordia; vires magis adhuc dejectæ; nunc delirabat, nunc commate commato demergebatur æger; tremores, & subsultus tendinum advertebantur; maculæ petechiales purpureæ in collo, & pectore apparebant. Vesicantia idcirco furis admota, interne mixtura camphorata cum aceto data, & pro potu decoctum specierum antifebrilium cum Spiritu vitrioli fuit exhibitum. Vesicantia, quamvis per 24. horas relicta, parvas sustulerunt vesiculas, unde pauca lymphæ, ad ignem tamen coiens, effluxit. Pulsus autem elevatior, minus febrilis, mens magis constans, minus anxius, inquietus, & soporosus æger fuit. Perstiterunt maculæ purpureæ, numero non nihil auctæ. Præter reliqua cortex etiam exhiberi cœptus. Sed brevi postea! exacerbatio solita tertianæ prioris accessit, quam conspicuam reddiderunt pulsus celerior, fitis major, ægritudo gravior, delirium frequentius, inquietu-

tudo aucta. Remiserunt hæc sympto-
mata orto Sole. Urina hucusque turbi-
da, sedimen posuit lateritium. Cortici
igitur solertius institi, ut gravior recen-
tis tertianæ paroxysmus, eo die metuen-
dus, maxima saltem ex parte sufflamin-
retur; quod etiam obtinui. Maculæ
petechiales pallidiores factæ sunt, nec nu-
mero plures. Cum tunc temporis ægro-
tantis consanguinei proponerent, ut alium
adhuc Medicum consilii causa accerferem,
Clarissimum Viennensem Medicum D.
Pök accivi. Cum vires paulo essent ma-
iores, nec præcordiorum amplius pre-
meret oppressio, maculæ evanescere vi-
derentur, camphoram detraximus; cor-
tici vero salem polychrestum addidimus,
ut segnior alvus melius fungeretur officio.
Febris hac ratione sensim disparuit. Re-
convalescenti remedia, primas vias ro-
borantia aliquamdiu exhibui, quod eum
brevis ad duriores victum rediturum,
facile præviderem. Petiit interim a me
purgans, quod cum illi tum ob vires ad-
huc imbecilles, tum ob febris cortice ex-
pugnatae recidivæ metum tum temporis
negarem, moræ impatiens, nescio a quo

fat draſticum fuſſit, a quo, quamquam febris non fuerit reſulcitata, eam tamen paſſus eſt jaſturam virium, quæ plurium ſeptimanarum ſpatio vix potuit recuperari.

C A S U S XI.

*Tertiana remittens duplicata, cum
Syncope, & præmiſſis aliis ac pecu-
liaribus Symptomatis.*

Johanes Dörffler Comitſ de Parr hic loci hortulanus, vir triginta aliquot annos natus, medio Junio An. 1760. Febre epidemica decubuit pernicioſiſſima, remittente duplicatæ tertianæ periodos obſervante. Paroxyſmum inchoabat frigus, ad maximum algorem ſucceſſi adſcendens, qui, referente ægro, a ſummis humeris, cum ſenſu doloris accutiſſimi, lancinantis, quaſi acus valide pungentis, per totum brachium decurrebat, digitos manuum ſingulos ad apicem uſque ſeorſim percurrrens: tunc ruriſum ad hume.

humeros ascendit, & inde a parte anteriore per pectus, & abdomen, a posteriore per dorsum integrum, dein per femora, crura ad pedum digitos descendit, quos, posteaquam singulos, ut in manibus, permeasset, demum evanuit. Hoc demirandi algoris stadium ultra binas duravit horas. Frigus interim grande fuit; corpus rigidum, pene immobile, præcipue ob doloris magnitudinem; pulsus parvus, debilis admodum, & inæqualis, difficilis, & anxiosa respiratio. Calor tunc sequebatur, eodem prorsus modo corpus integrum per partes singulas penetrans, nisi quod dolor qui calorem comitabatur, lancinans, acutissimus non algoris, sed ignitæ quasi pungentis acūs sensum exprimeret. Perseverabat calor, per totum jam corpus diffusus per plures horas, dum integra gravis cardialgia frequentes, & fere continuas induceret Leptothymias, pulsu nunc celeri, & valde debili, nunc plane intermittente. Profusissimus denique toto corpore emerfit sudor cum intolerabili dolore capitis, calvariam quasi, conquerente ægro, findente, dolore valido lumborum, & ve-

hementi adeo, & dolorifico aurium tintu, atque vertigine; ut apoplexia se afficiendum, perpetuo ejularet ægrotus. Sudor hic per plures horas adeo profunde batur, ut indusium ægri & lecti linteamina penitus maderent. Post ingentes ejusmodi sedecim horarum labores remiserunt cum febre symptomata; at breve fuit hoc intervallum: cum paulo postea alterius tertianæ paroxysmus accederet, similemque, immo funestiores semper luderet tragoediam, quo sæpius reverteretur. Quinque jam paroxysmos sustinuit ægrotus, priusquam cortex est exhibitus. Binos enim priores facile tulit, quippe multos leviores. Tertio vero graviore vexatus, me primo vocavit. Symptomata tunc compescere contendi & remissionis tempore pulverem illum febrifugum, ex sale ammoniaco, & alcalinis conflatum propinavi. Sed prospero & hac vice frustrabar successu. Quarta redux exacerbatio eam jam præ se tulit ferociam, quam supra descripsi, & diuturnior fuerit, prioribus, vix degustari coepit cortex, cum quinta rediret accessio gravissima, in quo animo deficiens

ciens æger cardiacis assiduo resectus, & ad molestissimum aurium tinnitum, & dolorem mitigandum, vertiginem avertendam, epithemata, epispastica, omniaque artis adminicula administrata sunt. Ex hac autem tempestatum vi emergenti, uncia corticis Electuarii forma ingesta est. Rediit quidem inde accessio, at facie longe aliena. Etenim sensus ille perquam molestus primo algoris, dein ardoris cum dolore acutissimo singulas corporis partes seorsim permeans, vix fuit notabilis, nulum in caloris stadio obortum animi deliquium; abfuit cum vertigine dolentissimus aurium tinnitus; intensus tamen capitis, & lumborum dolor, & copiosus sudor defatigarunt ægrotantem; quatuor etiam horis brevior fuit hic accessus. Corticem tunc ille strenue persecutus, binorum spatii dierum, ab omni febre, & ægritudine liberatus est. Vires modo immaniter dejectæ, diætæ analepticæ & remedium cardiacorum, ac roborantium ope refarciendæ supererant. Suasi insuper, ut mediam adhuc corticis unciam recidivæ præcavendæ ergo assumeret, quod dum ille negligeret, graviter ille mulctatus

tus est. Namque dum binis a fugata febre septimanis, viribus jam plurimum valens summo mane, humida tempestate, terram fodicaret, frigus denuo, virium momentaneam jacturam, & ne nova repetitione tædium pariam, recidivam patitur tertianæ duplicatæ, quæ accessione altera eam jam exercuit sævitiam, quam supra recensui. Corticem ideo, hac vix finiente, ingessi, unde exacerbatio mitis primo reversa; dein profusus evanuit. Sumpsit in hac recidiva æger unam corticis unciam, & ad præcavendam deinceps febris reditum, mediam; adeoque universim tres Corticis uncias devoravit, firmiore inde, quam unquam tenuit, sanitate potitus.

C A S U S XII.

Tertiana remittens duplicata, cum syncope, passione hysterica, Delirio &c.

Balneatoris Mosbrunnensis Rimmel
uxor, triginta duos annos nata, mobilis

bilis admodum nervosi systematis mulier, mense Julio epidemica, remittente febre corripitur; quæ levioribus aliquot paroxysmis prægressis, in duplicatam tertianam abiit, truculentis symptomatis stipatam. Agmen duxerunt oscitationes, ac pandiculationes aliquæ; sequebatur subitanea, & omnimoda virium dejectio; passio tunc hysterica ægram dire vexavit, ac quasi jugulavit; inde animi deliquium verum in syncopen cum frigido in facie sudore, pulsus asphyxia definens. Post multas refocillationes, per cardiaca antihysterica, extus, intusque administrata reviviscebatur ægra, pulsu micante debili, celeri, inæquali; haud diu post insurgebat denuo passio, vel sic dicta suffocatio uterina, in syncopen rursus terminata; atque ita pessima hæc mala, aliquoties alternantia, efficiebant frigoris stadium, sane horrendum. Hoc excepit calor vehemens cum delirio fere continuo, & inquietudine; sudor tandem immoderatus, & per horas protractus, cum sensu concussorum quasi ossium, immani cephalalgia paroxysmum finivit. Plurima sic nychthemeri parte, & ut ita dicam, in mortis

confinio transactio, debilissima mulier, fere artus movere impotens, vix somno brevi, ac jure carnum se reficere poterat, cum alterius tertianæ exacerbatio ingrueret, a qua eas in angustias conjecta est, ut extrema unctione muniri eam, necesse fuerit. Tum ego in opem vocatus, inveni ægram viribus pene exhaustam, facile squalidam, cum pulsu celeri, parvo, debilissimo, ut vere asseverare queam, unam, aut plurimum binas exacerbationes similes, salva vita sustinere illam nequaquam potuisse. Probe igitur examinata morbi historia, & viso lateritio urinae sedimento, de perniciosissimæ febris Epidemicæ præsentia abunde convictus, corticis unciam, si fieri posset, integram cum remediis cardiacis, & nervinis in Electuarium redactam, exiguo remissionis intervallo ingeri jussi. Maxima ejus parte absumpta, accessus rediit immaniter mutatus. Quippe in frigoris stadio, nec passio hysterica orta est, nec animi deliquium; calor quoque, & capitis dolor mitiores multo fuere; mens semper constitit, & moderatus sudor cito finem imposuit. Quare corticis
usui

ufui diligenter infiftens ægra, libera penitus ab omni febre, ac ægritudine evafit. Vires folum diæta analeptica, opitulantibus remediis roborantibus, refarciendæ erant. Et ab illo tempore, valetudinaria alias, folida fanitate gavifa eft.

C A S U S XIII.

*Tertiana remittens duplicata, cum
ſæviſſimo Algore, ſyncope &c.*

Caupo Trumaviensis, Stitteriz nomine, vir quadragenario proximus, temperamenti atrabiliarii, primis Auguſti menſis diebus, incaute ſub arbore pernoctans, febre mox epidemica correptus eſt. Propter oris amaritiem, & leviores naſeas emeticum ſumſit, unde frequentiffime ſurſum, & deorſum purgatus eſt. Febris vero non ſolum non mitior inde reddita, ſed in tertianam potius duplicatam pernicioſam admodum dege-

degeneravit. Terribile fuit algoris stadium, Frigus enim increvit adeo, ut totum corpus, & imprimis pedes, licet augerentur stragula, lintheamina calida corpori, calefacti lateres pedibus assiduo admoverentur, trunci instar immobilis per horas vehementer algerent, rigerentque, nec nisi superveniente febris calore incalescerent. Durante hoc algore, præcordiorum oppressio, & cardialgia gravis syncopen sæpius induxerunt, ita, ut perpetuis refocillationibus opus esset. Caloris stadium præter alia validissimum capitis, & molestum ossium quasi detollatorum dolorem cum inextinguenda siti produxit, Modico demum erumpente sudore melius æger se habuit, sed debilis adeo, ut nec se vel in lecto solus vertere potuerit. Tertiæ ejusmodi exacerbationis tempore accitus ego, morbi historiam edoctus, & urinæ signo adjutus, tertianam duplicatam evidenter detexi; atque ex virium inanitione, vultu mœsto, luridaque facie discriminis magnitudinem dimensus, corticis unciam Electuarii forma præscripsi, cujus saltem partem mediam, angusto remissionis spatio sumeret.

ret. Febris quidem exacerbata est, nec tamen enorme illud frigus, nec animi deliquium comites habuit, & longe citius remisit; absumpto autem electuario penitus evanuit. Verum quia ulteriorem corticis usum recidivæ prohibendæ gratia ille negligeret, & nocturno frigori se præmature exponeret; feбри tertiana simplici mulctatus est, gravi quidem, non tamen periculosis symptomatis sociata. Ab hac quoque corticis ope liber, minime vero ejus usui insistens in quotidianam paulo postea incidit, & vix ἀπύρετος, denuo relabitur, cortice semper vindicatus, & ab eo tempore vivit sanissimus. Itaque septimanarum quinque intervallo, febre quater decubuit, & universim quatuor corticis uncias devoravit.

C A S U S XIV.

Tertiana remittens, duplicata, cum delirio, & affectu καγῶδι.

Vir quadragenarius, multum obesus, Rabel vocatus, Magister, ut ajunt, eo-

eorum, qui Falcones ad venatum ardearum condocerunt, medio Augusto frigidam cerevisiam, a motu corporis calens, ingurgitans, horrore, calore, febre prehenditur cum magna præcordiorum oppressione, anorexia, nausea, ructibus amaris, nidorosis, oris amaritie, dolore capitis; vertigine &c. Ad saburram igitur biliosam in ventriculo stabulantem eliminandam, emeticum dare mens erat; id vero cum nulla ratione admitteret, præmisso magna copia diluente, nitroso decocto, purgans ex tartaro, nitro, & sale polychresto exhibui, a quo alvus saturate flava octies cum levamine omnium symptomatum soluta est. Tertia morbi die, vesperi sine notabili prævio horrore, anxietates ad præcordia, fitis cum febre augebantur, & nocte in somniis terrificis turbatam effecerunt. Melius habuit die quarta, hac tamen finiente anxietates fere intolerabiles, nausea continua, & alia hujus census symptomata, veluti in morbi principio accedunt; hinc quamvis paroxysmum primo inchoare adverterem, urgente tamen & ægro ipso, & indicatione drachmam mediam

Rad,

Rad. Hypechachuanæ propinavi, unde pluries bilem porraceam, multo glutine involutam evomuit, & alvo simul exoneravit. Anxietates minuebantur, cessabat nausea, calor tamen vehemens cum siti magna, & gravi capitis dolore noctem admodum laboriosam reddiderunt. Remiserunt hæc symptomata cum febre sequenti mane, urina sedimen posuit lateritium. Vesperi exacerbatio facta est, sed paulo mitior, illi nempe similis, qui die morbi tertia accessit. Sat manifesto jam apparuit, tertianam adesse duplicatam; verum quod evacuata faburra biliosa, mitiores sperarem paroxysmos, salibus neutris & sale ammoniaco primo uti constituebam. Attamen tertianæ alterius paroxysmus gravis admodum, & periculosus rediit: nulla prægressa horripilatione, immo ne quidem oscitatione, anxietates præcordiorum, & cardialgia vehemens per horam ægrum immaniter torquent; insurgit dein calor vere mordax; pulsus celer, durus vibrat; respiratio magna & sublimis est; facies prærubra æger nunc cum stertore profunde dormit, nunc valide excitatus, ferox cum vultu
mina-

minaci, oculis fixis delirat, brevi denovo sopore merfus. Libenter sanguinem e pede detraxissem, nisi ægri furor, aliæque circumstantiæ prohibuissent; epispastica ideo plantis pedum appolui, & emulsum nitrosum refrigerans pro potu dedi. Sex horis duravit grave hoc caloris stadium; dein successive absque notabili sudore mitiora omnia facta sunt. Hic jam non incertis amplius remediis, sed delphico suo gladio perniciosam adeo febrim illico confodiendam esse, conclusi. Sex corticis drachmæ, remissionis tempore ingestæ, tertianæ unius paroxysmum, licet de se etiam paulo leviolem, magis adhuc compescuerunt, & dum perfecta hucusque adfuisset anorexia, appetitum aliquem exfufcitarunt. Media corticis uncia noviter assumpta, sæviorem quoque tertianam mitigavit; nam præterquam quod sex horis tardius accesserit, delirium in ea fuit exiguum, anxietates longe minores, respiratio facilis, sopor, vigente paroxysmo, nullus, hoc autem finiente, placidus, naturalis. Repetito corticis usu, febris quidem omnino disparuit, sed illis horis, quibus hæc
antea

antea exacerbari solebat, pulsu minime febrili, cephalalgia accessit immanis adeo, ut si per diem integrum eadem cum ferocia perseverasset, se in furorem agi oportuisse conqueretur ægrotus; duravit autem octo circiter horis; præterea more tertianæ duplicatæ, alterna vespera multo gravior exstitit. Media corticis uncia cephalalgiam hanc penitus fugavit. Sane jam omni ex parte æger tertia septimana quotidiana vexatur (vix enim accessuum, aut symptomatum distinctionem erat deprehendere) cujus præcipuum symptoma rursum fuit dolor capitis enormis. Citam tulit opem una corticis uncia; cujus usum quamvis etiam ἀπύρετος prosequeretur, nihilominus recidivam passus est, dein vero solida, ac constante sanitate potitus. Toto morbi decursu quinque corticis uncias consumfit.

Cephalalgias tales, ut & Hemicranias periodicas sævissimas pluries, durante hac Epidemia, observavi.

C A S U S X V .

Tertiana remittens simplex perniciosissima Cardialgica, & Syncopalis.

Sexagenaria mulier, infantum custos apud cauponem Laxenburgensem, Nader appellatum, aliquot jam diebus febre remittente laborans, non tamen certis periodis exacerbata, uti sæpius obtigit, & nausea, ructibusque nidorosis vexata, vomitorium primo, hoc vero parum adjuta, purgans a Balneatore sumfit. Verum 18. Augusti circa quintam vespertinam extra lectum hærens, subito, nec vel minimo præcedente horrore, viribus prope omnibus destituta, animo linquttur; cardiacis resecta, & in lectum delata, immanem cardiae, ac præcordiorum oppressionem atque ardorem, anxietates intolerabiles, non nisi affiduo gemitu, ejulatu, & pugni proprii ad ea loca impulsione manifestare potuit, doloris, & oppressionis acerbitate vocem fere penitus cohibente. Vomuit quoque sæpius, ma-

malo tamen inde potius adaucto, quam imminuto. Tum ego accersitus, pulsum deprehendi celerem, debilissimum, inæqualem; respirationem parvam luctuosam; faciem fere cadaverosam. Cataplasma emollientissimum epigastrio apposui; interne cardiaca, neurotica, paregorica propinavi. Nihil inde levaminis, præter vomitus inhibitionem percepit; immo frigido erumpente sudore, respiratione vix non omnino intercepta, & pulsu longo tempore intermittente, extrema unctione communiri debuit. At morti jam proxima, post extremos octo fere horarum labores, ardorem, oppressionemque cardiæ minui, læta jam voce exclamat, & reliquam noctis partem quietior, vigil tamen tranfigit. Dum summo mane accederem, longe minus de præcordiorum anxietatibus conquerebatur; vivida magis, & rubella erat facies; respiratio facilis, & magna; pulsus fortis, plenus, celer; sitis vehemens; lingua sicca, alba; dolor capitis validus; paucis: opposita adeo erat rerum facies, ut nisi exacte ægrotantem novissem, aliam me hodie ægram invisere

omnino credidissem. Nihil certi hucusque de morbi indole concludere licuit; quare nitrosa, & refrigerantia interim exhibui. Vesperī sudor multus toto ex corpore emanavit; febris inde plurimum cessavit, & tranquille ægra noctu dormivit. Mane insequenti ægra parum febricitavit, & nihil fere nisi anxietates præcordiorum leviores, lenem dolorem capitis, & magnam viriumjacturam conquesta est. Urina rubri admodum coloris fuit, sine ullo sedimento nubeculam solum in medio suspensam gerens. Suspicionem quidem febris epidemicæ movere poterant celeris adeo, & notabilis morbi remissio, analogia symptomatum, epidemia febrium similium, tunc temporis dominans; urina tamen lateritio sedimine destituta, signum hucusque in ejusmodi febribus evidens a me observatum, suspendit animum, at simul turpiter fefellit. Vesperī enim 20. Augusti vires denuo subitaneæ corruunt, animo linquitur ægra, ardor, & præcordiorum oppressio, omniaque priora symptomata vehementissime recrudescent, & octo rursum horis in extremas angustias (quidquid allabo-

ra-

raverim) ægram conjiciunt; tum remittentibus his, calor, sitis, dolor capitis validissime tota die sæviunt, copioso demum sudore plurimum imminuti. Nullus jam dubio locus supererat, perniciosissimam febrim popularem hanc ludere tragoediam, ita, ut extremi illi octo horarum labores, quos Leipothymia frequens, cardialgia enormis, anxietates summæ cum pulsus asphyxia, sudore frigido &c. constituebant, stadium illud, frigoris alias nuncupatum, efficerent; caloris vero stadium tunc insecutum, summo cum impetu diem integram absumeret; adeoque tota exacerbatio triginta fere horis perduraret. Hac igitur remittente, quamvis urina necdum poneret lateritium sedimen, corticem illico exhibere cœpi; media ejus uncia assumpta, paroxysmum quidem non inhibuit; nulla tamen Leipothymia, nullus vomitus, anxietates, & cardialgia infinites leviores, calor autem, & ejus comites moderati redierunt, & exacerbatio integra duodecim horarum spatio penitus terminata est. Quare usui corticis insistens ægra brevi tempore omnino convaluit.

C A S U S XVI.

*Tertiana remittens simplex cum
violenta Cholera, Leipothymia &c.*

Homo viginti aliquot annorum, Michael Dörenberger, servus hic loci stabularius, medio mense Julio tertiana laborat. Ob molestas, ac frequentes nauseas purgans sumit a balneatore, unde egregie purgatur; rediit tamen exacerbatio, & leviori cholera stipata. Posteaquam sic peccans biliosa saburra fursum, deorsumque probe fuit exterminata, febris cum omni morbo disparuit. 19 Augusti mane exigua horripilatione prægressa, graves adeo anxietates opprimunt præcordia, ut animo deficeret aliquoties; brevi post Diarrhœa valida exoritur, quæ cum subsecuto calore, siti, ad vespervas usque tenuit. Paulo melius luce altera se habens, de lecto surrexit, ac labores suos in mundandis, ac cibandis equis utcunque peregit, debilis, & alvo sæpius dejiciens. 21. Aug. mane, prævio hor-

horrore levi, anxietates præcordiorum recurrunt, ac valide adeo ingravescent, ut veram Syncopen iterum, iterumque inducerent. Violenta sequitur cholera, vi cujus non solum frequentissime deject, sed & flavam, porraceam bilem primo, dein grummosum plane sanguinem crebro evomuit, cum ingenti virium dispendio. Calor tunc, fitis, dolor capitis se junxerunt. Meam his in angustiis implorat opem. Febricitabat impense, pulsu tamen debili parvo, cum facie lurida, & assiduo gemitu. Examinata morbi historia, cognitaque feбри epidemica ex mali decursu, symptomata mitigare interea laboravi. Scutum stomachicum opiatum epigastrio admovi, & præter magnam juris carniū copiam, parca, sed sæpissime repetita, dosi ingestam, Theriacæ Andromachi Scrupulos binos exhibui. Vomitus inde cessavit, alvus rarior evasit, sudor multus promanavit, & nox somno placido transacta est. Die altera non nisi de debilitate enormi, & leviori cephalalgia conquerebatur, parum febricitans; oris autem labia pustulis minoribus, pus verum con-

tinentibus, densissime erant referta. Quæ res securum adeo reddidit ægrum, ut nullo modo ad sumenda ultra remedia (corticem quippe propinare constitui) persuaderi potuerit, licet vel ipsam necem, redeunte simili paroxysmo, illi præfagerem. Et ecce, præter omnem spem, immo de salute ægri me vel maxime anxio, febre prorsus immunis, solo jure carniū, & vino modico dein usus, paucorum dierum spatio, sanitatem integram recuperat. Unicus hic est, qui singulari naturæ beneficio, sine cortice, sine omni febrifugo, tam gravi febre celeriter adeo liberatus est; & absque omni recidiva vitam vivit hodieum sanissimam. An biliosa saburra, quæ circa præcordia hærens, materialem febris causam constituebat, sursum, deorsumque evacuata, reliqua vero morbosa materia criticis quasi oris efflorescentiis penitus eliminata, febris ideo necessario evanescere debuit? Hæc profecto phænomeni videtur esse ratio; neque opiato hic effectus tribuendus; vix duas tertias enim grani opii partes æquabat illud; nisi forte ea ex parte, quod Theriaca Andromachi,

ut.

utpote stimulans admodum remedium, motum humorum magis augendo, ac vires naturæ excitando, hanc in producendis criticis illis oris pustulis aliquantum adjuverit.

C A S U S XVII.

Febris remittens erratica, sub molestissimæ dysenteriae habitu.

Vir quadragenarius, cui nomen Sturzenheimer, pellio in oppido Mödling, medio Augusti mense Diarrhœa valida affectus est, quæ unius septimæ intervallo, accedentibus validis torminibus, alvo cruenta, tenesmo difficillimo in pessimam dysenteriam degeneravit. Sumfit interea a balneatore illius loci Rheum tostum, aliaque adstringentia, & opiata. Curæ meæ se subjecit 21. Augusti. Pulsus erat multum febrilis, magnus, durus; respiratio celeris, anxia; vires admodum dejectæ; alvus biliosa, pauca, frequentissima; singula enim octava ho-

ræ parte liquor biliosus cum striis sanguineis, cochlearis communis cavo facile continendus, prodibat, præcedentibus validis torminibus, comitante ac subsequente molesto adeo tenesmo, ut animo toties linqueretur æger, quoties alvum poneret; fitis præterea intensa urgebat, & perfecta aderat anorexia. Quæsi vi, num enarrata hæc mala uno die graviora essent, leviora altero. Reposuit cum uxore ægrotus, ingravescere quidem illa, & remittere, sed incerta ratione, ita, ut sæpe bis in die exacerbentur, quandoque semel; immo & non nunquam per biduum eadem cum ferocia perdurent; vesperi tamen plerumque intendi omnia. Cum itaque nil certi inde discerem, neque urinam videre possem, symptomata interim lenire conclusi, donec verus morbi genius magis patefceret. Venæ sectionem imperavi; sanguis eductus, brevi tempore crusta lardacea obductus est. Abdomini integro cataplasma emollientissimum, sæpius renovandum fuit impositum; aliquoties de die binæ olei lini unciae alvo immissæ; interne vero paregorica sunt exhibita. Leniora inde tormina, alvus
rari-

rarior, tenesmus mitior, nullum animi deliquium. Vesperi omnia exacerbatâ sunt; remiserunt mane, sed brevi post de-
nuo ingravescebant. Urina sedimen ha-
buit lateritium; pulsus celer fuit, & mol-
lis. Periodici quidquam inde quidem con-
stabat, & urinæ signum latentem febrim
denotabat, corticem tamen nondum pro-
pinare visum est, donec certa febris pe-
riodus se manifestaret. Interim ad hu-
morum acrimoniam demulcendam, leni-
terque evacuandam, alterno mane Rhe-
um cum Bolo armena, omni autem ve-
spera opiatum exhibui; decoctum ex to-
ta althæa pro potu, ut & interdiu calis-
dum forbillandum dedi, & cum tenesmu-
ab oleo lini alvo immisso nihil mitesceret,
sed anxietates summas, & ipsam induce-
ret Leipothymiam, lac purum tepidum
cum theriaca Andromachi injici jussi.
Sed omnis opera inanis fuit. Dysente-
ria cum gravissimis suis symptomatis nec
minimum emendata est, & quia somnus
vix ullus in oculos poterat irrepere ob
assiduas molestissimasque dejectiones,
appetitus penitus, & cum horrore in o-
mnes cibos erat prostratus, ingens virium
jactu-

jactura secuta est. His in circumstantiis, cum urina lateritium sæpe poneret sedimentum, febris cum Dyſenteria, torminibus, tenesmo, per vices, quamquam omnino irregulares exacerbari pergeret, & remittere, ita tamen, ut remissionis induciæ vix aliquot horarum essent, ad solum jam corticem confugi, quem ope Syrupi Diacodii in Electuarium redactum, remittente malo, magna dosi sumere imperavi. Vix mediam ejus unciam devoravit æger, cum alvus longe rarius poneretur, tormina mitescerent, & tenesmus nulla ratione antea compescendus, fere penitus cessaret, pulsus demum celeritatem amitteret. Repetito dein corticis usu febris cum Dyſenteria, torminibus, tenesmo sensim evanuit, & ita post plena sanitate æger potitus est.

C A S U S XVIII.

*Tertiana remittens duplicata cum
Cardialgia in Syncopen desinente, &
Exanthematis.*

Falconarius quidam, Stadler vocatus, viginti aliquot annos natus, 22. Augusti

gusti Viennam mane proficiscens, in itinere validis horripilationibus corripitur. Viennæ potum Caffee bibit, sed vomitu quantocyus rejicit; alia ob sitim urgentem tentat liquida, verum ea protinus evomit. Calor inde vehemens sequitur cum gravi capitis dolore; reditum igitur maturat. Brevi a meridie Laxenburgum perveniens lectum petit, & magna cum febris, siti, cephalalgia per plures horas valide sudat, non nihil saporosus. Decoctum interim diluens nitrosum copiose potavit; capiti epithema discutiens, domesticum, plantis epispastica admota sunt. Minuebantur sensim cum febris sitis, dolor capitis; in somnum vero proclivis erat æger, sed vix obdormiens, cum horrore evigilabat. Nox ita transiit. Mane denuo magis febricitavit, & de ructibus amaris, nausea assidua, ventriculi inflatione, anxietatibus magnis præcordiorum, vertigine, dolore syncipitis, lingua flava, fordida multum querebatur. Lene ex Hypechachuana emeticum, a quo bilis saturate flava sursum, deorsumque aliquoties evacuata est, mala illa plurimum compescuit. Febris tamen

men per maximam diei partem cum solidis suis symptomatis perrexit, vespere, & nocturno tempore aliquantum remissior. 24. Augusti mane immaniter febris exacerbata est, sine omni horripilatione levis cholera ducebat choream, sequebantur anxietates præcordiorum intolerabiles, Leipothymiam crebro afferentes, morsus & ardor permolestus cardiæ, pulsu micante celerissimo, debili contracto; ægro viribus exhausto, inæqualiter, & cum gemitu respirante, blande tamen calente, nisi dum animo deficeret; increvit post bihorium calor, pulsus celer, fortior vibravit; fitis valida accessit; sudor copiosus toto corpore emerfit; anxietates, & Cardialgia non solum non imminutæ sunt, sed potius adauctæ; Leipothymia autem Comma agrypnodes successit. Durarunt ista ad vesperam usque, ubi iterum remiserunt. Luce altera rursus facta est exacerbatio, sed multo levior, nauseis tantum, oppressione, ac diuturnitate molesta, omnino nempe similis paroxysmo penultimo. At cum sudore profuso a meridie toto corpore prodierunt, præcipue

cipue in extremitatibus efflorescentiæ cæsuris urticarum similes puncto temporis, extra stragula hærente manu, evanescentes, ac cito redeuntes, illa sub stragulis posita. Jam hesterno die gravis mihi oborta erat suspicio epidemicæ febris; hodie autem, tum ex mitiori accessu, tum ex lateritio urinæ sedimento manifesto constitit, duplicatam adesse tertianam remittentem, satis perniciosam. Cum igitur sequenti die gravioris tertianæ accessio, adeoque magnum vitæ periculum esset metuendum, ægrum eousque inermem relinquere, piaculum esse ratus, vix remittente circa vesperam leviori hoc paroxysmo, mediam corticis unciam electuarii forma, noctu sumendam exhibui. Febris inde haudquaquam filuit; sed quam anxietates multo fuerint minores, vomitus nullus, alvus pauca, nulla animi deliquia, vehemens tamen calor, magna virium debilitas, mentis interdum alienatio, sudor copiosus, & comma agrypnodes per sedecim fere horas adfuerunt. Nulla hodie exanthemata neque durante exacerbatione, neque ea remittente, apparuerunt. Cum igitur in seram usque

ve-

vesperam, immo noctis principium perseverasset febris exacerbatio, somnus vero jam a quatriduo saltem placidus, & naturalis abesset, & insequenti luce mitioris tertianæ paroxysmus esset sperandus, paregorico potius tranquillum efficere somnum, quam corticem prosequi, visum est. 27. mane rediit tertiana mitior, & circa meridiem remisit. Nihil in ea notabile accidit, nisi quod æger hæmorrhagiam narium haud exiguam passus sit, & quod cum sudore exanthemata eruperint, miliaria alba prorsus æmulantia, his tamen minora, & opaca. Reliquam diei partem corticis usui impendit ægrotus, unde tertiana gravior quidem rediit, immo quinque horis citius, nullo tamen molestiore symptomate stipata. Cortici dein ultra insistens æger, ab omni febre, & ægritudine vindicatus est; & usum remedii etiam jam ἀπύρετος prosecutus, ab omni quoque recidiva immunis perstitit; quo forte multum etiam contulit aeris mutatio, cum ille brevi post exantlatum hunc morbum in Hungariæ confinia, falcones capiendi causa secesserit, per plures ibi septimanas moratus.

C A S U S XIX.

Tertiana remittens.

Cum validissimis doloribus rheumaticis, multis aliis anomalis & peculiaribus symptomatis, operarii cujusdam, Baumgartner vocati, in pago Möllersdorf habitantis, uxor triginta aliquot annos nata, a partu admodum laborioso per plures menses diris nervorum morbis diversimode afflicta, inchoante autumnno febrem quoque epidemicam contraxit. Ita autem hæc se habuit: Alternis diebus prægressis oscitationibus atque pandiculationibus, quarta a meridie hora vehemens illico exoriebatur dolor, cum validissimo artuum superiorum, & præcipue lumborum dolore lancinante, cephalalgia intensa, brachii finistri immobilitate & insensibilitate, & diris cordis palpitationibus. Circa quartam diei sequentis matutinam calor, febris, dolor, cordis palpitationes non nihil remiserunt, motus aliquis, ac

H sensi-

fenfibilitas brachio rediit, donec omnia die tertia graviter rurfus exacerbarentur. Balneator accitus venæ fectionem in brachio finiftro inftituit, non tamen cum levamine, fed morbi potius augmento. Pofteaquam jam una alterave feptimana fic ægrotaffet, me adivit, opemque petiit. Narravit mihi morbi hiftoriam, at confufe adeo, ut nihil certi de vero mali genio concludere potuerim. Juffi igitur, ut follicite ad exacerbationem fymptomatum, & eorundem remiffionem animum adverterent, & elapfis diebus aliquot maritus cum urina, poft paroxyfimum miffa, me accederet; decoctum altheæ interea potandum præbui, & lumbos, fpinam dorfi, & artus superiores, pannis calidis fumo juniperino penetratis ante accessum probe fricari, imperavi. Redit feptimana elapfa ægrotæ maritus, & morbi hiftoriam, prout ab initio eam expofui, recenfet. Sed fimul refert, dolorem illum validiffimum Rheumaticum non amplius artus superiores, & lumbos vexare, verum ab illo finiftro per femur descendere. Urina, quam attulit, pallida fuit, tenuis, & fine omni fedimento,

to, aut hypostasi. Frictiones igitur in ilio & sinistro præcipue femore jussi instituere, & unciam corticis mediam pulverum forma remissionis tempore absumere. Morbus inde vix imminutus, sed immutatus est: dolor ille rheumaticus scapulam sinistram maxime infestavit, unde per brachium integrum decurrit; hinc licet de se mobile jam esset brachium, doloris jam acerbitate figebatur, & heu nimium reddebatur sensibile. Priora continuata sunt. Perstiterunt febris, dolor scapulæ acutissimus, cordis palpitantes molestissimæ; increverunt debilitates & noctes evaserunt insomnes. Præter corticem, opiatum vesperi exhibitum, & emplastrum de Ladano dolenti scapulæ admotum fuit. Ex hinc dolores imminuti, cætera eadem. Quum igitur viderem, a cortice febrim hanc nulla ratione posse sufflaminari, licet binas ejus uncias jam assumsisset ægra, pulverem illum ex sale ammoniaco, & alcalinis conflatum tentare lubuit. A quatuor ejus dosibus magna morbi mutatio facta est: calor febrilis non nisi pedes, femora, & medium ventrem occupavit, mitior longe,

atque brevior reddita est exacerbatio, minus valide palpitavit cor, & in sinistra scapula nullum amplius dolorem, sed ingratum solummodo fornicationis sensum ægra percepit. Iterato hujus remedii usu, febris demum cum cordis palpitacionibus maxima ex parte disparuit, & mobilitatem cum sensibilitate recepit brachium. Scabies autem hinc inde in corpore efflorescere cœpit, & gingivæ scorbutica labe affici, hinc antiscorbutica dedi, quorum diligenti usu sanitas omnino restituta est.

C A S U S XX.

*Tertiana remittens sub larva
Dysenteriae.*

Reverendus Dominus de Kolbniz, Parochus Guntramsdorffensis, quadragenarius circa finem mensis Octobris diarrhœa aliquamdiu laborare cœpit, quæ neglecta, associatis torminibus, calore, febris, indysenteriam degeneravit. Venæ sectio-

sectionem ideo fecit ejus loci balneator, & cum nausea adesset, & inanis vomitus, emeticum propinavit. Nihil inde levatus, meæ se curæ commisit 28. Octobris. Paulo exactius examinata morbi historia, conjectura affecutus sum, febrim latere remittentem epidemicam, alterno die a meridie exacerbatam, sine ullius vel minimi horroris sensu, cum calore vehementi, siti magna, & hoc simul symptomate, quod alvus durante accessu, quadraginta plus minus vicibus copiosa validis cum torminibus, sed sine tenesmo proflueret. Remissionis intervallo pergebat febris, calor, sitis, & alvus, longe tamen moderatiores. Quæ egerebatur materia, copiosa subflava lymphæ fuit, paucoglutine mista. Exacerbatio per integrum duravit nycthemerum. Vires igitur multum prostratæ, & appetitus omnino deletus est. Urinam tamen cum videre non potuerim, nec vitæ adhuc imminuerit periculum; corticem nondum ministravi; symptomata solum paregoricis, demulcentibus & cataplasmate emolliente mitigare, conatus sum, donec novo accessu magis in

conjectura firmarer. Rediit ille 30. Octobris, & cursum suum eadem ratione persolvit, nisi quod graviolem adhuc Dysenteriam excitaverit. Hoc jam intellecto, licet urina nullum habuerit sedimentum, mediam corticis unciam mixturæ forma in die remissionis præbui. Paroxysmus inde plurimum imminutus, calor, sitis multo leviores fuere, alvus non nisi bis soluta est sine ullis torminibus, & post octo horarum spatium perfecta adfuit ἀπυρεξία. Corticis usum ideo prosecutus æger ab omni febre, & Dysenteria vindicatus est. Supererat tantum virium, & primarum viarum debilitas, appetitus exiguus, & ob tantam tenuioris liquidi jacturam, molesta oris & faucium ficcitas, quæ vero congruis remediis facile obtemperarunt.



C A S U S XXI.

Quartana remittens admodum pernicioſa, cum gravi Diarrhœa, vomitu, tuſſi &c.

Johannes Hamhilger, faber ferrarius in vico Minkendorf, vir triginta ſex annos natus, habitus admodum macilenti, ſub Feſtum Omnium Sanctorum febre decubuit, quam vere continuam fuiſſe affirmavit quidem illius loci balneator; ſed cum ſæpius continuam putridam appellarent, quam præſens adductus, remittentem epidemicam eſſe cognovi, pro quartana feбри remittente fabri hujus ægritudinem illam habui; præcipue quod alterum, in quem haud diu poſt incidit morbum, nunc enarrandum, priori omnino ſimilem fuiſſe balneator aſſeruerit. Evacuata purgantium & emeticorum ope cruditatum fæce, febris fortassis fomite, paulo melius ſe habuit. Verum quod in prandio ſuillis carnibus, aliisque difficiliſſimæ digeſtionis alimentis ſe inſarſiſſet, 17. Novembris

bris vesperi horripilationes , vagos in calores , ventriculi pondus , anxietates , nauseasque percepit. Mane sequenti a balneatore pillulam unicam purgantem assumpsit , unde non solum illa die frequentissime purgatus est , sed & altera die , licet rarius , dejectere continuavit , cum magna virium prostratione , appetitus deletionem , siti maxima , tussi crebra sicca , calore valido , febris haud exigua. 20. Novembris vesperi , exiguo præcedente horrore , anxietates validæ redeunt , vomit æger aliquoties biliosa , dein alvum ponit sæpissime , frequentius tussit , paucis : omnia graviter exacerbantur. Me ergo accivit sequenti luce. Pulsus erat celer , debilis , respiratio anxia , celeris , vires adeo dejectæ , ut vix corpus solus vertere posset , tussis sicca crebra ; diarrhœa gravis illi similis , quam hepaticam olim vocarunt , tempora collapsa , lurida facies , vultus mœstus , sudor profusus , fere assiduus ; primas autem vias quasi exulceratas & summe dolentes esse , conquerebatur æger. Morbi historiam expiscatus , & hæc coram spectans , merito suspicari cœpi , quartanam remittentem

tem sub hac diarrhœa, & morbo delitescere, draſtica illa pillula forte magis in colliquativam quaſi evacuationem irritatam. Cum vero urinam non ſervaffent ægri cuſtodes, obſcura ſatis adhucdum eſſet morbi indoles, & pernicioſam ejusmodi quartanam vix ſemel iterumque, durante hac Epidemia, obſervaffem; corticem nondum dedi; verum ad atrociam cohibenda ſymptomata, emollientia, humectantia, oleoſa, paregorica in- & externe adminiſtravi interim, donec futura exacerbatio, & urinæ fortaffe ſignum, dubium omne eriperent. Satis pacata inde facta ſunt omnia per biduum; alvus rarior, ſitis, tuſſis leniores, & exulceratorum quaſi inteſtinorum dolorificus ille ſenſus diſparuit. 24. Novembr. graviffima rediit exacerbatio. Urina ſedimen poſuit lateritum. Cum igitur vires penitus attritæ, morbo diutius ferendo pares amplius minime viderentur, habitus corporis adeo eſſet collapſus, ut vix pellis hæreret offibus, febris indoles evidenter conſtaret, corticem, ope Syrupi Diacodii, in Electuarium redactum, præter emollientia, humectantia, & ana-

leptica remedia diebus intercalaribus sumendum præbui. Ast cum corticem nullo modo, forma nulla admitteret ægrotus, reduce accessu in summum vitæ periculum conjectus est. Opitulante tamen cura palliativa, omni ratione adhibita, e procella emergens, multo demum persuasu, & dulcissimæ spe vitæ incitatus, sex corticis Drachmas assumpsit. Longe mitior rediit paroxysmus; vomitus enim nullus, alvus solum bina, calor, tussis, sitis, inquietudo, sudor, moderati fuerunt. Repetito corticis usu naturalis alvus facta; febris modica remansit cum tussi molesta, debilitate ingenti, & summa corporis macie. Lacte tamen, & paratis inde eduliis, decoctis humectantibus, nutrientibus, linctibus oleosis, demulcentibus, & protracto cortice paucis septimanis æger mirum emendatus est.



C A S U S XXII.

*Quotidiana remittens cum enormi
Diarrhœa.*

Lanio in pago Lanzendorff, Kirschinger nomine, tringinta aliquot annorum vir, a gravi in Diæta delicto, Mense Decembri febre erratica prehenditur cum valida præcordiorum oppressione, appetitus imminutione, & ciborum assumptorum cita rejectione. Vomitorium ideo a monacho quodam sumit, unde vigesies quater vehementer vomuit, & totidem minimum vicibus violenter purgatus est. Morbus inde non levior, sed gravior evasit; febris, multum decrescentibus viribus, multum increvit. Alia ab eodem monacho assumsit remedia, & melius se habuit; sed rursus ab illo purgatus cholera æque gravi, ac prima vice affectus est. Cessavit quidem die altera vomitus, verum copiosus alvi fluxus perrexit. Opem meam tunc implorat; narrat se viribus plane exhauriri ex
Diar-

Diarrhœa , & exulcerata quasi , adeoque dolentia esse intestina, ut ne minimum quidem attactum in universo abdomine , præcipue vero circa præcordia tumida , oppressa , perferret. Pulsus erat febrilis admodum , & debilis. Emollientissima , paregorica intus , extusque adhibui interea , donec conspecta urina , & sedula attentione , verus morbi genius magis patefceret. Urina sedimen posuit lateritium , & febris quotidiana remittens esse apparuit, sed nunc anticipando, modo postponendo , irregulariter , cum calore valido , siti ardente , & maxime oppressionum , ac diarrhœæ notabili augmento exacerbata. Paregoricis, & emollientibus alvus quidem paulo est cohibita , sed anxietates , & dolorifica præcordiorum inflatio longe magis increverunt. Dedi igitur, patente jam morbo, corticem rheo junctum. Diarrhœa inde vehementior rursus evasit, non nisi difficillime opiatas mitiganda. Cortice vel cum opio , vel solo etiam exhibito , alvi fluxus minutus est, sed immaniter auctæ sunt anxietates. Itaque nil aliud supererat, nisi corticem solum propinare, & alvum
in-

inde cohibitam enematibus referare. Multam demum, licet necessariam, hanc medellam pertæsus æger, corticem omnino respuit, inflationes sibi & anxietates potius augeri conquestus. Hinc febris cum diarrhœa eum adeo attriverunt, ut angusta spes salutis relinqueretur. Præscripsi tunc extractum corticis cum aqua, & syrupo citri, in remissione sumendum bis vero de die opiatum. Difficulter vel hæc admisit morosus æger, at egregio cum effectu; febris quippe plurimum sufflaminata est, & diarrhœa cum euphoria cohibita. Verum dum ille prospero successu lætus, ultra mensuram cerevisiæ frigidæ aliquando ingereret, febris rediit atrocior; frigus validum, cujus antea nullum unquam sensum perceperat, extremitates inferiores ad furas usque, superiores carpotenus occupavit, reliqua artuum amborum parte, toto cum corpore blande & æquabiliter calente; anxietates simul intolerabiles per bihorium vexarunt; calor dein vehemens exorsus, cum mentis aberratione, fitis intensa per mediam diei partem perseveravit; alvus interim copiosa frequens profluxit, &
re-

remittente quamvis febre, haud multo rarior continuavit. Corticis extractum, cum opiatīs iterum iterumque repetitum, septimanarum binarum spatio id effecit, ut febris cum Diarrhœa, & anxietatibus maxima ex parte evanescerent. Maluissē, ut ulterius his remediis insisteret ægrotans; cum autem ille nulla ratione ad id permoveri posset, Diætā saltem convenientem observare & opiatīs cum roborantibus, & adstringentibus aliquamdiu adhuc uti, persuasi. Atque hac ratione demum in gratiam sensim cum sanitate ille rediit, posteaquam, durante hoc morbo, quo septem septimanarum intervallum comprehendit, ultra quinquagesies vomuisset, & alvum, minimum sexcenties posuisset.

C A S U S XXIII.

Tertiana remittens duplicata, cum gravissima Cardialgia.

Josephus Reinhart, saponarius in oppido Mödling, viginti quatuor annorum
ju-

juvenis, a primo Anni præsentis die anxia, & ad attactum dolentia sensit præcordia, cum appetitus imminutione. Cæterum utcumque valuit. 10. Januarii quarta diei matutina sine ullo prævio, aut subsequente horrore, oscitans tantum aliquoties, anxietates, & dolorem circa cardiam longe vividiores percipit; surgit tamen, & laborem adit. Verum cardialgia cum sensu molestissimo, quasi lapidis fortissime intro prementis, & doloris acutissimi per medium ventrem ad spinam dorsi se extendentis, successive adeo increvit, ut circa horam meridiei decimam, exanimis in pavementum colaberetur. In lectum delatus, & cardiacis relictus, per multas adhuc horas cardialgia hac sævissima, respirationem sæpius cum animi deliquio penitus interceptante, & calore valido magna cum siti dein subsequente, vexatus est. Sudore demum erumpente, sensim omnia remiserunt. Duravit hæc remissio (gravis tamen assiduo adfuit oppressio, & cardiæ morsus) ad sextam diei sequentis matutinam, ubi denuo febris cum anxietatibus, & cardialgia exacerbata est, haud
ita

ita tamen, ut induceret Syncopen. Hora quarta diei tertiæ exacerbatio æque gravis reversa est, ac morbi prima. Accitus ego a meridie inveni ægrum remissioni jam proximum, haud leviter tamen febricitantem, anxium, dolentem, facie squallidum, debilem, & sudore madefcentem. Morbi historia, prout eam exposui, percepta, febrem detexi epidemicam, morte tertianæ duplicatæ, in gravissimæ cardialgiæ consortio incedentem. Præter cataplasma emollientissimum anodynum epigastrio admovendum, corticis unciam Electuarii forma præscripsi, cujus partem mediam illa adhuc vespera absumeret. Nulla inde febris, aut cardialgiæ, sequenti mane facta est exacerbatio; hinc in usu remedii non impeditus æger ἀπύρετος evasit. Levis oppressio, atque dolor supererant, quæ emplastro de Ladano epigastrio applicito, & ulteriore corticis usu, brevi tempore penitus evanuerunt.

C A S U S XXIV.

*Tertiana remittens, duplicata, cum
Delirio feroci, pertinacissimo.*

Molitor in Pago Winnersdorf, Seiz
appellatus, vir quinquagenarius,
temperamenti ficci, atrabilarii, morbis
acutis sæpius afflictus, & tussibus, præ-
sertim hyemali tempore, plurimum ob-
noxius, 25. Januar. anni præsentis,
frigori diu expositus, horripilatione ve-
speri corripitur, deinde febris magna, cum
calore valido, tussi frequenti, appetitus,
viriumque dejectione notabili. 26. Jan.
vesperi sine ullo præcedente horrore, lon-
ge impensius febricitat, incalescit, fitit,
tussit. Balneator venam secatur. Sanguis
crustam densam phlogisticam induit. Pau-
lo melius se habuit die altera ad vespetam
usque, ubi omnia denuo exacerbata sunt,
minus tamen, ac pridie. 28. Jan. sole
occiduo immanis fuit accessus, cum ca-
lore enormi, inquietudine assidua, deli-
rio, pectoris anxietate, & tussi molestis-
sima

fima. Rursum igitur sanguinem eduxit mane sequenti balneator, haud minus inflammatorium. Paulo postea ipsemet vocatus accessi. Reperi ægrum multum febricitantem, delirantem, nihil sudantem, impense sitientem cum lingua alba, ficca, tremula. In prægressam inquiri morbi historiam; sed ægrotus delirus, cum continuo garriens, nunc hæc, modo illa narraret; consternata uxor vacillaret; balneator, cum non nisi bis adfuerit, ubi venam secuit, nihil solidi novisset, urina asservata non esset; determinare non potui, num vere acuta febris esset, an remittens epidemica. Moras igitur vel invitus trahere debui, & symptomata tantum, magis urgentia, interim compescere. Decoctum hordei cum oxymelle simplici, & nitro pro potu dedi; decoctum pectorale, & mixturam (quod strepitum in pulmonibus, tussiente ægro, perciperem) expectorantem præscripsi; epispastica denique plantis pedum apponi jussi. Die altera mente constabat æger, minus & febricitabat, & tussiebat, sputa crassa, cocta copiosa facile rejiciebat, & sani instar respirabat.

Urina

Urina autem sedimen habuit lateritium. In priorem morbi historiam denuo inquirens ita eam expiscari jam potui, prout antea recensui. Suspicio igitur omnino fundata in remittentem febrim incidit; periodos tertianæ duplicatæ observantem; sed quod belle adeo se haberet, paroxysmus hesternus vix notabilis fuisset, & exacerbatio futura paucis horis abesset, in majorem diagnosis certitudinem expectare eam libuit. Non enim gravem adeo, & periculosam illam redituram suspicabar, uti revera existit. Quippe paulo magis acuta cum calore febris, valide delirare cœpit ægrotus, de lecto, incassum prohibente uxore, surrexit, & quin foras egressus sit, vix prohiberi potuit a concurrentibus domesticis. Novit quidem omnes, sed, quod exitum interciperent, colaphis, ac verberibus percussit, itaque in iram exarsit, ut animo deficiens corrueret. Viribus denuo resumtis ferociebat, vociferabat, verberabat &c. Atque ita non solum nox integra transacta est, sed & sequenti die in eodem statu illum inveni. Facies, & totus habitus omnino erat phreneticus. Pulsus cum nec

durus esset, nec plenus, sed celer, & debilis potius, & brevi speranda febris remissio, sanguinem non amplius detraxi; lecto autem contineri, & acria furis epispastica apponi jussi. Præscripsi insuper Syrupi Diacodii uncias tres, cujus pars tertia illico ingereretur, altera, si delirium non cessaret, vesperi; reliqua interim fervaretur; extractum vero corticis ad unciam mediam in aqua citri dilutum, & eodem syrupo edulcoratum, remittente delirio exhiberetur. Verum tota die perrexit delirium, & quamvis altera Syrupi Diacodii uncia vesperi ex præscripto data fuerit, integra denuo nocte perduravit, immo superveniente accessione, mitioris licet tertianæ, magis adhuc adauctum. Prima demum Februarii, posteaquam uxor reliquam Diacodii partem ingesserat, oculis connivere cepit æger, dein placide obdormivit per bihorium, sicut & dormientem reperi. Ast me adhuc præsentem, sponte evigilavit, pauca quædam apte reposuit, mox iterum deliravit, ut vix in lecto coerceri potuerit. Cum ejusdem diei vespera gravioris tertianæ immineret exacerbatio
&

& metuendum omnino esset, ne phreneticus in illa periret, jussi, ut de corticis extracti mixtura, quæ hucusque ne delibari quidem potuit ab ægro, eam nulla ratione admittente, omni hora quatuor cochlearia porrigerentur, cujus primam dosin ipse ego minis variis, & multo hortatu ægroto ingessi. Unciam dein unam Syrupi Diacodii cum viginti guttis Laud. Liq. Sydenh. præscripsi, quæ illico exhiberetur, et si somnus inde sequeretur, æger ad quamlibet corticis dosin sedulo excitetur. Sumto hoc hypnotico vix amplius deliravit æger, nec vero obdormivit, sed quietus ita evasit, ut tota fere corticis mixtura ante vespeream absumi potuerit. Egregium inde effectum obtinui; exacerbatio enim vix manifesta fuit, saltem quoad priora symptomata; mitius incaluit, sitivit; tussivit quidem crebro, at facile sputa copiosa eduxit; parum deliravit, neque amplius ferociter, & a nocte media, per plures horas, somno tranquillo refectus est.

2 Februar. apprehendi eum leviter febricitantem, non nihil sudantem, vix delirantem, sed viribus enormiter exhaustum.

I 3

stum. Corticis igitur usui, sed majoribus intervallis insistere jussi; vesperi opiatum, carnum jura sæpius, & pro potu serum lactis vinosum data sunt. Somnus inde noctu fuit placidus, mens serena, & semper constans; exacerbatio nulla rediit, & paucis diebus æger eousque convaluit, ut non nisi de tussi, virium debilitate, sensuum, ac memoriæ imbecillitate conquereretur, quæ mala decoctis pectoralibus, & Diætæ analepticæ facile postea paruerunt.


Finem ita secundo huic Capiti impono, ne ulteriori similiter plane ægrotantium recensione tædium pariam. Attamen coronidis ergo, bina adducere visum est specimina febrium vere continentium, & acutarum, quæ, ut in fine primi capitis monui, in sui principio more febrium epidemicarum regulariter exacerbatae ac remittentes, haud raro mihi anno præterito, prima, ut ajunt, fronte imposuerunt.

Æger Primus.

Fibularius in oppido Mödling, Leidelmar nuncupatus, vir quadraginta circiter annorum, siccae, strictæque temperiei, medio Augusto Anni 1760. diarrhœa, vomitu, tussi cum febre laborabat, viribus præter rationem multum exhaustus. Exacerbabatur autem, & remittebat febris cum enarratis symptomatibus, modo irregulari ac plane erratico. Palliativam igitur curam ministravi interim, donec febris typus magis constaret. Elapsis diebus aliquot, regularis tertianæ remittentis, perniciose admodum periodus apparuit, quod paroxysmi tempore diarrhœa valide ingravesceret, murmurans deliraret æger, cum linguae & artuum tremore insolito, loquelæ difficultate, animo subinde deficiens, nullum unquam horrorem, sed vehementem assiduo ardorem expertus. Media corticis uncia exacerbationem solitam inhibuit. Verum die alias libero, licet nec febre, neque memoratis supra symptomatis prorsus immuni, tremorem pri-

mo quasi internum, viscera abdominis moleste concutientem aliquamdiu sensit, in animi deliquium dein lapsus; inde quidem ad se rediit, sed summe debilis, mentis inops, & dum loqueretur, ineptè balbutiens, cum frigido in facie sudore, vacillante pulsu; sicque per horam, & ultra toto corpore haud leviter rigit. vehementer sensim incalescens, sopore per plures horasmersus est, non tamen continuo, nec tranquillo, nam incubo strangulatus, pluries cum terrore evigilavit. Corticis ex usu omnis exacerbatio cessavit, non item febris, aut quæ eam comitabantur gravissima symptomata. Febricitabat quippe assiduo, neque leviter, viribus exhaustus, nonnunquam delirans, subinde soporosus, animo interdum deficiens, alvo sæpius dejiciens. Urina non amplius sedimen posuit lateritium, sed tenuis jam, & aquosa facta est. Magna dosi, & sedulo exhibitus cortex nec minimum mutavit morbum. Itaque cum pulsus summe debilis, & inæqualis micaret, extrema jam frigerent, respiratio celeris, sublimis fieret, paucis: maximis in angustiis versaretur æger, ne qui-

quidem, quæ rogarem, intelligens, cortice destiti, & larga vesicantia furis ad-movi; interne camphorata, aliaque egregie stimulantia, haud parca manu exhibui, a quibus vis naturæ excitata de periculo adeo morbo denique triumphavit, non tamen unico, eoque decretorio certamine victrix, sed iteratis aggressibus morbo attrito, & per sudoris, & urinæ vias morbosa materia expulsa. Reconvalescens æger pedibus intumuit. Attamen frictio-num, quæ cum fumis aromaticis instituebantur, & roborantium internorum ope, sanitati integræ restitutus est. Illud quoque hic omisisse nolim, virum hunc, qui in deaurandis suis operibus, argenti vivi vaporibus adeo fuit imprægnatus, ut præter alia incommoda, tremore valido, præcipue artuum, jam sanus antea fuerit vexatus, durante hoc morbo, binos vermes, de lumbricorum teretium familia, alvo excrevisse, quorum unus tres quartas nostratis ulnæ partes exsuperavit.



Ægrotus alter.

Venantius Weinanz ardearum custos, vir quadragenarius, ficans, biliosus, intermittentibus crebro ac diu vexatus, 21. Novembris Anni prioris leviter febricitans, dolores circa cervicem & lumbos quasi rheumaticos sensit, qui frequenti pedum balneo, & sambuceatis internis, atque frictionibus plurimum evanuerunt; sed tunc levioris cujusdam periodicæ febris paroxysmi apparuerunt, quam duplicatam tertianam fuisse morbi decursus docuit. Corticem idcirco præbui, addito rheo, & sale polychresto, quod a solo cortice alvum ei pertinaciter intercipi, jam dudum mihi constaret. Quia vero negligens primo esset ægrotus in fumendo remedio, dein corticem quacunque forma datum plane respueret, exacerbationes non solum multum anticipando, & diu immorando exiguum reddidere remissionis intervallum, sed & gravibus sibi associatis symptomatis periculosa evaserunt. Etenim ægrotans, validis, horroris loco, prægressis anxietatibus,

bus, per plures horas impense febricitavit, exarsit, continuo se jactitavit, & phrenetici instar deliravit: obdormivit dein, cum terrore sæpius evigilans, cum manifesto subsultu tendinum, & levioribus oculorum, & oris labiorum convulsionibus. Cum pulsus celer, contractus, nec tamen magnus, aut plenus esset, & non nisi febrem remittentem epidemicam subesse, firmiter persuasus essem; venam non secui, sed epispastica acria plantis pedum supposui, & emulsa refrigerantia nitrosa anodyna (quæ sola admisit æger) copiose exhibui. Verum paroxysmi nihil inde mitigati sunt. Corticis igitur extracti unciam mediam mixturæ forma præscripsi, quam multo demum persuasus ille absumsit. Exinde periodicæ exacerbationes, tremores, & subsultus tendinum cum spasmis faciei quidem cessarunt, febris tandem nihil levior continuavit, cum respiratione magna, difficili, lingua rigida, siti vehementi, facie vultuosa, phrenitica, siccitate, & rigiditate cutis. Miliaria quoque alba circa collum subpullulare cœperunt, & urina quæ sedimen antea semper habuit lateritium,

tium, nunc tenuis & prærubra fuit, cum hypostasi globosa, aut suspensa in medio nubecula. In hoc rerum statu, & ægro moroso omnia ultra remedia renuente, rogante uxore, quinta Decembris, die morbi totius decima quinta, & ex quo periodica sublata fuit exacerbatio, secundo in consilium vocavi Virum Clarissimum D. Pök. Itaque cum febris jam vere continua, & vel maxime cruda existeret, diluentia, humectantia, antiphlogistica propinare conclusimus. Transpiratio inde laudabilis prodiit, mollior & humida in lateribus lingua reddita; urinae modo tenues fuerunt & prærubrae, modo crassiorem formarunt subfuscam hypostasin. 10 Decembr. morbi totius vigesimo, febris vere & solum continuæ septimo, miliaria alba, interspersis hinc inde rubris, præcipue in dorso, copiosissime toto corpore emerferunt, racematim variis in locis variolarum instar coherentia, & majores tunc vesiculas formantia. In artubus vero inferioribus nonnullæ purpurei coloris petechiæ apparuerunt. Urina ruffa fuit sine ulla hypostasi, aut nubecula; pulsus celer, suppress-

& pressus, anxia respiratio, alvus liquida, multum foetens; proposui vesicantia, sed hæc non admisit æger. Continuavi igitur priora, additis levioribus stimulantibus, diaphoreticis; spiritum sulphuris per campanam decocto tenui antifebrili instillavi, & vesperi Syrupi Diacodii unciam præbui. 11. Decembr. a somno placido pulsus minus suppressus, respiratio facilior; persistere miliaria, petechiæ pallidiores factæ, alvus bis posita, pul-tacea, sed admodum foetida; crusta linguæ media hiscere cœpit, humidis apparentibus interstitiis; urina sedimentum posuit subfuscum. Eadem & sequenti die continuarunt futuræ criseos indicia. 13. Decembris, licet tranquille æger noctu dormierit, manum tamen tum dormiens, tum vigil involuntarie sæpius retraxit, cæteris omnibus crastino die bonam crisin præsagientibus; oculi simul valde inflammati tam in adnata palpebrarum, quam albuginea bulbi, multum doluerunt. Collyrium ideo ex aqua rosarum, & floribus paravi, quod etiam opem attulit. 14. Decembr. morbi totius vigesimo quarto, febris vere ac solum continuæ undeci-

decimo crisis bona, sed imperfecta contigit per urinas copiosas, sedimine rubello oneratas. Alvus semel prodiit fere liquida, immaniter foetens, cum ægri tamen levamine. Pulsus inde melior, minus celer, cum mollitie fortis; respiratio optima. Ophthalmia disparuit; evanuerunt petechiæ; opaca sunt miliaria; fitis pauca fuit, & appetitus, hucusque penitus prostratus, rediit aliquis. Eadem iterata sunt remedia, nisi quod Syrupum Diacodii, & spiritum sulphuris detraxerim. 17. Decembr. prægressis pridie involuntariis illis manuum retractionibus, crisis denuo facta per sudores, & urinas. Alvus liquida, foetida cum euphoria aliquoties prodiit. Nec adhucdum omnis febris recessit, sed haud exigua aliquamdiu perrexit, donec urinis crassam albam hypostasim ponentibus, & foetente illa, ac liquidâ alvo, circa diem morbi totius quadragesimum, sensim fuerit dissipata. Pedibus dein multum intumuit æger, & scorbutica acrimonia, ob cubiculi summam humiditatem, huic familiæ fere endemia, forte & ex immani acidi, præcipue citri, durante hoc morbo assum-

assumpti copiam, quod cum alcalescentibus humoribus muriaticam quasi acrimoniam constituit, producta laboravit, testante id virium debilitate, a somno longe majore, laxis, tumidis, sanguinem facile fundentibus gingivis, & falso ægri sapore: a quibus malis diuturno usu frictionum cum fumis aromaticis, conservarum antiscorbuticarum, & vini medicati roborantis, similiter antiscorbutici demum penitus vindicatus est.

C A P U T III.

Córollaria quædam ex Epidemicarum febrium constitutione deducta.

Ex enarrata sic, & notabilioribus nonnullis casibus illustrata epidemicæ harum febrium constitutionis historia constat.

I^{mo}. Triplex intermittentium adfuisse genus: regularium nempe, & vel maxime benignarum, sive genus earum spectemus, sive curationem; dein remittent-

tentium, & anomalarum, de intermittentium tamen profapia, gravium sane ac pertinacium, si symptomatum magnitudinem, habitus ἀνομαλίαν, & difficilem earum omnimodam exterminationem intueamur; gravissimarum denique & vere malignarum similiter remittentium; five symptomatum, quibus stipabantur, sævitiem, five periculi, in quod plurimorum vitam conjiciebant, magnitudinem, five tectum, sub quo delitescebant, habitum consideremus.

2^{do}. Tertianas intermittentium, five sporadicæ incedant, seu populares grassentur, plerumque & mitissimas esse, & periculossimas. Prima hujus assertionis pars nulla eget demonstratione, utpote innumero omnis ætatis testimonio, & quotidiana locorum omnium experientia abunde firmata. Alteram vero partem plurimorum, eorumque clarissimorum Medicorum, & meæ, tenues quamquam observationes, dubio prorsus omni eripiunt. Ut ex centenis Autoribus aliquos tantum attingam, Clar. Cohäusen in notis ad Burneti Thesaurum Med. pract. ex Puerario, statum epidemicum tertianum

num notat, in quo non pauci ex adjuncta affectione soporosa perierunt. Tertianam cum lethargo Pechlinus refert L. 2. Obs. 20. Hercules in Saxonia juvenem a cardialgia, in tertiana paroxysmo in syncope deficiente, perimi vidit. Hallerius libro propr. Observ. 25. „ Brito, „ inquit, quidam nobilis, correptus febre tertiana, in prima accessione summa virium imbecillitate laboravit, „ ut videretur mori. Tertio die in secunda accessione eodem modo se habuit, somnolentus in utraque, ut vix „ somno posset prohiberi. Aliis accessionibus vigil, neque ad somnum verti potuit. Sexta mortuus. „ Adhibita etiam ab initio fuerant, quæ vim vitalem sustinerent. Ludovicus Mercatus atro carbone notat Tertianas, sic enim ait L. 6. de febribus: „ In eo febrium „ genere, quod febres complectitur, „ tertio die exacerbationem efficientes, „ perniciofa hæc, neque satis vulgata, „ aut cognita tertianæ species, non sine „ magno laborantium exitio, & Medicorum admiratione reperitur. Quæ „ sane, ut rarius accidit, ita difficilior

„ noscitur, graviusque ob id invadit,
„ & ob ignorationem majorem infert ter-
„ rorem, & admirationem, & quod per-
„ niciosius est, negligentius curatur. „
Et paulo post: „ Est itaque tertiana per-
„ niciosa febris quædam, quæ simulata
„ tertiani circuitus effigie, letalis, &
„ mille accidentibus perniciosissimis im-
„ plicata existit. „ Tertianarum mali-
„ gnarum, ac multoties exitiosarum Epi-
„ demia fuerunt, quas Ramazzini, Syl-
„ vius, Lanciscius, Schrökius, alique plu-
„ res descripserunt, „ Ex tertianarum ge-
„ nere (inquit, eruditissimus Werlhof
„ in Observ. suis de febribus) fuerunt
„ omnes, in quibus id quidem, de
„ quo agimus, febrium symptoma ob-
„ servavimus, vel observatum comperi-
„ mus; „ soporosum nempe affectum,
„ apoplexiæ congenerem, & non raro le-
„ talem. „ Febres intermittentes malignas
„ frequentissimas, sed tertianas observa-
„ vi, ait Neucranz de purpura Cap. 25.
„ pag. 413. „ Ut plurimum ex intermit-
„ tentibus non alias, quam tertianas tri-
„ plices, five duplices observare mali-
„ gnas licet, „ verba sunt H. Meibom. de-
fe-

febre maligna §vo 14. Gohlius demum casum refert, tertianæ in funestam apoplexiam subito desinentis.

3^{tio}. Tertianas ejusmodi perniciosas, & præcipue epidemicas, rarius in veram ἀπυρεξίαν, sed in remissionem solummodo ut plurimum desinere Veritas hujus corollarii ex sequenti elucescet.

4^{to}. Inique ideo a diversis Autoribus increpari Hippocratem, quod tertianam, dummodo intermittat, periculi expertem esse asserat. Sic autem se habet, qui eos offendit textus: Aphorism. S. 4. N. 43. Febres, quæcunque, non intermittentes μηδιαλείποντες (hoc est συνεχέες) quæ tertia die vehementiores fiunt, magis periculosæ: quocunque autem modo intermittant, quod sine periculo sint, significat. Similia fere habet in diversis locis Coacar.

Nam primo ad hanc nostram quod attinet febrium epidemiam, omnino asseverare queo, me verba modo citata Parentis Coi deprehendisse verissima. Quippe tertianæ simplices duplicesve, ubi vitæ minabantur periculum, nunquam ve-

ram reliquerunt ἀπυρεξίαν, sed pergente affiduo haud exigua febris, & functionum quarundam notabili læsione, five dolor illa fuerit in hoc febrium genere insolitus, five sopor, stupor, evacuatio, delirium &c. tantummodo remiserunt; quæ autem illarum, vere licet exiguo tempore intermittebant, vix notabili remanente functionum læsione, nunquam ægri vitam in discrimen adduxerunt. Dein sub febris nomine, non sola pulsus celeritas, sed integer plane morbus comprehenditur, adeoque & gravia illa, ac periculosa symptomata, quæ tertianas ejusmodi comitantur, aut periodice redeuntia, febris vix manifesta, aut plane nulla existente, morbum ipsum, hinc & febrim quasi larvatam constituunt, non nisi eadem illa, qua ipsa hæc ratione, & remedio tollenda. Itaque dum dolor lateris, aut capitis acutus, vomitus, diarrhoea, coma, carus, apoplexia, tertianarum paroxysmis superveniunt, vel sine manifestis febris signis, tertianarum more, periodice accedunt nec tempore ab exacerbatione libero penitus evanescunt, sed multo licet mitiores redditi, cum notabili tamen fun-

functionum quarundam læsione perseve-
rant, donec statuta hora denuo gravius exa-
cerbentur, nequaquam πύρετοι διαλείποντες
ἀκύνδινοι, sed συνεχέες ἐπικύνδινοι, omnino
censendi sunt. Atque hac ratione salva
autoritate, & veritate Hippocratis, fa-
cile explicare & intelligere possumus, ac
debemus tertianas perniciosas, immo &
letales, ab Autoribus observatas. Sic
immerito carpit Hippocratem Mercatus,
dum loco cit. ita exclamat: „ Quis enim
„ credet usquam, tertianam febrem pos-
„ se letalem fieri, eo maxime, cum ab
„ Hippocrate dictum sit: Quocunque
„ modo intermiserint, periculum abesse
„ significat, & mille aliis in locis tertia-
„ nam brevissimam, securissimamque ef-
„ se. „ Nam ipse Mercatus paulo infe-
„ rius pulchre monet: „ Sed præcipue ter-
„ tianam perniciosam esse ostendunt hæc
„ signa, & alia, quæ tertianis sunt com-
„ munia, cum ab eis nondum ex toto in
„ die quietis liber evadit ægrotans: sic
„ etenim malum portendit delirium, aut
„ somnus, qui usque in diem quietis
„ protrahuntur: item eadem die langui-
„ dos, inquietos, anxios superesse la-

„ borantes , aut alio quovis accidenti
„ oppressos , quantumvis febris vel levif-
„ sima vel nulla appareat.

Verum qui tueri licebit Hippocra-tem , si in tertiana non solum febris quietis die vere intermittat , sed & ipsum grave , ac periculosum symptoma , febris five comes , five larva , penitus evanescat , sine ulla notabili functionum læsione residua , & tamen periculosa observetur illa , aut plane letalis , cujusmodi exempla suo loco capite sequenti referam ?

Ad hæc respondeo 1^{mo}. Rariores hos esse casus , & cum nulla universalis adeo regula in Medicina existat , quæ omni perpetuo exceptione careat , vel , ut cum Celso loquar , vix ulla perpetua præcepta ars medicinalis recipiat , illud quoque generale Hippocratis de tertianis assertum paucis quibusdam naturæ portentis minime convelli , præcipue cum nihil adeo solemne sit , quam luxuriantis naturæ lusus. 2^{do}. Medicinæ Parentem nequitiam ea , quæ temporibus post eum vel unquam securitatis futura essent , divinare voluisse , sed , quæ ipse sua ætate ob-

observavit aut observata comperit, admiranda sedulitate, ac brevitate congesta, posteritati reliquisse; quæ tamen, pauca si demas, omnia, tot etiam retro lapsis sæculis, verissima etiamnum experimur. 3^{to}. Objectionem istam ne quidem tangere assertionem Hippocratis, si eam cum Doctissimo Werlhofio hunc in modum interpretemur: „ Quando tertianæ
„ continuæ in intermittentes mutantur,
„ quocunque modo id fiat, etiamsi brevissima, & vix observabilis intermissio
„ fit, & vel quotidie, vel alternis diebus
„ notetur, egregium est superati periculi indicium.

5^{to}. Ex malignis ejusmodi, ac popularibus præsertim tertianis, totidem, immo plures quandoque esse duplicatas, quam simplices. Conspirant plurimorum, quos supra citavi, Autorum observationes. Ita Ludovicus Mercatus loc. cit.

„ Tertianæ tamen vocabulo (inquit)
„ & simplicem, & duplicem subaudien-
„ dam esse diximus, cum utramque perniciosam esse, haud raro mihi, & multis compertum sit. Cæteros ut transeam,
Magnif. Sacrarum Majestatum Archiater

Antonius Störk in erudito suo Anno Medico Part. 2. pag. 163. ita scribit. „ Fe-
 „ bres autem tertianæ duplicatæ frequen-
 „ tissime occurrerunt, & eorum par-
 „ oxyfmi adeo fuerunt protracti, ut in-
 „ de febris continua remittens fere sem-
 „ per fuerit orta.

6^{to}. Tertianas ita duplicatas, ut paroxysmorum suorum longitudine, remissionem solum, & hanc sæpe exiguam efficiant, unam esse, ac frequentissimam quidem Hemitritæorum speciem, quorum malignum plerumque morem experti, atque testati sunt Spigelius, Restaurantus, Apinus, Helvoetius, Mortonus, Tortus, Lancisius, aliique.

7^{mo}. Non tamen solas malignitatis infamia notari Tertianas, simplices illæ sint, vel duplices, sed & quotidianas subinde, quandoque etiam epidemias; nonnunquam etiam quartanas, licet perquam raræ hæ sint, atque ut tales perniciosæ, vix unquam populares observentur. Suo jam tempore expertus est Galenus, earum quotidianæ maxime proprium esse, quale exemplum etiam Mocha adducit, & Dolaus. Lomius L. I. C. 18. monet; „ quo-
 „ ti-

„ tidianas ægerrime remediis cedere ,
„ tædii , & periculi plenas esse, ac dor-
„ miendi pæne inexpugnabilem neces-
„ sitatem secum habere. „ Epidemias ,
perniciosasque quotidianas adnotarunt
Ramazzini, Schrökius , & diversi alii.
Videatur quoque caput nostrum secun-
dum Casu 3. ubi quotidiana remittens An.
1759. caro stipata sequenti vero anno le-
thargo quasi sociata , refertur; Casu 8.
ubi quotidiana colliquativa sistitur; Casu
22 , ubi enormem secum habuit diar-
rhœam. Quartanas vero, si velis perni-
ciosas , carum ex quartana notat Fore-
stus L. 4. observ. 39. Comatorum af-
fectum, apoplexiæ similem in quartana
observavit Bianchi Hist. hepat. pag. 751.
soporem cum convulsionibus ante mani-
festatum quartanæ typum refert Schel-
hamer de Nat. p. 275. In febribus acu-
tis , & chronicis , quotidianis , semiter-
tianis , quartanis lethargum vel semel
gravissimo cum periculo , vel iterum ,
iterumque per periodos contingere , do-
cet Ætius Tetrabibl. 2. Serm. 2. Cap. 3.
Narrat Tortus Therap. special. L. I. C.
10. quartanam post aliquot accessiones

in vigore paroxysmi motu tremulo, ac subsultu tendinum, singultu, aliisque truculentis symptomatis horrendam; aliam L. 3. C. 5. tractu temporis valida diarrhoea, ac vomitu corpus immaniter extenuantem, ac debilitantem; gravissimam denique aliam, & prorsus stupendam in triplicem versam L. 3. C. 6. Confer casum nostrum 21. ubi inter alia de perniciofa etiam quartana cum delirio & animi deliquio mentio occurrit.

8^{vo}. Commune illud epidemicas, malignasque febres intermittentes, seu potius de earum genere remittentes habere cum omnibus aliis populariter grassantibus morbis, quod in ejusdem licet epidemiae decursu, diversis tamen annis, immo diversis ejusdem anni temporibus, diversos quoque mores, atque symptomata affectare soleant. Ita An. 1759. febres illae plerumque acutorum, & inflammatoriorum morborum proprietates præ se ferebant, veluti calorem immanem, mordacem, siccitatem cutis, & linguae insignem, nullo sæpe sudore, vel udore minimo, ad finem quamvis vergente paroxysmo, emendatam; sitim, nullo fe-

fere potu mitigandam ; dolores lateris acutissimos ; deliria, coma, carum, naturæ, ut ajunt, calidæ &c. Confirmabant pulsus durus, fortis ; respiratio anxiosa, dolens ; venæ sectio necessario toties administrata, & iterata ; symptomatum inde levamen notabile ; sanguis, vena eductus, crusta lardacea, pleuriticis familiari obductus, aut compactus adeo, & solidus, ut cultro discindi vix potuerit ; cura palliativa antiphlogistica necessaria, & utilis. Anno autem insequenti febrium potius putridarum genium æmulabantur, quæ putridam humorum dissolutionem, ac corruptionem progignunt. Huc spectant virium ingens paucorum dierum spatium jactura ; frequens animi exsolutio ; præcordiorum oppressiones, dolores, & anxietates immanes ; sudores vel in accessionis principio profusi, circa superiora quandoque frigidi ; venæ sectionis nulla indicatio, & si a balneatore temere celebrata fuit, vires magis adhuc dejiciens, nihil morbum minuens, pulsus celer, parvus, debilis, subinde contractus, & inæqualis, neque in caloris stadio multum assurgens ;

fa-

facies squalida, enormiter mutata; cura denique exacerbationis tempore cardiacis, & roborantibus peragenda. Ingen-tem etiam harum febrium eodem anno mutationem, ut in capite primo monui, diverso anni tempore licuit observare.

9^{no}. Id vero peculiare præ cunctis aliis popularibus morbis inesse nostris epidemicis febribus, quod, cum illi non solum pro diversitate constitutionis, & locorum, sed in ejusdem etiam epidemiæ cursu, iidem quoad habitum, & mores in eadem plaga grassantes morbi, multo tamen diversam hoc, quam alio tempore medelam postulent; intermittentes, vel de earum genere remittentes epidemiæ febres, quocunque colore ubiquaque ludant, quorumcunque vel perniciosissimorum simulent, induantque morborum naturam, eodem plane, atque unico remedio, Peruviano nempe cortice, delphico veluti gladio, nullo non tempore certo certius jugulentur. Infallibiles hujus veritatis testes adduco, Viros in Medicina gravissimos, in praxi versatissimos, Sydenhamum, Mortonum, Tortum, Werlhofium, Huxhamum, aliosque

que complures, qui innumeros pæne mortalium ab imminente ex ejusmodi malignis febribus interitu felicissimo, ac stupendo sæpe cum successu vindicarunt.

10^{mo}. Hac tamen sorte non item frui febres, quamvis remittentium, aut plane intermittentium more ab initio exacerbatas, postliminio autem in vere continuas acutas mutatas; utpote in quibus, ut & aliis continentibus, ardentibus, vel & remittentibus non tamen ex intermittentium familia febribus, specificam corticis Peruviani virtutem manifesto deficere, non sine gravi dolore experimur.

C A P U T IV.

Signa harum febrium diagnostica.

Vidimus igitur, quænam præprimis intermittentium, aut remittentium malignæ, & epidemicæ esse consueverint; vidimus quoque, quanto sæpe cum periculo, quantave cum acutie decurrant;

rant; vidimus insuper, quam subdola, & aliorum longe, ac diversissimorum morborum larva perperam tectæ, frequenter incedant; vidimus denique, quanto pere interfit, reconditas ejusmodi, perniciosasque febres mature, citius saltem detegere, quam deleterio suo effectu ægrotantes aut plane neci jam tradiderunt, aut in mortis jamjam confinia transtulerunt. Signa idcirco summa cum diligentia inquiramus oportet, quibus tempestive in apricum illæ deduci, sicque detectæ, domitore suo quantocyus possint debellari.

Quamquam innumeri fere scriptores Medici pernicialium tam intermittentium, quam remittentium febrium fecerint mentionem, ea tamen apud plurimos non nisi superficialia est, & perfunctoria. Perpaucos invenies, qui amplius, & pro rei, ingentis sane in Medicina momenti, dignitate hanc materiam pertractarunt. Horum autem antesignanus jure merito salutandus est Ludovicus Mercatus, Medicus Hispanus, sæculo decimo sexto celeberrimus, Philippi II. & III. Regum Hispaniæ Archiater, qui insignem
de

de perniciosis Tertianis tractatum de febribus Lib. 6. inseruit. Integri abhinc sæculi intervallo de similibus, quas observavit febribus, sed hemitritæis, libellum conscripsit Restaurandus, quem nomine Hippocratis de usu Chinæ Chinæ insignivit. Primus is fuit, qui Peruviano cortice eas aggressus, prospero cum successu edomuit. Reliqui sunt Sydenham, Morton, Tortus, Werlhof, & Huxham. Signa proinde, quibus clarissimi hi, atque de Republica Medica meritissimi Viri ad tectas ejusmodi, ac perniciosas febres dignoscendas usi sunt, in medium proferam, & pro curta ingenii mei supellectile, tenuique hoc in genere morborum experientia, paululum disquiram. Audacula quidem, & perardua, quam hic suscipio, dijudicandi est provincia; verum dum de corio humano agitur, & circa gravissimos, ac subito quandoque letales morbos causa versatur, nulla autoritas, aut nominis fama, sed sola, atque unica veritas locum teneat oportet.

Examinemus primo signa diagnostica a Ludovico Mercato assignata, qui
sic

fic ait loc. cit.: „ Monstrant quidem Ter-
„ tianam fore perniciosam gravia quædam,
„ ac pernicioſa accidentia , quæ ſtatim
„ primo accēſſu neceſſum eſt hæſitabun-
„ dum reddant Medicum. Hujus natu-
„ ræ eſt laborantis vultus prima acceſ-
„ ſione cadaverofus, aut nimis tumidus,
„ cum pulſus inæqualitate, parvitate,
„ debilitate, aut interceptione, vel
„ aſphyxia. Urina nimis craſſa, & præ-
„ vi coloris, inquietudo inſolita, an-
„ xietas, ſyncopes, animi deliquium,
„ exſolutio, & frigidi ſudores, vel to-
„ to acceſſionis tempore inordinati rigo-
„ res, difficiles reſpirationes, deliria,
„ aut ſomni profunditas, vomitus etiam
„ æruginofus, paucus, cum gravi naufea,
„ & qui non confert. Alvi fluxus, pin-
„ guis, dyſentericus, variegatus, aut
„ ſinceri humores, ingens totius corpo-
„ ris gravitas, aut inquietudo, & fitis,
„ quæ nullo potu ſedatur - - . Fu-
„ neſta ſane hæc ſigna ſunt, & ominis
„ peſſimi. Sed quis quæſo Medicorum ad
„ ægrum ſimiliter affectum prima jam mor-
„ bi die accitus, tertianam potius pernicio-
„ ſam, quam febrim acutam vere putri-
dam,

dam, ac malignam, ex folis illis symptomatis prælagire audeat? Vel quis ægrum, horrore aliquo prægresso, impense febricitantem cum pulsu duro, dolore lateris acuto, respiratione difficili, dolente, tussi molesta, dolorem immaniter augente; sanguine ipso, qui vena educitur, inflammatoria crusta dense obfuso, quis inquam taliter ægrotantem, quales mihi & aliis obtigere casus, in prima accessione videns, nullo alio nixu signo, non verà laborare pleuritide, sed tertiana solum perniciofa, pleuritidis larva induta, affectum esse divinare præsumat?

Majoris autem momenti signum est, quod mox subjungit Mercatus: „ sed „ præcipue (pergit) tertianam perniciofam esse ostendunt hæc signa, & „ alia, quæ ceteris tertianis sunt communia, cum ab eis nondum ex „ toto in die quietis liber evadit laborans: sic etenim malum portendit delirium, aut somnus; qui usque in diem „ quietis protrahuntur: item eadem die „ languidos, inquietos, anxios, & fiticulosos superesse laborantes, aut

L

alio

„ alio quovis accidenti oppressos, quan-
„ tumvis febris vel levissima vel nulla
„ appareat. „

Iusta profecto & gravis suspicio sub-
delitescentis febris intermittens, vel
de hujus familia remittentis, nasci debet
Medico, dum ægrum, quem heri plus
minus febricitantem, ac valida cholera cor-
reptum, aut alto sopore, & quasi caro
demersum, aut ab ingenti cardialgia in
animi deliquium lapsum, ac relapsum,
aut acuto lateris dolore cum tussi &c.
vexatum invisit, hodie, quamvis pul-
sus plane nihil aut parum febrilis sit, ni-
hilominus vomentem adhuc, & dejicien-
tem, licet parcius, rariusque, vel so-
mnolentum, & stupidum, vel de præcor-
diorum oppressione, & dolore multum
adhuc conquerentem, vel lateris dolore,
& tussi haud levi, etsi multo mitiore af-
fectum, viribus notabiliter exhaustum,
cum facie graviter immutata deprehendit:
verum utut grave hoc signum sit, & fre-
quenter obtineat, haud raro tamen usui
esse nequit, aut prorsus illo destituimur.

Ac primo quidem, quamvis horren-
da illa symptomata, quæ infinita prope-
modum diversitate has febres comitantur,

at-

atque occultant, die sequenti multum remittant, febris tamen ipsa plerumque, minor ut vis, ac pridie, valida tamen perseverat, veluti ex allatis Cap. 2. historiis manifesto apparuit; hinc si nihil aliud coindicet, nostra potius medela, & adhibitis remediis vim morbi, quem hæ febres referunt, infractam, quam remissionem ipsius tertianæ latentis esse judicare possumus, ac plerumque solemus. Atque ita febris re ipsa præsens, & ex pulsu manifesta, febris naturam & indolem tegere potest & obscurare. Præterea dantur ejusmodi perniciosæ intermittentes, ubi simul cum febre gravia etiam, quibus stipata erat, symptomata, die altera penitus evanescent. Narrat supra memoratus Clariss. Archiater Antonius Störk. in Anno Medico secundo sequentem casum: „ Fuit „ vir triginta annorum, qui omni alter- „ no die circa nonam matutinam per to- „ tum corpus sensit horrorem, dein fri- „ gus ingens, tandem pectoris summam „ angustiam, & pulsus deprehendeba- „ tur admodum febrilis. Remittente „ frigore ingrata aderat faucium siccitas,

„ & titillatio, hanc tussis ficcissima & vio-
 „ lentissima excepit, intumuit facies,
 „ livuerunt labia. Tandem tussi prodit
 „ copiosissimus, spumofus sanguis, &
 „ mox cessavit titillatio, pectoris anxie-
 „ tas, & æger longe melius habuit, & sen-
 „ fim filuit tussis, & sputum sanguineum.
 „ Finito paroxysmo nullam omnino mole-
 „ stiam æger conquestus est, nec respiratio
 „ videbatur difficilis, & vires fuerunt satis
 „ bonæ, viguitque appetitus - - . Imo
 egregie adeo se habent quandoque ægro-
 ti, gravibus ejusmodi paroxysmis per-
 functi, ut non solum de lecto surgant,
 sed & sanorum instar foris ambulent, &
 negotia sua commode peragant, sequen-
 ti vero accessione febris letum oppetant
 inexpectatum. Testatur id eruditissi-
 mus Werlhof in observ. de febribus Sect.
 I. §^{vo}. 6. dum ita scribit: „ In diversis
 „ casibus ille statim somnus, periculosi-
 „ oris prodromus, ita sopivit ægrum, ut
 „ vel ægre, & cum delirio, vel plane
 „ non ante finitum paroxysmum vigil-
 „ fervari potuerit: quantumvis post-
 „ modum *ὁ ἐξ ἀσάδιος*, immo vel sani instar
 „ foris ambulet. Memini mulieris vi-
 duæ,

duæ, nondum quinquagenariæ, quæ
in publico sub vesperam obviam fa-
cta, me rogavit, ut se insequenti die
inviserem, quia febris paroxysmum
tertium expectaret. Hodie, inquit,
egregie purgata sum a medicamento,
sub hesternam noctem sumto. Acces-
si altera die, & quidem rursus ocyus
petitus, atque non solum impense fe-
bricitantem, sed & apoplecticæ instar
immobilem, & stertentem reperi: ne-
que expergefieri ullo modo potuit,
sed sensim elanguente respiratione, &
pulsu exspiravit. Toto præcedente
paroxysmo blande dormire visa erat,
neque vigilias urgere voluerant, qui
adstiterunt: nescio, an potuissent---

Minime ergo ad diagnosin harum
februm sufficiunt, quæ nos Mercatus
signa docuit. Exploremus porro alia,
quæ a citatis supra Autoribus nobis sug-
geruntur.

Varia adducit signa Doctiss. Werl-
hof; in compendio ea refert, paulo fu-
sius antea exarata, dum Sect. 2. his ver-
bis inchoat: Ergo quoties sub hoc sta-
tu epidemico, in priorum paroxysmo-

rum aliquo ægrum, maxime seniore,
vel debilem, sopitum præter naturam,
aut cardialgia affectum, sed quæ cum
febris accessione declinavit, aut dein-
de stupore aliquo occupatum observa-
vimus, aut urinæ vitium notavimus,
quale supra descriptum est (urinam
nempe crassam, coloris intensi, subfu-
sci, lixivii, in quibusdam ad nigrorem
vergentis, & innatante quasi pinguedine
aliqua, valde etiam foetentem, præser-
tim cum frequenti nicturitione & dysuria,
aut stranguria prodeuntem, & tunc inter-
dum naturali similem, vel sanguinem
vena eductum, variegatum, putridum,
sero copiosissimo, aut in liquamen spif-
sius, aut crustam pleuriticam, non-
dum tamen præsentem inflammatione
coagulato abundantem cognovimus,
vel ægroti corporis, præsertim ine-
pto pharmaco turbati constitutionem
ita, uti antea monitum est, compa-
ratam, & hepate maxime, ac cerebro
ægre affectam judicare licuit, ut pro
febris vehementia, vel hic, vel alius peri-
culosus affectus jure suspicandus esse
videretur.

Antequam hæc signa dispiciamus, præmonendum primo est, de soporosis maxime, ut & cardialgicis febribus intermittentibus agere Werlhofium, hinc etiam, quæ adfert, signa ad ejusmodi præcipue febres detegendas valere; dein in certa solum ac speciali, quæ Germaniam per annos aliquot infestavit, illarum febrium epidemia eum prævia hæc signa observasse; illum denique præsupponere, prægressos jam esse paroxysmos aliquos intermittentis cujusdam, aut remittentis typum manifesto indigitantes, & graviore quodam sopore, aut cardialgia, vel alio ex recitatis modo signis affectos.

Verum illud omnino est, ac plerumque obtinet, ut levior unus, alter, pluresque paroxysmi præcedant; tertiæ autem, quartæ, quintæve accessioni sopor profundior, vomitus, diarrhœa, dysenteria, cholera mitior, graves præcordiorum oppressiones, leve animi deliquium &c. improvise superveniant, quæ insequenti exacerbatione in Coma, seu Comatodes, seu Agrypnodes, Carum & Apoplexiam, aut Diarrhœam, Dy-

fenteriam gravem, Choleram sævam,
 veram Syncopen cum notabili vitæ dis-
 crimine definant. Sed etiam nonnun-
 quam nec raro quidem contingit, ut abs-
 que præcedente intermittentis, aut re-
 mittentis cujusdam febris periodo, acu-
 tissimus lateris dolor, convulsiones epi-
 lepticæ, apoplexia ipsa sanos ante tem-
 poris momentum homines illico cum præ-
 sentaneo subinde vitæ periculo corripiant;
 cujusmodi exempla secundo capite recen-
 sui, & plura refert in Pyretologia sua ce-
 leberrimus Morton. Simili via inceden-
 tes febres Sydenham quoque observavit;
 quas ita exponit in Epist. I. Respons.
 „ Earum paroxysmi non cum rigore, &
 „ horrore, quos postea febris excipit,
 „ invadebant, sed æger iisdem plane
 „ symptomatis tentabatur, ac si vera
 „ apoplexia laborasset, quæ tamen nil
 „ aliud esset, utcunque hunc effectum
 „ æmularetur, quam ipsa febris caput
 „ impetens.

Quod autem ex urinæ vitio Werl-
 hofius desumfit signum, paulo inferius
 rimabor. Sanguis variegatus, dissolu-
 tus, aut in spissam crustam concretus,
 quem

quem soporis causa detraxit, quamvis in epidemia illa signum esse potuerit perniciosæ febris, & magnam humorum corruptelam ex se significet, non adeo tamen ad diagnosin aliarum ejusmodi febrium facere videtur, præcipue cum pluries in illis, ut evacuetur cruor, nequaquam jubeat, immo vetet indicatio. Quod ægri regnante talium febrium epidemia, licet levioribus laborent, incongruis pharmacis turbatis, horrenda, ac periculosa symptomata multoties incurrant, veritas est, heu! nimium confirmata. At tamen & ægri, congrua medela usi, exitiosis febribus, dominante epidemia corripuntur. Hepate denique, & cerebro ægre affectos, cardialgicis, & soporosis febribus tunc temporis popularibus, multum fuisse obnoxios, uti vero quam maxime est consentaneum, ita cum Hippocratis, aliorumque veterum observatis apprime convenit. Eadem ceterum difficultate hoc signum premitur, ac prius memoratum.

Adhuc dum igitur nobis signum deest, harum febrium *πασσωνμοσιν*. In urina lateritium gerente sedimentum illud se in-

venisse putarunt Viri in Arte versatissimi Sydenhamus, atque Mortonus. Pondus profecto maximum addit urina cum tali sedimento; & si cum aliis cum jam enarratis, tum imposterum recensendis societur signis, nullum amplius dubium, de perniciosæ intermittentis, vel de illius genere remittentis latentis febris præsentia relinquit: immo sola hac urina inspecta, nullo alio (si statum excipias epidemicum) concurrente signo, febrem ejusmodi audacter mihi licuit determinare. Id tamen fateri oportet, hoc urinæ sedimen vel in perniciosissimis his febribus quandoque desiderari; urina aut rubra admodum, & tenui, aut turbida existente (quo crassa, ac lixiviosa urina a Mercato, & Werlhofio observata, referenda videtur) aut a naturali conditione vix quidquam declinante. Primo anno nostræ hujus epidemiæ in omnibus gravius decumbentibus ægris, quorum urinas intueri datum est, sedimen illud lateritium apparuit. Anno vero sequenti non nisi rubram cum crassa nubecula, aut tenuem aquosam, aut fere naturalem urinam per integrum morbi decursum aliquo-

quoties observavi, quemadmodum ex allatis capite 2 historiis constat. Ergo urina signum quidem præbet, si sedimen memoratum secum ferat, fere infallibile, attamen cum in gravissimis febribus eo careat subinde, minime perpetuum.

Annon igitur optima esset Huxhami norma, qui ad morbi decursum diligenter advertit animum, quem si periodicum una, alterave vice deprehendit, cortice quantocyus usus est, non expectato urinæ signo? Sane si ægrum v. c. die lunæ valida cum febre dolore lateris vexatum, aut pulsu vix febrili in animi deliquium lapsus, aut profundo sopore oppressus invisimus, die Martis illum multo melius se habentem, die tertio eodem circiter tempore denuo exanimem, comatosum, aut acute latere dolentem reperiamus, & eadem ratione die quinta; non est, cur dubitemus ultra, perniciosam illius morbi larva indutam delitescere tertianam. Ast ea fors non semper nobis obtingit, cum altera quandoque accessio, a qua lucem præstolatur Medicus, perpetuis ægrum tenebris immergat, quemadmodum funesta docet ægri

ægri septimi historia. Quæ res signum quoque urinæ gravat; quippe sæpe vel inscio se commingente ægro apoplectico, aut urina ægroti ex eorum, qui adsistunt, incuria non asservata, signo inde desumendo destitutus Medicus, moram ideo trahit, ægrotanti letalem, recurrente de novo febre apoplectica interempto.

Tandem quoque plurimum ad perniciosas hæc febres detegendas facit epidemica earum constitutio, & illius indoles manifesto detecta. Hac ego sola basi nixus, omnibus aliis signis destitutus, ægros quandoque vindicavi, & ægro septimo, ex apoplexia evigilanti corticem illico præbui, quem si sumisset ille, nullus dubito, quin ipse, ut omnes reliqui malignis his febribus laborantes, vitam sanitatemque servasset.

Verum neque hæc regula omni caret exceptione. Qui enim locum inveniat, ubi non nisi solitarie, atque aliis longe morbis dominantibus, homines invadunt febres ejusmodi, prout complures ex iis, quos capite tertio retuli, Autoribus observarunt; aut periodum primo inchoet earum epidemia? Huc accedit, quod
nul.

nullus fere sit morbus, nullum certe symptomata, quod protheiformes istæ febres non exacte norint æmulari. Ipse quoque, quo aggrediuntur, modus diversus plane est, ac demirandus. Etenim nunc subito sub gravissimorum specie morborum, velut apoplexiæ, cholerae, syncopis, & asphyxiæ &c. tragœdiam inchoant, & ad funestum, nisi cito & efficaciter succurras, finem perducunt: nunc benignarum adeo intermittentium, vel remittentium more incipiunt, ut illico eas jugulare, piaculum esse videretur. Prægressis autem mitioribus aliquot paroxysmis, grave quoddam, & periculosum symptomata, cardialgia, leipothymiam, coma &c. sibi associant; insequente posthac accessione, cardialgia in validam syncopen, comate in carum verso, vel ægrum trucidant, vel in maximum saltem vitæ periculum conjiciunt, futura exacerbatione, ni mature tuleris suppetias, procul dubio perimendum. Pulchre id insinuat egregius Werlhof. S. I. §. 6.

” Tam egregie hæ febres intermittentes, vel remittentem benignam simulant, ut vix aliquo ex signo certo tristis even-

eventus prænuntiari posse videatur :
præcipue, quum morbi ingenium ge-
neratim non videatur malignum, sed
potius innumeri, sub eodem statu epi-
demico feliciter, facileque cum quavis
medendi methodo emergant, in qui-
bus fere eadem omnia in principio no-
tantur. Atque id ipsum est, quod
multos ita decipit, ut, quum vulga-
tum quodvis remedium, vel temera-
rium etiam molimen feliciter in tot cor-
poribus cedere videant, ibi etiam,
suis fisci experimentis, vel naturæ &
medelis incertis rem committere, vel
vehementibus pharmacis & turbulen-
tis ausibus ægros aggredi sustineant,
ubi ipsum hoc, de quo nobis sermo
est, symptoma, vel quodlibet aliud
vere metuendum est periculum. Enim-
vero cum haud paucis experientia pro-
bet exemplis, has febres, harumque
causam ægros in varia discrimina, &
in hoc etiam periculosissimum sympto-
ma senilium corporum plura, & juve-
nilium nonnulla improvise adducere,
aptam natam esse; caute utique nec si-
ne aliqua formidine, sub ejusmodi sta-

tu epidemico, salubritatem & securitatem febris credendam & prædicandam esse constat. Expedit potius, minutissima quævis indicia ubivis explorare. Si usquam alibi, certe in hac fallaci benignioris morbi specie clinica praxi opus esse videtur.

Nullum itaque ex omnibus, quæ modo examinavimus, signis seorsim sumptum, aut infallibile est, aut præsens perpetuo. Diagnosin tamen pœne indubiam perniciosarum hujusmodi, tectarumque febrium suppeditabunt; Medicum saltem omni ex parte securum reddent illa, frequenti modo applicita. Ac primo quidem, & quod plerumque obtinet, si malignæ hæ febres, decursa aliquoties sua periodo, intermittentis, vel remittentis cujusdam typum manifesto prodiderunt, & quamvis mites primis in accessibus, atque securæ visæ, tertio vero, quarto, quintove paroxysmo insolitum quoddam, ac grave symptomata, ut soporem profundiores, cardialgiam vehementem, animi deliquium, vomitum, aut diarrhœam frequentem, & vires notabiliter prostermentem &c. secum habent,

ant, five penitus cum febre illud fymptoma celfet, atque intermittat, five periduret, paulo mitigatum, & tantum remittat; feu fedimen lateritium gerat lotium, feu minus; five epidemica talis eo tempore dominetur conftitutio, five fporadice incedant: minime amplius feriandum eft, fed illico ἀπυρεξίας aut remiffionis intervallo fufficiens Peruviani corticis quantitas exhibenda, ne, ægro fequenti exacerbatione enectò, turpe illud Medici fuperfit effugium: Quis hoc credidiffet?

Si vero, quod non raro licet obfervare, morbus jam incipiat cum gravi vomitu, diarrhœa valida, comate profundo, delirio vehemente; cardialgia in Leipothymiam, vel Syncopen definente, convulfionibus epilepticis &c. eaque mala fequenti die aliquantum remittant, aut plane celfent, nifi urinæ fignum fimul adfit, vel epidemica talis conftitutio, exigua fane, fi tamen ulla perniciofæ intermittentis, aut remittentis effe poteft fufpicio; neque jure quis accusabit Medicum, qui morbum, prout apparet, aggreditur, licet funeftus, atque letalis jam
al-

alter redeat accessus. Dum autem die secunda, tertia, quarta supra memorata exacerbantur symptomata, denuoque remittunt, aut abolentur, nil est, quod desideret amplius, vel exspectet: firma enim ratione nititur, propter quam febrem, ex periodico decursu jam manifestam, cortice quantocyus expugnet. Verum si ita obscure, uti descripsi, sit morbi prima, vel altera die facies, urina vero lateritium vehat sedimentum, aut similis dominetur Epidemia, merito oria-
tur oportet suspicio tectæ ejusmodi, ac malignæ febris, quam cortice sine mora jugulet.

Porro si sub acuti & inflammatorii morbi habitu, quod haud infrequenter contingit, cum dolore lateris acuto, pulsu duro, tussi molesta, cruore, qui educitur phlogistica crusta obrito &c. hæ febres decurrant, eas periodica symptomatum, ac febris exacerbatio, atque remissio paucorum spatiorum dierum patefacient, præcipue si urinæ signum, & epidemiæ indoles accedant; & insons profecto non erit ille, qui corticem mature non suppeditarit.

Denique si homo sanus antea (uti-
nam hypothesis hæc esset potius, quam
veritas non rara experientia confirmata !)
apoplexia forti subito sternatur, aut enor-
mi cholera viribus, & tumoribus paucis
horis exhauriatur ; luce vero altera se-
cundis avibus adeo solvatur illa, ut non
nisi loquelæ difficultas, & stupor sensuum
remaneat aliquis, hæc ita mitescat, ut
vomitus rarus, moderata supersit deje-
ctio, dummodo in casu simili signum il-
lud urinæ adsit, aut haberi possit, vel
perniciosarum intermittentium, remitten-
tiumve tum regnet Epidemia; malignam
ejusmodi subesse febrim, omnino est quod
suspiceris, ideoque corticem exhibere
nec vel minimum moreris. Attamen uri-
næ si desit signum, epidemia illarum fe-
brium nulla obtineat; jure argui ne-
quit Medicus, dum ægrotans redeunte
stata hora apoplexia, vel cholera vitæ
patitur dispendium: hoc tamen salva vita
ex imminenti naufragio adhuc emergente,
febris ex periodico decursu jam manifesto
patens, domitore suo actutum coercea-
tur.

Postremo , quando gravia quædam symptomata , ut vomitus , diarrhœa , dysenteria , dolor rheumaticus , Hemisphæria &c. ægros aliquamdiu affligunt , neque diversis , ac præstantissimis quibusque remediis vel minimum cedunt , quamvis nihil prorsus regularis , quoad mali exacerbationem , aut remissionem appareat , dummodo urina sedimen ponat lateritium , aut populariter grassentur intermittentes , vel remittentes febres , suspitioni locus datur insignis , febrilem subdelitescere genium , quem Peruviano cortice facile , & unice debellabis ; qualem casum in Histor. 14. retuli. Pro coronide demum notandum venit , diligenter quoque animadvertendum esse in peculiaribus febrium ejusmodi epidemicarum signa , quemadmodum fecit solertissimus Werlhof. In nostra autem hac febrium epidemia , quantamcunque adhibuerim diligentiam , singularia quædam signa non potui deprehendere.

CAPUT V.

*Causæ nostræ hujus constitutionis ,
& nonnulla adhuc de Cortice Pe-
ruviano.*

Epidemicorum moborum αἰτιολογίαν in extricandis sæpe difficultatibus esse involutam, neque ex Annorum constitutionibus, a solita sibi temperie, ac habitudine diversimode, graviterque aberrantibus semper, uti multi arbitrantur, erui posse, præter alios accuratissimus, ac sedulissimus naturæ Scrutator, qui instar plurium sit, Sydenhamus hinc inde in suis operibus, præcipue vero Sect. 1. Cap. 2. testatur: „ Quamvis „ autem (inquit) diversas diversorum „ annorum habitudines, quoad mani- „ festas aeris qualitates, maxima, qua „ potui, diligentia notaverim, ut vel exin- „ de causas tantæ Epidemicorum yicissi- „ tudinis expiscarer, me tamen ne hi- „ lum quidem hætenus promoveri sen- „ tio; quippe qui animadverto, annos quoad

” quoad manifestam aeris temperiem sibi
” plane consentientes, dispari admodum
” morborum agmine infestari, & vice
” versa. Ita enim se res habet. Variæ
” sunt nempe annorum constitutiones,
” quæ neque calori, neque frigori,
” non sicco humidove ortum suum de-
” bent.” Hinc cum neque in telluris
superficie, neque in atmosphæra ipsa,
quæ nocivam aeris affectionem efficiat,
veram solidamque causam invenire queat
nunc ad ima terræ viscera descendit, e
quibus noxia fugerere effluvia, quæ æ-
rem & hoc mediante nostra corpora con-
taminent, opinatur; nunc ad ipsos glo-
bos cœlestes elevatur, quorum peculiari,
& sinistro influxu atmosphæram alterari
suspicitur.

Id omnino in descripta harum febrium
Epidemia verum deprehendi, illam an-
norum constitutionibus, liceat consueto
sibi more, quoad æstum, & frigus, sic-
citatem vel humiditatem non nihil recede-
rent, omni ex parte minime posse impu-
tari. Quæ sivi etiam ex maxime longæ-
vis rusticis, & Balneatoribus, qui per

annos plusquam triginta suam hic locorum artem exercuerunt ; neque ullus eorum similium intermittentium , aut remittentium febrium se meminisse asseveravit , quamvis tanto temporis intervallo , similes subinde temporum vicissitudines , ac constitutiones adfuisse haud sit improbabile.

Illud vero fatendum est , non salubrem adeo Laxemburgi , villorumque vicinorum esse plagam , eamque præprimis scorbuto , & intermittentibus febribus multum esse obnoxiam. Complures id probare videntur rationes.

Primo humilis , ac depressa planities a Cetii Montibus , qui ex Occidente nos undique cingunt , quaquaversum ad Hungariæ usque confinia extenditur , in qua Laxemburgum , & plura alia oppida cum pagis numerosis sita sunt.

Dein aquæ subterraneæ tam propinquæ sunt superficiei telluris , ut vix pedes aliquot terræ effodi queant , quin aquæ illico regurgitent ; hinc etiam cellæ vinariæ tam exiguæ profunditatis habentur , ut in æstate tepeant liquores inditi fermentati , hyeme vero a congelatione vix possint prohiberi.

De-

Denique & rivi magno numero hanc planitiem irrigant, qui verno tempore, nivibus in Austriæ Alpibus resolutis, immaniter aucti, agros, camposque adfitos tantopere inundant, ut lacus etiam majores, pagos insularum instar cingentes, hinc inde nascantur, quæ post plures demum septimanas partim solis æstu, & ventorum agitatione sensim exsiccantur, maxima autem parte in terram reabsorbentur, atque subtus stagna prius memorata subterranea constituunt. Immo Laxemburgum inter, & Mosbrunnum, quæ milliarii semialtero invicem distant, a rivis, nimiam aquarum molem verno tempore exonerantibus, lacus satis amplus, ac profundus formatur, qui non nisi in calidissima æstate penitus ficcetur. Nemo itaque mirabitur, aquæ potum impurum & insalubrem incolis suppeditari, quum aut stagna illa subterranea impuritatibus, innumeris fœcibus referta, puteos impleant, aut rivuli ex præterfluentibus rivis derivati, fœculentam pariter, ac turbidam lympham vehentes. Nam, qui Laxemburgum alluit, Badena decurrit, turbidus, sulphur manife-

sto redolens, & nauseosus est, & dum hyeme congelatur, glaciem ex viridi flavescentem repræsentat. Reliqui vero rivi, quum certis machinis, ad ligna ex præcipitibus sylvis permulta milliaria secum devolvenda, adaptata sint, quas a lignis longo sæpe tempore in iis maceratis abluunt, sordibus, fœcibusque scætant. Si porro consideremus, stagna illa, ex aquarum proluvie in superficie soli enata, diuturna mora corrupta, calore solis in vapores roriferos, impuros resoluta, in auras magna ex parte elevari, aer quoque humidis, putridisque exhalationibus redundet, necessum est. Magis adhuc insalubrem Laxenburgensem atmosphæram redderent, rivus Badensis, ubi oppidum attingit, in ampliorem alvum, ac finum quasi aliquem effusus; lacus seu stagnum Guntramstorfense, sat magni ambitus, & propinquum; sylva proxime adfita, & multum extenta, accessum Euro plurimum intercipient; nisi inquinatum ita aerem, Zephyri, ac boreæ & maximo quidem sæpius cum furore, at summo accolarum commodo, vix non assiduo everrerent, atque lustrarent.

rent. Enimvero cum loca depressa, paludosa, humida febrium præ aliis esse feraciora, ab omni ævo jam docuerit experientia, & ex solidis id rationibus fuisse, & eleganter deduxerit celeberrimus Lancisius in libr. de noxiis paludum effluviis, evidenter elucet, viciniam hujus plagam, si non ipsum illud aeri myasma suppeditat, quod febres progenerat, aptissimam saltem esse, ut illud, undecunque aeri subministratum fuerit, prompte suscipiat, foveat, atque sustentet.

Dicta hucusque confirmat attenta Epidemiam hujus consideratio. In locis enim depressioribus, majoribus rivis adjacentibus, longe plures his febribus correpti sunt, quam in editioribus, & rivulis solum irriguis. Dein Laxenburgi multo frequentiores has febres, easque perniciosas observavi, quam in reliquis, licet populosioribus oppidis. Demum in hoc ipso oppidulo illæ familiæ, quarum domicilia rivus proxime alluit, & hinc interni cubiculorum parietes fere semper madent, immo humida obtinente tempestate, aquas guttatim undique exsudent, illæ inquam familiæ præ cæteris incolis

gravius, atque diutius iis febribus multatæ sunt. Ita in Venatoris nostri Gruber familia Anno 1759. per integrum autumnum Nosocomium quasi videre erat; cum modo uxor, modo bina, ternave proles, modo domestici alternatim decumberent, fanescerent, iterum iterumque ægrotarent. Similiter etiam in familia Ardearum Custodis Weinenz hæ febres nidulatæ sunt; nam præterquam, quod omnes jam a multis annis, & nuper quoque intermittentibus varie vexati sint, filius natu major æqualiter epidemicis remittentibus, & perniciosis graviter decubuit, immo e postrema febre ne quidem convaluisset, nisi humile, humidumque domicilium cum sicco, & editiore, meo fausu, permutasset.

Causas vero Recidivarum frequentium, ac quasi solemnium quod attinet, quantumvis gravia in sex rebus non naturalibus delicta commisissent ægroti, subindetamen vel ex levissimo errore, immo nonnunquam absque manifesta προφάσει febris reversa est, præcipue si convalescentes ulteriorem corticis usum neglexerunt. Videtur autem in his character fe-

bri-

brilis, nervoso systemati impressus, nondum penitus vi corticis deletus esse, & obliterated, sed remansisse aptitudinem, febrilem dispositionem, levissimo & vix notabili errore concurrente facile recipiendi.

Atque hæc de Epidemiæ hujus ἀ-
τιολογία dixisse sufficiat interim, donec, perspectus magis hic Austriæ Tractus, explorata accuratius aquarum, aërisque quibus hic fruimur, indoles (quæ res futuri, quod dabitur, otii notabilem mihi partem suffurabitur) plura, ac certiora suppeditarit.

Priusquam tamen finem de his febribus differendi faciam, nonnulla adhuc de Peruviano Cortice, quæ verum in iis fuit, & unica salus, dicenda restana

Quod cortex iste Peruviano aur, longe nobilior, atque pretiosior, primis quibus Europæ innotuit, annis, osiores fui & adversarios excitaverit, mirum profecto non est, neque insolens: præterquam enim, quod fors hæc cum omnibus rebus, aut recens inventis, aut cognitis communis illi sit, usus quoque ejus tunc temporis minus congruus, atque

intempestivus, & hinc longe rarius, ac hodie salutaris, immo sæpe nocivus effecit, ut multi, egregii cæteroquin Viri, qui aut iniqui novitatum hostes fuerant, aut socordes neglexerant quatuor illa cum Phyzices, tum Medicinæ Therapeuticæ fundamenta, Ordinem nempe Prosecutionem, Seriem, & Vicissitudinem artificiosam, quæ ut pulchre monet Baco Verulamius, in natura eximie possunt ac pollent, & remediorum efficaciam, aut inertiam, utilitatem, vel noxam optime atque unice valent determinare, ut multi, inquam, egregii cæteroquin Viri odio corticem habere cœperint, & adversari.

Verum posteaquam Sydenham, Morton, Tortus, alique magni nominis Medici, ore & opere non solum stupendam tum in multis aliis morbis, tum præcipue in debellandis intermittentibus, & de earum genere remittentibus, vel perniciosissimis febribus, Corticis efficaciam omnibus hucusque cognitis seu indigenis, seu exoticis remediis multis parasangis superiorem, sed & summam ejus, ac securissimam innocentiam evidenter, & in-

nu-

numeris fere exemplis demonstrarunt , quo fucō , quo rationis velo jacta in corticem convicia iniqui illius detractores celare amplius potuerint , nullatenus comprehendendo.

Quanto magis attoniti stupeamus oportet , dum vel hisce nostris diebus non defint Medici , qui Cortici Peruviano , tetro veluti veneno summe infensi , ancipiti potius , & incertæ fidei remedio periclitantem ægrorum salutem audent committere , quam ut corticem , de cujus tamen vi in febres dictas specifica minime dubitant , heteroclitī instar virus ipsis suspectum , in usum revocent , atque ita , dum de salute ægrorum vel maxime solliciti videri volunt , corticis abstemii , miseros in interitum præcipiant. Non vana loquor , non profero ficta. Primo anni præsentis mense , Reverendo Domino vicini cujusdam oppidi Parocho , febre epidemica graviter decumbenti , medicatus ego talia expertus sum. Hæc autem fuit morbi , rei que facies. Horripilationem calor exceperit cum magna virium , & appetitus prostratione , siti multa , vomitu difficili , & flatibus im-

ma-

mani copia surgentibus. Quod plethoram suam novisset æger, ipse sanguinem e brachio educi curavit, quem dum crusta densa inflammatoria obductum viderem, pulsum durum, plenum tangerem, ægrotus difficulter respiraret, tussiret, & acutis sive pectoris, sive faucium morbis se obnoxium esse referret, pro febre continua acuta, pulmones maxime invadente, paucis, pro peripneumonia vera habui, ideoque cruorem denuo detraxi, rursum phlogisticum, & diluentia, nitrosa, antiphlogistica præter decoctum pectorale exhibui. Sed tertia jam morbi die diagnosin mutavi; urinæ enim lateritium sedimen, morbi, ac symptomatum notabilis remissio, & exacerbatio atque epidemica constitutio duplicatæ tertianæ, sed irregularis admodum, præsentiam manifesto arguebant, & cum in ultima exacerbatione æger primo absque ullo horrore, per horas debilis adeo fuisset, & circa præcordia anxius, ut ad motis assiduo cardiacis vix ab animi deliquio prohiberi potuerit, flatibus simul enormiter vexatus; vehementer dein incaluerit cum mentis emotione, sensuum

stu-

stupore, & comate agrypnose; profundo demum sopore cum stertore aliquo merfus, leviter aliquamdiu sudaverit, mora omni rescissa, corticem præbui. Alter tertianæ paroxysmus media ejus uncia sublatus est, belle se ægrotans habuit, & continuato corticis usu, eum penitus a febre vindicandum fore, spes adfuit indubia. Hoc in rerum statu Medicus quidam Viennensis, Vir senio & autoritate gravis, me invito, ægrotante infcio, ab ejus Superiore, qui de morbo certior factus est, in opem mihi adjungitur, cui ægrotationis historiam, epidemicam ejusmodi febrium hic locorum constitutionem, & medelam hucusque a me adhibitam exposui. Æquo, ac consentiente animo omnia ille excepit; at dum corticem me dedisse narrarem, & usum ejus ultra proponerem, illico succensuit, suumque, quod in corticem gerit, odium non amplius celare potis, inimicus sum, inquit, Chinæ Chinæ. Aptè tum exclamavit æger: sed meus non es? Tacite mecum reposui, certe tuus hostis est, qui corticis inimicus. Alta tamen voce hæc proferre visum non est,

est, quod Medici senioris animum, longævis præjudiciis obduratum, nulloque argumentorum pondere flexibilem, & in crassam potius altercationem, quæ non nisi in opprobrium & contemptum artis nostræ cedere solet, pronum cognoscerem. Causam vero sui erga Corticem odii mox ille patefecit, quod nempe in corpore permanens, nec alvo quantocyus eliminatus, noxas inferat gravissimas; hinc si aliquando, quod tamen oppido raro contingeret, cortice utatur, nunquam se corticem solum, sed semper purgante aliquo sive rheo, sive salibus neutris permixtum, ut alvo protinus ejiciatur, se exhibere, declamavit. Suspensus hæsi, an in indignationem, an commiserationem his Medici effatis, muliercularum, ac rudi vulgi garritum redolentibus, commoverer. Sed identidem tacui ex allatis causis. Lis tamen nonnulla orta est, dum de ulteriori morbi cura esset quæstio. Corticem quippe ego suasi, &, ut panicum depellerem timorem, narraui, a solo, ac puro cortice ægrum ter ea nocte cum euphoria alvum coctam posuisse; sin metus omnis nec inde evanesceret,

con-

consensi, ut cum salibus neutris exhiberetur. Sed neque illud ab infenso corticis hoste impetrare potui. Admisi tandem, rogante ægro, ut arcanum duplicatum, nitrum antimoniatum & alia talia neutra, quæ tanquam divina alexipyreta senex Medicus extulit, cum lapidibus cancrorum juncta, reliquam morbi curam perficerent, hac tamen conditione, ut, si paroxysmus gravis inde rediret, quod certo certius fore prædixi, ad Corticis usum ægrotans recurreret. Dicta confirmavit rerum successus; accessio enim æque gravis, immo profundiore adhuc somno stipata, reversa est. Sanitatis igitur amans æger, lubentissime ad corticem confugit denuo, cujus uncia devorata, febris quidem cum periculosis illis symptomatis fugam arripuit, sed molestissima, & acutissima Hemicrania vices ejus, ac periodes subiit, quæ vero ulteriori corticis usu prorsus evanuit. Atque sic corticis ope sanitati restitutus est æger, vel unius septimanæ spatio, qui procul dubio, eodem temporis intervallo, salibus nequidquam prohibentibus, verso in apoplexiam commate, aut vitæ

tulisset dispendium, aut summum vitæ periculum incurrisset.

Quot quæso mortalium, saltem perniciosis illis tertiæ speciei febribus affectorum, Charontis cymbam non intrassent, si hic, vel similis corticis inimicus hic locorum, durante hac Epidemia, Medicinam exercuisset? qui tamen omnes, unicum si demas, sua culpa, neglecto cortice, peremptum, vitam hodie vivunt sanissimam. Nec iniqua, solutiorque alicui videatur hæc mea dicendi libertas: nam si in ullo morborum genere vita, aut mors ægri in manu Medici versatur, illud profecto obtinet in malignis ejusmodi febribus, manifesto patentibus; non enim incertæ, & inf Securæ, uti vere continuarum, & acutarum febrium, illarum prædictiones sunt, & exitus, sed omnino certæ, & indubiæ; quippe si Peruvianum corticem tempestive, ac sufficiente dosi exhibueris, ægrum certo certius in tuto collocasti; sine ejus ab usu aut inanis timor, aut præjudicium pervicax, aut execranda denique contradicendi libertas, & consuetudo te prohibuerit, reus eris ægroti, haud indubie perituri.

Jure

Jure igitur merito cum eruditissimo Werlhofio Sect. 2. §. 2. hunc in modum exclamo: „ Innumerabilibus summorum
„ Medicorum per integrum, & quod ultra, est sæculum, & universam Europam repetitis, & meis etiam multiplicibus experimentis, quæ primum ante rationis inventionem invenienda esse, apud Celsum dicitur, tam persuasum habeo, quam quod in toto Artis Medicæ ambitu maxime: Corticis Peruviani particulas humano corpori sano, æque ac innocentissimum quodvis Medicamentum vegetabile, moderate amarum, & aromaticum subadstringens, innocuas esse, nequaquam autem per se nocivas, aut venenatas: quæ vulgi fabula est, ex male intellectis doctorum quorundam placitis, & obstetricante aliquorum Medicorum errore, vel etiam consilio Medicastrorum, Apolline invito, nata, & enutrita. Ejus vero virtus omnium manifestissima, in restituenda subito œconomia corporis, horrendis symptomatis per paroxysmos turbata, excitare potius ad usum illius confirmandum, emendandum, &

„ contra abusus muniendum, vel in aliis
 „ etiam morbis proficuum detegendum
 „ cordatos Medicos deberet, quam ut
 „ Theoria, vel Hypothesi nimis gener-
 „ aliter definiente, & imperfectis de
 „ modo agendi ideis, aut præconceptis,
 „ futilibusque opinionibus, ad vituperan-
 „ dum hoc Divinæ Providentiæ munus,
 „ & castrandam generoso præsidio materi-
 „ am medicam, febribus medentem,
 „ seduci se patiantur. „

